

# ଓହାଝୁନ

( ପୌରାଣିକ ପଞ୍ଚାଙ୍କ ନାଟକ )

[ ମତ୍ୟସ୍ବର ଅପେରା-ପାଠିତେ ଅଭିନୀତ ।

ଶ୍ରୀବିନୟକୃଷ୍ଣ ମୁଖୋପାଧ୍ୟାୟ  
ମାହିତ୍ୟରତ୍ନ ପ୍ରଣୀତ

ନୂତନ ସଂସ୍କରଣ

ଭାର୍ଗବୀୟାସ ଦାସ ଏଓ ସମ୍ପ  
୪୨ ନଂ ଆହିରୀଟୋଲା ଷ୍ଟ୍ରିଟ, କଲିକତା

ସନ ୧୩୫୫ ମାମ ]

[ ମୂଲ୍ୟ ହୁଏ ଟାକା ।

প্রকাশক—শ্রী অমরেন্দ্রনাথ দাস

৮২, আহিরীটোলা ষ্ট্রিট,

কলিকাতা

আনন্দ সংবাদ !                      আনন্দ সংবাদ !!

যাঁহার লিপিত নাটকাবলী নাট্যজগতে যুগান্তর  
আনিয়াছে—

নেই লক্ষপ্রতিষ্ঠ স্বকবি বিনয়বাবুর অমর  
লেখনী প্রস্তুত পৌরাণিক নাটক

## জেলের মেয়ে

কোণায় গভিনীত হইতেছে জানেন তো ?

নেই বঙ্গের অপ্রতিরূঢ়ী যাত্রা সম্প্রদায়

“রামসীতা অপেরা-পাটিতে”

ইহাতে আছে আভিজাত্যহীনা জেলেরমেয়ের  
কপ-মাধুরিমা মুঞ্চ করলে সমাজনেত্রী কষির জঠোর  
শৃঙ্খল প্রাণকে, মুঞ্চ কবলে ভারতেশ্বরকে, আভিজাত্য  
অনেক দূরে সরে চ'লে গেল—জেলেরমেয়ে হ'লে  
ভারতেশ্বরী, রোমাঞ্চকর কাহিনী। মূল্য ২২ টাকা।

তারার্টাদ দাস এণ্ড সন্স

৮২, আহিরীটোলা ষ্ট্রিট, কলিকাতা

মুদ্রাকর—শ্রীসাগরচন্দ্র সায়ন্ত

“তারার্ট প্রেস”

৮২, আহিরীটোলা ষ্ট্রিট,

কলিকাতা

B1489



# নাটোল্লিখিত ব্যক্তিগণ

## পুরুষগণ ।

শ্রীকৃষ্ণ, সাত্যকী, অর্জুন, দেবর্ষি ।

কৌরবা	...	...	নাগরাজ ।
কর্কটনাগ	...	...	ঐ সেনাপতি ।
চিত্রভানু	...	...	মণিপুর রাজ ।
রামভদ্র	...	...	ঐ বরশু ।
গজানন্দ	...	...	দ্বারকাবাসী ব্রাহ্মণ ।
কন্দর্প	...	...	ঐ ভাগিনেম্র ।
প্রহ্লাদ	..	...	ঐ পুত্র ।
অনিন্দ্য	...	...	ঐ ভ্রাতৃপুত্র ।
ধনপতি	...	...	রামভদ্রের পুত্র ।
দুর্শ্যদাম্বর	...	...	কংসের অস্থচর ।

দৈব, পাণ্ডাগণ, নাগগণ, পরীবাসী ইত্যাদি ।

## স্ত্রীগণ ।

সত্যভামা	...	...	শ্রীকৃষ্ণ-মহিষী ।
সুভদ্রা	...	...	শ্রীকৃষ্ণের ভগ্নী ।
উলূপী	...	...	নাগরাজ-কন্যা ।
বরাজী	...	...	রামভদ্রের স্ত্রী ।
চন্দ্রাধি	...	...	গজানন্দের পরী ।

নর্ভকীগণ, সহচরীগণ, নাগিনীগণ ইত্যাদি ।

# রক্ত নিশান

শ্রীবিনয়কৃষ্ণ মুখোপাধ্যায় সাহিত্যরত্ন প্রণীত। ভূট্টা অপেরায় অভিনীত। দেশদ্রোহী কুটচক্রী জয়চাঁদের জন্তু ভারতের গৌরববি অস্তমিত। পৃথিবীরাজের ভারতরক্ষার বিরাট অভিযান। মহম্মদঘোরীর সহিত তুমুল সংগ্রাম। পৃথিবীরাজের পরাজয় ও ভারতের শোচনীয় দুর্দশা। রাজপুত বীরগণের স্বদেশে প্রীতি ও বীরত্ব কাহিনীর উজ্জল ছবি এবং স্বদেশ রক্ষার জন্তু রাজপুত রমণীগণের সহিত হাসিতে হাসিতে মৃত্যুকে বরণ করিবার জলন্ত দৃষ্টান্ত, বাংলার প্রত্যেক নরনারীর প্রাণেই স্বদেশ সেবার এক অনির্কচনীয় ভাব জাগরিত করিয়া দিবে। মূল্য ২২ ছই টাকা।

# শকুন্তলা

শ্রীবিনয়কৃষ্ণ মুখোপাধ্যায় সাহিত্যরত্ন প্রণীত। ( বাসন্তী অপেরার বিজয় নিশান ) মহর্ষি কণ্ঠের পালিতা কন্যা শকুন্তলার সহিত মহারাজ ছন্দ্বস্তের প্রেম বিনিময়। বাসন্তী নিশার কণক-কিরণে বেজে উঠলো মিলনের বাঁশী। কালের স্রোতে ভেসে গেল প্রণয় প্রণয়ীর অসুরাগ। অভিজ্ঞানের আকর্ষণে আবার ফিরে এল নৈরাশ্রের পথ হতে উচ্ছ্বাস। শকুন্তলা হলেন ভারতেশ্বরী। মূল্য ২২ ছই টাকা।

# মায়া শক্তি

শ্রীবিনয়কৃষ্ণ মুখোপাধ্যায় সাহিত্যরত্ন প্রণীত। ভূট্টা অপেরার জয় নিশান দশানন পুত্র মহীরাবণ কর্তৃক মায়াশক্তির দ্বারা বাম লক্ষ্মণকে হরণ। ভদ্রাকালী দেবীর নিকট রাম লক্ষ্মণকে বলিদানে উদ্ধৃত। পবনপুত্র মারুতির অলৌকিক শক্তি দ্বারা ভদ্রাকালীর মন্দিরে মহীরাবণের শিরশ্ছেদ ও রাম লক্ষ্মণের উদ্ধার। বীরত্বের ও কারুণ্যের সন্নিবেশ। মূল্য ২২ টাকা।

# ভদ্রাভঙ্গুন

প্রথম অঙ্ক ।

প্রথম দৃশ্য ।

হরিদ্বার ।

গজানন্দ শর্ম্মাকে টানাটানি করিতে করিতে  
পাণ্ডাগণের প্রবেশ ।

গজানন্দ । ছেড়ে দাও—ছেড়ে দাও বাবা, তোমরা কি আমার ছিঁড়ে থাকবে বাপ্ পাণ্ডাধনেরা ? আমার প্রাণটা বে যার যার হুচ্ছে বাপ্ ধনেরা ।

১ম পাণ্ডা । চ'লে আসুন মশাই আমার সঙ্গে, আমি আপনাকে আগে ধ'রেছি ।

২য় পাণ্ডা । এই চুপ, আমিই আগে বাবুর কাঁচাটা ধ'রেছি ।

৩য় পাণ্ডা । চোপরাও ! হাম্ আগারি উসিকো সাথ বাত্‌চি  
কিয়া ।

৪র্থ পাণ্ডা । শঁড়া কঁড় কলা ? সু তো সর্বপ্রথমে বাবুকো ধরিল।  
আস বাবু—মোর সাথে আস ।

১ম পাণ্ডা । থাম্ শালার উড়ে । ইনি আমার যাত্রী । বলুন  
তো মশাই—আপনার বাড়ী কোথায়, আপনার নাম কি, আপনার  
বাবার নাম কি ? আমার খাতা খুলে ঠিক ব'লে দেবো । আপনি  
আমার সাত পুরুষের যাত্রী ।

## ভদ্রার্জুন

[ প্রথম অঙ্ক ।

গজানন্দ । বাবার নামটা যে ভুলে যাচ্ছি বাবা ! তবে গ্রামের নামটা বলতে পারি ।

১ম পাণ্ডা । তাই বলুন—তাই বলুন, তাহ'লেই খাতাব সঙ্গে মিলে যাবে ।

৩য় পাণ্ডা । হামাব খাতামে লিখা হয় ।

৪র্থ পাণ্ডা । কঁড় কলা ? খতা—খতা, শড়ার খতা । মোড় খতায় বাবুব সাতপুকষের নাম লিখা অছি । আস বাবু—আস ।

[ আসুন, আসুন, আইয়ে, আইয়ে ইত্যাদি বলিতে বলিতে  
গজানন্দকে টানাটানি করিতে লাগিল ]

গজানন্দ । ওরে বাবারে—ওরে বাবারে ! এইবার বৃষ্টি বধ হ'লাম । শুকুনি ব্যাটারা আমায় যে ভাবে ধরেছে, সাবাড় না ক'রে আর ছাড়্ছে না । হায়-হায়-হায় ! গিন্নিকে নিয়ে তীর্থে কব্তে এসে একি বিপদে পড়লাম রে বাবা ! এখন এই কালান্তক ব্যাটারদের হাত হ'তে বাচি কি ক'রে । গিন্নি ! ও গিন্নি ! তুমি তো গঙ্গার জলে নেমে বেশ তো মনের সুখে স্নান কর্ছো, এদিকে যে আমায় ঘম-দুতেরা ধ'রে টানাটানি কর্ছে । হায়-হায়-হায় ! একি বিপদে পড়লাম রে বাবা ! ছেড়ে দাও বাবা—ছেড়ে দাও, আমি মড়া গরু নই—তাই তোমরা সবাই মিলে আমায় নিয়ে টানাটানি কর্ছো । ওরে বাবারে—এরা যে আমায় ছাড়্ছে নারে । গিন্নি ! ও গিন্নি !

[ পাণ্ডাগণ গজানন্দকে টানিতে টানিতে লইয়া প্রস্থান করিল ।

ব্রহ্মচারীবেনী অর্জুনের প্রবেশ ।

অর্জুন । দ্বাদশ বৎসর তরে

হ'য়েছি প্রবাসী,

তীর্থে তীর্থে করিয়া ভ্রমণ  
 পাপমুক্ত হ'তে হবে মোরে ।  
 নির্দিষ্ট বৎসর অস্তে  
 ফিরিতে হইবে পুনঃ হস্তিনানগরে ।  
 বিপ্রেয় গোধন রক্ষা করিবার তরে  
 পশিলাম অস্ত্রাগারে—  
 কিন্তু হাম দ্রৌপদীর সহ  
 পঞ্চপাণ্ডবের সহবাস হেতু  
 যে নিয়ম ছিল ধার্য্য  
 সে নিয়ম করি নু লঙ্ঘন ;  
 তাই দ্বাদশ বৎসর তরে  
 ব্রহ্মচারীবেশে পাপের স্বাধানে  
 তীর্থে তীর্থে হইবে ভ্রমিতে ।  
 এই সেই মহাতীর্থ হরিদ্বার ধাম,  
 চমৎকার মনোমুগ্ধ স্থান ।  
 কলস্বনে বহে ওই দেবী ভাগীরথী  
 অতীতের মহাকীর্তি  
 করিতে প্রচার ।  
 কূলে কূলে সূশোভিত  
 শ্রাম তরুরাজি,  
 পুলিনে বসিয়া ওই মুনি ঋষিগণ  
 করিতেছে বেদপাঠ মনের আনন্দে ।  
 যাই, স্নান করি গঙ্গানীরে  
 মুক্ত হই কৃত পাপ হ'তে ।

[ প্রস্থান ।

উলূপী ও পদ্মার প্রবেশ ।

উলূপী ।

ওলো পদ্মা !  
কেবা ওই সুন্দর যুবক ?  
হেরি ওর কন্দর্প মুরতি  
ছলে ছুদি অনঙ্গ দহনে ।  
মরি মরি কেবা ওই  
অচেনা সুন্দর !

পদ্মা ।

নাহি জানি সখি,  
কেবা ওই সুন্দর যুবক ।

উলূপী ।

মনে হয় কাম যেন  
মানব আকারে এল আজি  
অবনীমণ্ডলে ।  
ওই- ওই যে যুবক  
নামিল গঙ্গাব জলে ।  
চল্ সখি নিরে যাই ওরে  
আবাসে মোদের,  
ওরি সাথে করি মোর ছুদি বিনিময়  
নারীজন্ম করিব সার্থক ।

[ উভয়ের প্রস্থান ]



## দ্বিতীয় দৃশ্য :

লতাকুঞ্জ ।

সত্যভামা আসীনা সখিগণ গাহিতেছিল ।

গীত ।

সখিগণ ।—

আজ কেন সই বিরন বদন

মনটা কেন ভার ?

প্রেমের নদী বয়না কেন

রুদ্ধ কেন কুঞ্জদ্বার ।

কাজল আঁধি সজল কেন,

হতাশ আজি সবই যেন,

স্বরহারা আজ কেন বাঁদী

ছিঁড়লো কেন বাঁগার তার ।

সত্যভামা । চ'লে যা—চ'লে যা তোরা,

বড় ব্যথা প্রাণেতে আমার ।

নৃত্যগীত তীব্র বিষ আজি

শুনিবারে না চাছে পরাণ ।

সখিগণ । ওমা—কি হলো গো !

১ম সখি । বোধ হয় শ্রামসুন্দরের জন্তে অভিমান হ'য়েছে ? তা হবে বইকি । শ্রামসুন্দর তো আমাদের সখিকে আর ভালবাসেনা ।

২য় সখি । চ'লো—চ', শ্রামসুন্দরকে ডেকে দিইগে চল্ । তিনি শ্রম মানিনীর মান ভাঙ্গিয়ে যান ।

[ সখিগণের প্রস্থান ।

সত্যভামা । জ'লে যায়—জ'লে বারু  
 অন্তর আমার ।  
 দিবানিশি সহি শুধু  
 বৃশ্চিক দংশন । অপমান—অপমান,  
 নিদারুণ অপমান মোর ।  
 শ্রাম ! শ্রাম ! নির্দম নিষ্ঠুর  
 একি তব আচরণ  
 সত্যভামা সাথে ?  
 রুক্মিণীর প্রতি তব এত ভালবাসা ?  
 জানি না কি ঔষধি প্রদানি  
 রুক্মিণী তোমারে বশ  
 করিল কেশব !  
 তাই তুমি থাকো সদা  
 রুক্মিণীর বিলাস-কুঞ্জতে ।  
 রুক্মিণী তোমার হ'লো—  
 প্রিয় সহচরী সত্যভামা  
 নহে কেহ তব ?  
 দেবর্ষি নারদ এসে দিয়ে গেল  
 নন্দনের কুল পারিজাত—  
 তুমি তাহা না দানি আমারে  
 উপহার দিলে রুক্মিণীরে ।  
 তার প্রতি কেন তব এত ভালবাসা ?  
 সত্যভামা হইল বঞ্চিত আজি  
 পারিজাত কুলে ।

উঃ ! উঃ ! একি তীব্র অপমান !  
ক্ষোভে দুঃখে বাহিরায় প্রাণ  
কোথা পাই শান্তির সন্ধান ।  
দেখিব চতুর—  
দেখিব কেমন তব কপট প্রণয় ।  
কাজ কিবা বেশ ভূষা রত্ন-আভরণে  
ফেলে দিই সব—  
তারপর চ'লে যাবো পিত্রালয়ে,  
সপত্নীর অপমান নারিব সহিতে ।

[ নিজ অলঙ্কার খুলিয়া ফেলিয়া দিতে লাগিল ]

### শ্রীকৃষ্ণের প্রবেশ ।

শ্রীকৃষ্ণ ।      একি ! একি !  
কর কি—কর কি প্রিয়ে,  
কেন আজি এত অভিমান ?  
কহ কিবা হেতু বিরস বদন—  
ফেলে দাও গাত্র আভরণ ?  
চক্ষে কেন অশ্রুর প্রবাহ ?  
ঘন ঘন কেন দীর্ঘশ্বাস ?  
কহ রমা ! কিবা হেতু  
হেন আচরণ ?  
কি ব্যথা পাইয়া হৃদে  
কর আজি এত অভিমান ?  
আসিতে বিলম্ব মম হ'য়েছে ভাবিরা

তাই তুমি অপ্রিয়ানে হরেছ কাতরা ?  
 না না—ত্যাগ অভিমান,  
 আমি কি রহিতে পারি  
 তোমারে ভুলিয়া ?  
 ব্যস্ত ছিঁহু রাজকাৰ্য্যে,  
 তাই লো প্রেয়সী !  
 যথাকালে পাও নাই দরশন মোর ।  
 চাহ লো রূপসী—  
 কালোশনী এসেছে তোমার  
 প্রেম-ভিক্ষা আশে ।

সত্যভামা । যাও যাও—সরে যাও শ্রাম !  
 ভালবাসা নাহি চাই তব—  
 নাহি চাই কপট প্রণয় ।  
 যারে তুমি ভালবাস  
 সেই তব প্রিয়তমা অতি ।  
 যাও শ্রাম পাশে তার,  
 আমি কেবা তব ?  
 কুরূপা কুৎসিতা আমি  
 মোর প্রতি কেন ভালবাসা ?  
 যাও—যাও. বুকিয়াছি সব ;  
 ছলনার নারিবে ভোলাতে আর ।

শ্রীকৃষ্ণ ।

একি সত্যভামা ! পারি না বুকিতে  
 কিবা হেতু এত অভিমান  
 অস্তরে জলিল তব ?

কই প্রিয়ে ! আমি তো কহিনি তোমা  
কোন কটু কথা—  
কিন্মা কোন দিই নাই ব্যথা,  
রূপগত। করিনি কখনো  
প্রণয়ের দিতে প্রতিদান ।  
নিতি আমি নিকুঞ্জ তোমাব  
পবনের মৃদল হিল্লোলে  
চন্দ্রমা নিশার স্নিগ্ধ ছায়াতলে বসি  
মনোসুখে করি যে বিহার ;  
তবে কেন সুলোচনে !  
অকারণ দুঃখিছ আমারে ?

সত্যভামা ।

যাও—যাও চতুরালি !  
নারিবে ভূলাতে আর কপট ছলার ।  
বুঝিয়াছি আজ  
কত তুমি ভালবাস মোরে ।  
বিবাহ ক'রেছ শ্রাম ধর্ম সাক্ষ্য করি,  
তাই লোক-লজ্জা হেতু—  
সামাজিক রীতি অনুসারে  
অনিচ্ছায় আগমন তব ।  
নাহি কিছু পরাণের টান,  
মৌখিক তোমার সব  
নামে মাত্র সত্যভামা সঙ্গিনী তোমার ।  
কি কহিব—  
কি ব্যথা আমারে তুমি

দিতেছ কেশব !  
 জাগে হাহাকার—আঁখি হ'তে  
 অবিরল ধরে বারিধারা ।  
 মনে হয় এইক্ষণে  
 উদ্বাহ বন্ধনে—বিষ পানে—  
 অথবা সলিলে পশি  
 ত্যজি মোর এ ছার পরাণ ।

শ্রীকৃষ্ণ ।

বিশ্বয়ের কথা ! বিনা মেঘে  
 বজ্রাঘাত সম হেরি যে নয়নে ।  
 বরাননে ! কহ লো স্পষ্টভাষে  
 কিবা হেতু—  
 কিবা মোর রূঢ় আচরণে  
 সুকোমল প্রাণে তব  
 লেগেছে আঘাত ?  
 ধার লাগি এত অভিমান,  
 এতখানি হ'য়েছ ব্যথিতা ।  
 কহ প্রিয়ে !

মত্যভামা ।

পাকে যদি কোন প্রতিকার,  
 অবশ্য পালিব রাখিও বিশ্বাস ।  
 বিশ্বাস ! বিশ্বাসঘাতক তুমি ।  
 তোমা হেতু সত্রাজিত-সুতা  
 পাগলিনী—আত্মহারা,  
 নাহি জানে তোমা ছাড়া  
 এ বিশ্ব-মাকারে ।

তোমারই রূপেতে ভরা  
 অন্তর আমার—  
 তোমারি নীরদ কাণ্ডি  
 শান্তি দেয় অবিরাম মোরে,  
 তোমাময় জীবন আমার ।  
 কিন্তু হে মুরারি !  
 মোর সনে সদা তুমি  
 কর লুকোচুরি ।  
 অকৃত্রিম নহে তব প্রেম-অনুরাগ ।  
 তা যদি থাকিত গ্রাম,  
 তাহ'লে কি পারিজাত  
 দেবর্ষি নারদ যাহা  
 দিল তোমা উপহার—  
 সেই পারিজাত আমারে না দিয়া  
 ভালবেসে দিলে তুমি  
 বিদর্ভ-সুতারে ।  
 আর আমি—

শ্রীকৃষ্ণ ।

ওঃ ! বুঝিলাম এতক্ষণে  
 কিবা হেতু অভিমান তব ।  
 বুঝিলাম দেবর্ষি নারদ  
 গিয়াছে ঘটায় আজি হেন পরমাদ ।  
 সত্যভামা !  
 তুচ্ছ পারিজাত তরে  
 নাহি সাজে হেন অভিমান তব ।

একটি সে পারিজাত ল'য়েছে রুক্মিণী,  
আমি তোমা শত শত পারিজাত  
এনে দেবো ইন্দ্রের নন্দন হ'তে ;  
তার লাগি কেন তুমি  
আজি বিষাদিনী ?

প্রতিশ্রুতি দিতেছি তোমারে,  
ত্যজ প্রিয়ে হেন অভিমান ।

সত্যভামা । না না—চাহি না শুনিতে তব  
কপট বাক্যের ছটা ।

চাহি না সে পারিজাত,  
পার যদি এনে দাও  
প্রিয়তমা রুক্মিণীরে তব ।

শ্রীকৃষ্ণ ।

ছিঃ ছিঃ !  
বৃথা তুমি দুঃখিতেছ মোরে ।  
সমভাবে সবাকারে  
ভালবাসি আমি—  
পক্ষপাত নাই মোর প্রেমে ।  
শোন প্রিয়ে !

দেবধিরে করি আবাহন  
দিতেছি কহিয়া  
ইন্দ্রের নন্দন হ'তে এনে দিতে  
রানি রানি ফুল পারিজাত ।  
কেন দুঃখ কর অকারণ ?

দেবধি ! দেবধি !



গীতকণ্ঠে দেবর্ষির আবির্ভাব ।

গীত ।

দেবর্ষি । -

স্বাগত বিশ্বস্তর বহু আয়ুধধর  
গৃহাণ উপচার ভীম ভবেশম্ ।  
নমো মেঘুর মুদির কুণ তমু রুচির  
জলধার হার হং হি জনেশম্ ॥  
নমো ত্রুড়িত-জালন রুদ্র নীরাজন  
পঞ্চভূত পঞ্চ প্রদীপ রূপম্ ।  
নমো করকা গর্জন নট নাট নর্তন  
প্রচুর বর্ষণ কল্পিত ধূপম্ ॥  
পাণ্ডু গুগ্‌গুল ফলমূল তামূল  
শিলা সকল শীতল অত্রম্ ।  
ফেন পুষ্পদল অবিরল জল কল  
চাকু খেতপ্রজা চন্দ্রাতপ অত্রম্ ॥  
নির্ঝর বারি গিরি গহ্বর বিদারি  
তুরী কাসর ভেরী কল্পিত বেশম্ ।  
সমীরণ ঘর্ষণ নবমন জুস্তণ  
বাস্তি প্রতি পরমবেশম্ ॥

শ্রীকৃষ্ণ ।      ভাল খেলা খেলিয়াছ ঋষি !  
ইন্দ্রের নন্দন হ'তে  
ল'য়ে এসে ফুল পারিজাত  
মাধবের অন্তঃপুরে বাধালে বিপ্লব,  
এবে কর ঋষি প্রতিকার তার ।  
তোমাতে হেরিলে

বড় ভয় আগে যে অন্তরে,  
 অনর্থ ঘটতে তুমি পটু চিরদিন ।  
 এখন যে বিপ্লবের চিতাবহি  
 জেলে দিলে ঋষি—  
 নির্ঝাপিত কর তাহা আজ ।  
 যাও ঋষি ইন্দ্রালয়ে,  
 কহ গিয়া পৌলমী-বল্লভে  
 মোর লাগি দিতে পারিজাত ।  
 হের ঋষি ! পারিজাত তরে  
 সপত্নী বিদেহ-বহি  
 ছারখার করে মোর  
 শান্তির আবাস ।  
 নিভাও অনল তুমি  
 যাহা নিজে করিলে সৃজন ।  
 দেবর্ষি । যথা আজ্ঞা যত্নপতি !  
 কিন্তু প্রভু !  
 দেবেন্দ্র কি সম্মত হইবে  
 দিতে পারিজাত ।  
 মর্ত্যের দুর্লভ যাহা—  
 শ্রীকৃষ্ণ । অবশ্যই মোর লাগি  
 দিবে তাহা দেবেন্দ্র বাসব,  
 অসম্মান করিবে না মোর ।  
 অসম্মান করে যদি পারিজাত হেতু—  
 কহিও বাসবে,

অগণন যাদব সেনানী  
বিধ্বস্ত করিয়া তার নন্দন-কানন  
আনিবে এ মর্ত্যধামে চক্ষুর নিমেষে ।  
তবে বিশ্বাস আমার  
অপমান করিবে না সহস্রলোচন ।  
যাও ঋষি !

দেবর্ষি ।

যথা আজ্ঞা মাধবী-মোহন  
চলিলাম ইন্দ্রের সকাশে ।

[ প্রণাম করতঃ প্রস্থান ।

শ্রীকৃষ্ণ ।

নিশ্চিত থাকলো প্রিয়ে !  
পারিজাত দানিব তোমারে ।

[ প্রস্থান ।

সত্যভামা ।

পারিজাত—চাই পারিজাত,  
পারিজাত না পাইলে  
দেখিব কেশব !  
কত তব ভালবাসা  
সত্যভামা প্রতি ।

[ প্রস্থান ।

## তৃতীয় দৃশ্য :

গজানন্দের বাটা ।

গজানন্দ ।

গজানন্দ । ডাকাত—ডাকাত, পাণ্ডা ব্যাটারী একবারে জলজ্যান্ত ডাকাত । সেদিন হরিদ্বারে তীর্থ করতে গিয়ে ব্যাটারীদের হাতে পড়ে প্রাণটা গিয়েছিলো আর কি । খুব বেঁচে গেছি বাবা ! আর কোন্ শালা তীর্থ করতে যায় । মাগীর দিন রাত্রির ঘ্যানোর ঘ্যানোরের ঠ্যালায় তীর্থ করতে বার হ’তে হ’য়েছিল । নইলে কি গজানন্দ সরস্বতীর মত পুণ্যবান লোক অযথা পরমা খরচ করতে বেরোর । খুব আকোল পেয়ে গেছি বাবা ! মাগীও আচ্ছা সেক পেয়েছে । মাগীর পাল্লার প’ড়ে কতকগুলো পরমা বাজে খরচা হ’য়ে গেল । বাক, দিনকতক ব্যবসা চললেই খরচ খরচা সবই কড়ায় গোণ্ডায় উসুল হ’য়ে যাবে । অহো—আমি কি ব্যবসাই না খুলেছি । বেঁচে থাক বাবা গজানন্দের কোষ্ঠসাক্ষা মাথা । এই মাথার দাম কত । এই মাথাটা কেন্‌বার জন্তে লক্ষ টাকা নিড়ে ‘দেবরাজ কত সাধাসাধি করলে, তবু দিইনি বাবা ! সরস্বতী উপাধিও কি যার তার ভাগ্যে ঘটে ? ছেলেবেলার আমার কি ভয়ঙ্কর প্রথর মাথা ছিল । পাঁচটা বছরের পর তবে অক্ষর পরিচয় হয় । তবেই তো সরস্বতী উপাধি পেলাম রে বাবা ! ছেলেটা কিন্তু আমার মত হলো না । একবারে বোম্বটে হ’য়ে গেছে । গাঁজা মদ হরদম ইচ্ছে করেন । কথায় বলে কিনা “বাপু কো বেটা সিপাইকো ঘোড়া কুচ নেহি তো খোড়া খোড়া” ।

সখি সাজিয়া গীতকণ্ঠে প্রহ্লাদের প্রবেশ ।

গীত ।

প্রহ্লাদ ।—

ভালবাসা দাও না শ্রিয় ।

ফাগুন বাগে এস হেসে

উড়িয়ে প্রেমের উত্তরীয় ॥

চাঁদের আলোর ছড়িয়ে এস গন্ধ,

অবণ হিয়া উঠুক নেচে জাগুক আবুল হুন্দ

আমি তোমায় বাসবো ভালো

তুমি স্নিতির চুমু দিও ॥

গজানন্দ । বাঃ ! বাঃ ! চমৎকার !

প্রহ্লাদ । কি বাবা, চিন্তে পার্ছো ?

গজানন্দ । তোমায় আর চিন্তে পার্ছিনে । আহা ! ওবে ব্যাটা,  
তুই কি একবারে উচ্ছন্নয় গেছিস্ ?

প্রহ্লাদ । সাবধান !

গালাগালি দিওনা আমারে ।

শিথিরাছি অভিনয়

গানের দলেতে থাকি,

এখুনি অভিনয় সুরে

অপমান করিব তোমার ।

গজানন্দ । দূর হ'—দূর হ' হারামজাদ ! ব্যাটা গানের দলে গিয়ে  
পরকালটা বারবারে ক'রে ফেলেছে । হায়-হায়-হায় ! এতদিন পরে  
গজানন্দ সরস্বতীর নামটা ডুবলো ।

প্রহ্লাদ ।      শোন—শোন ওহে পাপাধম  
 বানর প্রধান,  
 বেশী কিছু কহিলে আমারে  
 ধমাধম পিঠেতে পড়িবে তব  
 অগণন মুষ্ঠ্যাঘাত মোর ।  
 চিতপতাং হইবে ভূতলে,  
 মুহমূহঃ করিবে চীৎকার ।

গজানন্দ ।      কি—কি বাটা, তুই আমার মা'বি ?    অকাল কুশ্মাণ্ড !

প্রহ্লাদ ।      আবার তুমি  
 করিতেছ অপমান মোর,  
 ধমাধম গিয়াছ কি ভুলি ?  
 ওরে মূর্খ জ্ঞানহীন  
 বৃদ্ধ জরদগ্ভ !  
 কিবা মোর ভয়াবহ বাহুশক্তি  
 হেবিবে এখনি ।  
 একতালে পড়িবে পিঠেতে তব,  
 কঁয়াক্ কঁয়াক্ মহাশব্দ  
 করিবে তখনি ।  
 সাবধান !    ওরে ওরে রক্ষ কুলাঙ্গার—  
 হবে সব ছারখার,  
 ভেবেছ সীতারে হরি  
 বেখে দেবে অশোক কাননে ?  
 ওরে ছুট !    আয় তবে  
 বধ করি তোরে ।    [ গজানন্দকে প্রহারে উত্তত ]

গজানন্দ । তবে রে হারামজাদ ! পাজি নচ্ছার ! । প্রহার !

প্রহ্লাদ । কি—কি, এতম্পর্কা, হলো তোর

ওরে মূঢ়মতি !

ধর তবে উপযুক্ত পুরস্কার ।

[ ভীষণ ভাবে প্রহার করতঃ গজানন্দকে কেলাইয়া দিয়া

দ্রুত প্রস্থান করিল ]

গজানন্দ । উহ-হ ! গেছিরে বাবা—একবারে গেছি । উঃ ! কি  
রকম ভয়ঙ্কর ভাবে আমার প্রহার ক'রে চ'লে গেল । উহ-হ !

কন্দর্পের প্রবেশ ।

কন্দর্প । কি হ'লো মামা—কি হ'লো ? আহা হা প'ড়ে গেছ  
নাকি ? ওঠ—ওঠ ! [ হাত ধরিয়া তুলিল ]

গজানন্দ । কিরে ব্যাটা ! তুইও এ সময় আমার সঙ্গে ইয়ারকি  
করতে এলি ?

কন্দর্প । আহা-হা, রাগ করছো কেন মামা ?

গজানন্দ । কি—আবার মামা ? ইয়ারে ব্যাটা, আমি কি তোর  
বাবার শালা—তাই যখন তখন তুই আমার মামা মামা ব'লে ডাকিস্ ?  
সাবধান কুঁদো ! তুই আমার রাগাস্নি বল্ছি । রাগ্লে আমি যাচ্ছেতাই  
হ'য়ে যাই । জানিস্ তো ?

কন্দর্প । যাক্, আর তোমায় মামা ব'লে ডাকবো না । কিন্তু তুমি  
খুব রেগে গিয়েছিলে ব'লেই তো এখুনি উত্তম মধ্যম জলপানি হ'য়ে  
গেল । কেমন পিসুনি দিলে বল তো ?

গজানন্দ । কি—আমায় পিসুনি দেয় কোন্ শালা ।

কন্দর্প । আমি সব দেখেছি মামা !

## ভদ্রার্জুন

[ প্রথম অঙ্ক ।

গজানন্দ ! আবার মামা ? মার খেলি দেখছি কুঁদো ।

কন্দর্প । তাহ'লে তোমার কি ব'লে ডাকবো বলো ? মামা ব'লে ডাকলে তুমি অত রেগে যাও কেন বলতো ?

গজানন্দ । রাগ'বো না ? সাথে কি আর রাগ হয় । কংসরাজ্য মামা ছিল ব'লেই তো ভাগ্নের হাতে মারা গেল ।

কন্দর্প । ও হরি ! মামার আমার আচ্ছা মাথা তো ।

গজানন্দ । আবাব —

কন্দর্প । অত মাথা গরম করছো কেন বলতো ? যাক্, আর মামা ফামা বলবো না । তাহ'লে তোমার কি ব'লে ডাকবো বলো ? মামা ব'লে ডাকলে যখন তোমার মরবার ভয় হয়—তখন কি ব'লে ডাকি ?

গজানন্দ । মামা বাদ দিয়ে যা খুসী তাই ব'লে ডাক ।

কন্দর্প । তাহ'লে শালা ব'লেই ডাকবো ?

গজানন্দ । কি ?

কন্দর্প । তবে কি ব'লে ডাকবো ?

গজানন্দ । বাবা ব'লে ডাকরে ব্যাটা—বাবা ব'লে ডাক্ । তরে যাবি—তরে যাবি ।

কন্দর্প । বটেই শালা !

[ ধাক্কা দিয়া গজানন্দকে ফেলিয়া দিয়া পলায়ন ]

গজানন্দ । উহ-হু ! সব শালাই এসে আমার ওপর বীররস দেখাতে চায় । দাড়া—দাঁড়া ব্যাটা কুঁদো, তোকে সোজা ক'রে দিচ্ছি । ঝাঁ ! আমার ধাক্কা মেরে ফেলে দিয়ে চ'লে গেল । যদি হাত-পাটা ভেসে যেতো তাহ'লে কি হতো ? ওই মাগীর জন্তেই তো আমার এত লাঞ্ছনা । কন্দর্প—কুঁহু—কোন বলতে মাগী একবারে অজ্ঞান । ব্যাটা হাড়হাৰাতে গিন্নীর স্ননজরে প'ড়ে আমার সর্বনাশ করছেন ।



তৃতীয় দৃশ্য ।]

ভদ্রার্জুন

দাঁড়াও—দাঁড়াও, আবার উপানন্দের ছেলেটাকে নিয়ে কেঁটে কেঁটে ক'রে যাচ্ছেতাই কাণ্ড আরম্ভ ক'রেছে। থাকতো যদি এ সময় আমাদের কংসরাজ্য বেঁচে—কেঁটে ভজা বার ক'রে দিত। দিনরাত কেঁটে—আর কেঁটে। চলবে না—দিনরাত্তির কেঁটে কেঁটে চলবে না। এ গজানন্দ সরস্বতীর ভিটে, এখানে কারো চালাকি চলবে না ধন।

[ প্রস্থান ।

চন্দ্রমণির হাত ধরিয়া গীতকণ্ঠে অনিন্দ্যের প্রবেশ ।

গীত ।

অনিন্দ্য ।—

ওগো তুমি দাওনা দেখা অদেখা ।

আমি কতই কৈঁদে তোমায় ডাকি,

তোমার মোহন ছবি ঝাঁকি,

ফোটাই আমার মানস পটে

তোমার চরণ রেখা ॥

তোমায় কত দেখতে আশা,

তোমার কত ভালবাসা,

তবে কেন থাকো দূরে

ওগো অনাথ কাণ্ডাল সখা ॥

চন্দ্রমণি । ওরে অহু ! আর ও গান তুই গাসনে বাবা ! তোর ওই গানের জগ্ৰেই যে নিষ্ঠুর স্বামীর শত অত্যাচার সহ কব্তে হ'চ্ছে । হায় হৃদয়হীন স্বামী ! একি তোমার ভ্রাস্ত্র ধারণা ।

অনিন্দ্য । তবে আর এ গান গাইবো না বড় মা । তুমি যখন গাইতে বারণ ক'রে দিচ্ছে। তখন আর গাইবো না । জ্যেষ্ঠামশাই কি নিষ্ঠুর, ভগবানের নাম করলে—

চন্দ্র । চুপ কর বাবা, হয়তো তিনি এখনি এসে পড়বেন ।

## গজানন্দের প্রবেশ ।

গজানন্দ । তুমি তো ঠিক হাত গুন্তে পারো চন্দ্রমণি । বলি ফুস্ফাস্ ক'রে কি সব কথা বলাবলি হচ্ছিলো ? মেলাই কথা যে, ব্যাপারখানা কি বলতো ?

চন্দ্রমণি । ব্যাপার আবার কি !

গজানন্দ । বটে ! আমি সব শুনেছি—আর তুমি চাপা দিতে পারবে না গিন্নী । ওই ছোঁড়াটাকে নিয়ে তুমি আবার গান করাতে আরম্ভ করেছ ? আবার ওই কেঁট, কেঁটের গান আমার ভিটের চলবে না—ওসব চলবে না । আবার কৎস মহারাজ আমায় কত ভালবাসতেন । কেঁট ব্যাটাই যে তাকে মেরে ফেললে ।

চন্দ্রমণি । এইবার তোমাকেও মেরে ফেলবে । বলি তুমি কি পাগল হয়ে গেলে ? কৃষ্ণ নাম মুখেও আনবে না—কাণেও শুনবে না, যমের বাড়ী গিয়ে চিরকাল পচে মরবে যে । ভগবানের নাম-কীর্তন তাও তোমার ভাল লাগে না ?

গজানন্দ । না—না, ওসব নাম আমার কাছে চলবে না । তাড়িয়ে দাও—তাড়িয়ে দাও বলছি ছোঁড়াটাকে । হতভাগা দিন-রাত্রির আমার ভিটের পড়ে আছেন । যা—যা হতভাগা, আমার ভিটে থেকে দূর হ'য়ে যা । ফের যদি তোকে এখানে দেখতে পাই, তাহ'লে আর রক্ষে থাকবে না বলছি । খুন হবি—খুন হবি ব'লে দিচ্ছি । য্যা ! গোপাল যে দাঁড়িয়ে রইলেন, বোধ হয় ননী খাবার ইচ্ছে হয়েছে ?

চন্দ্রমণি । আহা ! এষে তোমার ভাইপো । তাকে এমনি ক'রে বাড়ী থেকে তাড়িয়ে দিচ্ছো, তোমার প্রাণ কি একটুও কাঁদছে না ?

চতুর্থ দৃশ্য । ]

ভদ্রার্জুন

দেখ—দেখ, এর চোখ দুটো যে ছলছল করছে । না মাণিক, তুমি কেঁদো না ; দেখি কে তোমায় বাড়ী থেকে তাড়ায় ।

গজানন্দ । গিন্নী ! তুমি কি যা ইচ্ছে তাই করবে ? এখনো বলছি ছোঁড়াটাকে ভাগাও, নইলে সর্বনাশ হ'য়ে যাবে বলছি ।

চন্দ্রমণি । তা হোক, সর্বনাশ তোমার হ'লো বলে । এস বাবা ! ভয় কি ! জ্যেঠামশাই না হয় তোমাদের পর ক'রে দিয়েছেন, আমি তো তোমাদের পর ক'রে দিইনি ।

[ অনিন্দ্যকে লইয়া প্রস্থান ।

গজানন্দ । বটে—বটে ! সোহাগ দেখে আর বাঁচিনে । পরের ছেনেটাকে নিয়ে খুবই মা গিরি ফলানো হ'চ্ছে, ওদিকে নিজের ছেনেটা যে গোল্লায় যাচ্ছে । দাঁড়াও—দাঁড়াও, গজানন্দ এইবার খাটি গজমূর্তি ধারণ ক'রে সৃষ্টি লগুভণ্ড ক'রে ছাড়বে । থাকতো যদি এ সময় আমাদের কংস রাজা বেঁচে—

[ প্রস্থান ।

চতুর্থ দৃশ্য :

নাগপুরী ।

অর্জুন ও উলপী ।

অর্জুন । একি ! কোথায় এসেছি আমি  
কহলো সুন্দরী ?  
কেবা তুমি কাহার নন্দিনী,  
কিবা নাম তব ?

কিবা হেতু গঙ্গাগর্ভ হ'তে  
 নিয়ে এলে হেথা মোরে,  
 কোতুহল জাগিছে পরাণে—  
 বুঝিতে না পারি কিছু  
 রহস্য ইহার ।

উলূপী ।

শুন ওহে বিদেশী সুজন !  
 নাহি ভয় তব,  
 নাহি হও উচাটন আসিয়া হেথায় ।  
 শোন স্থির হ'য়ে পরিচয় মোর,  
 এ ঘে হয় ধরণীর নিম্নতল  
 কোরব্যানাগের দেশ,  
 পিতা মোর নাগের ঈশ্বর ;  
 তাঁহার নন্দিনী আমি  
 নাম মোর নাগিনী উলূপী ।

অঙ্কুন ।

কিস্তি কহলো রূপসী  
 কি উদ্দেশে নিয়ে এলে মোরে  
 জারুবীর গর্ভ হ'তে  
 মোহিনী মায়ায় ?

উলূপী ।

হেরি তব সৌন্দর্য্য অপার  
 মন্ত্র বলে ল'য়ে এলু তোমা,  
 মনে মনে বরেছি তোমারে  
 তুমি মোর আরাধ্য দেবতা ।  
 পূরাও বাসনা মোর,  
 মিটাও পিয়াস। আজি

অর্জুন ।

দিয়ে মোরে বসন্তের  
 মধুর স্পর্শন ।  
 তোমার প্রেমের দ্বারে  
 আজি আমি দীনা ভিখারিণী ।  
 শোন নাগিনী উলুপী !  
 মিথ্যা আশা মুছে ফেল  
 অন্তর হইতে ।  
 অবাস্তব কল্পনার ছবিখানি  
 ছিন্ন কর বালা ! '   
 জ্বালা শুধু বাড়িবে তোমার,  
 নাহি জানো পরিচয় মোর ।  
 ভুবন বিখ্যাত সেই  
 চন্দ্রবংশ সমদ্ভূত—  
 মহারাজ পাণ্ডুর নন্দন আমি  
 নাম মোর বীরেন্দ্র অর্জুন ।  
 সত্যভঙ্গ অপরাধে ব্রহ্মচারি বেশে  
 তীর্থে তীর্থে করি যে ভ্রমণ,  
 এ হেন সময়ে  
 আশা তব হবে না পূরণ ।  
 করি অনুরোধ ত্যজ মোরে  
 করো না নিরয়গামী  
 মুগ্ধ করি রূপের ছটায় ।  
 দয়া করি দেখাও আমারে নারী  
 ঋত্বের আলোক ।

## ভদ্রার্জুন

[ প্রথম অঙ্ক ।

উলূপী ।

তাও কি পশুব !  
পেয়েছি যখন মোর  
হৃদয় রতনে—  
কেমনে তাহারে আজি  
দানিব বিদায় ?  
নিমেষে হেরিয়া তব মুরতি স্মৃঠাম,  
অর্জরিত হিয়া মোর  
অনঙ্গ দহনে ।  
আমার এ যৌবনের ফুটন্ত কাননে  
সতাই তুমি যে হও তৃষিত ভ্রমর,  
তৃষা তব কর নিবারণ ।  
ওগো সখা !  
হরো না নিবর ।  
আমার যা কিছু ছিল  
সবটুকু তব পদে দিয়াছি বিলায়ে ;  
রক্ষা মোরে কর আজি  
মধুর পরশে ।

অর্জুন ।

একি বালা হীন আচরণ তব ?  
ছলনায় ল'য়ে এসে  
আপনার দেশে—  
একজন ব্রহ্মচারী সনে  
কেন হেন অধন্য আচার ?  
গৃহে আছে ভার্য্যা মোর  
পাঞ্চালনন্দিনী—

কেমনে তাহার প্রাণে দেবো ব্যথা  
 পুনঃ দার করিয়া গ্রহণ ।  
 না না—নাহি হবে তাহা,  
 আমারে ভুলিয়া যাও—  
 অগ্ৰজনে কর দান  
 যৌবন তোমার ।

উলূপী ।

পারিব না তাহা,  
 তুমি যদি আশা মোর না কর পূরণ—  
 তাহ'লে জানিও ওগো বিদেশী সুন্দর !  
 তোমারি সম্মুখে আজি  
 আত্মহত্যা করিবে উলূপী ;  
 নারীহত্যা মহাপাপ—  
 স্পর্শিবে তোমার ।

অর্জুন ।

জনর্দন ! কর ত্রাণ  
 এ ঘোর সঙ্কটে ।  
 শুক ব্রতচারী ফাল্গুনীর সনে  
 একি খেলা খেলিছ মাধব !  
 পড়িয়াছি অকুল পাথারে,  
 পার কর—পার কর  
 পারের কাণ্ডারি,  
 তোমা ভিন্ন কে আছে আমার ।

উলূপী ।

পদে ধরি বীর !  
 রাখ মোর সতী মান—সতী ধর্ম আজি ।  
 ওগো মোর অজ্ঞাত বান্ধব !

নারিব ভুলিতে তোমা  
অন্যজনে জীবন দানিয়া ।  
নাহি হবে দ্বিচারিণী—  
উলূপী পরায় ।

কৌরব্যনাগের প্রবেশ ।

কৌরব্য ।      এক !    উলূপী—উলূপী !  
কেবা এই অচেনা সুন্দর  
ব্রহ্মচারি নাগের আশ্রয়ে ?  
কিবা নাম—কোথার নিবাস,  
কি কারণ হরিদ্বার গঙ্গানীর হ'তে  
ইহারে আনিলে কণ্ঠা  
আশ্রয়ে আমার ?  
কি উদ্দেশ্য কহ ছুরা মোরে ।

উলূপী ।      পিতা !    পিতা !  
ভাগ্যবান্ তুমি ।  
ভুবন-বিখ্যাত বীর তৃতীয় পাণ্ডব  
অর্জুন ইহার নাম,  
আজি অতিথি নাগের দেশে ।

কৌরব্য ।      তৃতীয় পাণ্ডব ?

উলূপী ।      ঠ্যা পিতা !

কৌরব্য ।      কিন্তু কিবা হেতু  
আগমন হেথা ?

উলূপী ।      [ নীরব ]



কৌরব্য ।

কহ কণ্ঠা !

কি হেতু নীরব ?

উলূপী ।

পিতা !

কৌরব্য ।

কহ ত্বরা ।

উলূপী ।

পিতা ! পিতা ! স্বামীত্বে বরণ

আমি করিয়াছি তৃতীয় পাণ্ডবে ।

কৌরব্য ।

সে কি ?

উলূপী ।

সত্য পিতা ! গান্ধর্ব বিধানে

ইনিই আমার স্বামী—

সাক্ষী ওই ভগবান্ ।

কৌরব্য ।

একি তব স্বাধীনতা

শুনি রে নন্দিনী !

পিতার সন্মতি বিনা

স্বামীরূপে করিলে বরণ আজি

তৃতীয় পাণ্ডবে ?

শ্বেচ্ছাচার—শ্বেচ্ছাচার—

পিতৃ-অপমান ।

উলূপী ।

নহে পিতা পিতৃ-অপমান ।

করি নাই কোন অপরাধ,

ভাগ্যবান্ আজি তুমি পিতা !

জামাতা তোমার হয়

ভুবন-বিখ্যাত বীর তৃতীয় পাণ্ডব ;

বীরত্বে যাহার মুগ্ধ চরাচর ।

যোগ্যজনে কণ্ঠা তব

স্বামীরূপে করেছে বরণ ।  
 তব মুখ হইল উজ্জ্বল,  
 তাহে যদি হয় অপরাধ—  
 কিম্বা তব অপমান,  
 দাও শান্তি মোরে  
 অবশুই করিব গ্রহণ ।

কৌরব্য ।

না—হইবে না তাহা,  
 নির্বাচন করেছি জামাতা  
 মণিপুর-রাজে ।  
 তার সনে বিবাহ তোমার  
 করিয়াছি আয়োজন তার ।

উলূপী ।

পিতা !

কৌরব্য ।

শ্বেচ্ছাচারিণী তনয়া !  
 করিতে কি চাহ আজি  
 পিতৃ-অপমান ?  
 আমরা নাগের জাতি  
 অতি ক্রুর—অতি ভয়ঙ্কর,  
 তার চেয়ে অতি ক্রুর  
 সুসভ্য এ আর্য্য জাতি জানে সর্ব্বজনে ;  
 তার করে সমর্পণ করিব না তোমা  
 জানিও উলূপী ।

উলূপী ।

তবু পিতা !  
 স্বামী মোর তৃতীয় পাণ্ডব ।  
 ধাঁহার চরণে মোরে দিয়াছি বিলায়ে,

তিনি স্বামী ধ্যানের দেবতা ।  
 তার লাগি সুদূর ভবিষ্যপথে  
 আসে যদি শত হাহাকার—  
 কান্নার সাগর—  
 তবু আর অশ্রুজনে স্বামীরূপে  
 বরিবে না উলূপী তোমার ।  
 কোরব্য । বটে—বটে ! এত স্পন্দা তব ?  
 দেখি আজি—  
 কত তুমি হ'য়েছ স্বাধীন ।  
 এই—কে আচ্ছিস্, ডেকে দে ঘাতকে ।  
 শোন—শোন কণ্ঠা !  
 পিতৃ-অপমান হেতু  
 মৃত্যুদণ্ডে করিব দণ্ডিত তোমা  
 জানিও নিশ্চয় ।  
 ঘাতক—ঘাতক !

ঘাতকের প্রবেশ ।

দ্বিখণ্ডিত কর শির দর্পিতা কণ্ঠার,  
 আদেশ আমার ।  
 [ স্বগতঃ ] একি !  
 একি হেরি নিশ্চম আচার !  
 আমা লাগি আজি হার  
 সরলা নাগের কণ্ঠা  
 প্রাণদণ্ডে হইবে দণ্ডিতা,

হেন নৃশংসতা সহিতে নারিব ।  
 না না—হইবে অধর্ম তাহে  
 উদাসীন থাকি যদি  
 আজি এ কর্তব্যে ।

কৌরব্য ঘাতক—ঘাতক !  
 স্কন্ধচ্যুত কব শির,  
 দেখি আজি কেবা রক্ষা করে ।

উলূপী কবি নাই অধর্ম আচার  
 কবি নাই নীতিহীন কোন কার্য  
 পাপেব কহকে ।  
 শোন—শোন পিতা !  
 তব এই রূঢ় অবিচাবে  
 ভগবান্ বক্ষিবে আমায় ।  
 আর করিবেন রক্ষা তিনি  
 বাহাব বনিতা আজি  
 উলূপী নাগিনী ।

কৌরব্য ঘাতক—ঘাতক !  
 সাবধান নাগের ঈশ্বর !  
 তৃতীয় পাণ্ডব হেথা  
 থাকিতে জীবিত  
 করিতে দিবে না তোমা নিষ্ঠুর আচার ।

কৌরব্য আরে আরে দুর্বল মানব !  
 নাহি ভয়—  
 কালরূপী নাগের সম্মুখে ?

অৰ্জুন ।

ভয় ? কে করিবে ভয় ?  
অৰ্জুন ? নাম যার তৃতীয় পাণ্ডব ?  
নামে যার কাঁপে ত্রিভুবন,  
গাণ্ডীবে যাহার উল্গারে অনল,  
বীরত্বে যাহার কম্পিত ধরণী,  
তাহারে দেখাও ভয় নাগের ঈশ্বর ?  
এখনি নিমেষে পারি  
বাণে বাণে পাতাল রাজত্ব তব  
করিতে শ্মশান ।

এই আমি কণ্ঠারে তোমার  
পত্নীরূপে করিষু গ্রহণ,  
সাধ্য থাকে হও অগ্রসর  
প্রাণদণ্ড করিতে ইহার ।

এস—এস বালা !

আজি হ'তে ধর্মপত্নী তুমি মোর,  
সাক্ষী তুমি থাক জগন্নাথ । [ উলূপীর হস্তধারণ ]

কৌরব্য ।

ধন্য—ধন্য আমি এতক্ষণে ।

এতক্ষণে ভগবান্

পুরালেন কামনা আমার,

তৃতীয় পাণ্ডব জামাতা আমার ।

আনন্দ সংবাদ—আনন্দ সংবাদ—

উৎসবের কর আয়োজন

সুসজ্জিত কর নাগপুরী,

নাগের জামাতা আজি তৃতীয় পাণ্ডব ।

এই—কে আছিস—কে আছিস,  
 কব্ রে ঘোষণা আজি শুভ সমাচার  
 উলুপীর স্বামী আজি  
 বিশ্বজয়ী তৃতীয় পাণ্ডব ।  
 কই—কোথা তোরা নাগিনীর দল !  
 আয়—আয়—ছুটে আয়,  
 মাহলিক অনুর্তানে  
 বর-বন্তা ল'য়ে যা রে প্রাসাদে আমার ।

প্রস্থান

শঙ্খধ্বনি ও উলুধ্বনি করিতে করিতে গীতকণ্ঠে  
 নাগিনীগণের প্রবেশ ।

গীত ।

নাগিনীগণ ।—

ওলো মই চল্ নিয়ে চল্ বরক'নে ।  
 ফাণ্ডনের মধু ভবা উত্তল করা উপবনে ॥  
 বাজ্‌লো আজি মিলন বাঁশী,  
 উলু দে লো এ রূপসী,  
 শাপ বাজালো যত পারিস্  
 আজকে মধুর লগনে ॥  
 মরা গাঙে বাণ ডেকেছে,  
 শুক'না গাছে ফুল ফুটেছে,  
 তাই প্রাণের বঁধু ছুটে এলো  
 বাধতে প্রেমের বন্ধনে ॥

[ সকলের প্রস্থান ।

## দ্বিতীয় অঙ্ক ।

### প্রথম দৃশ্য ।

মণিপুর—রামভদ্রের বাটা ।

বরাস্ত্রী ও ধনপতির প্রবেশ ।

বরাস্ত্রী । ধনু ! ধনু ! ও ধনু ! কর্তার কোন সন্ধান পেলি রে ?  
কখন বেরিয়েছে, এখনো পর্য্যন্ত কিছু মুখে দিইনি । বাড়ীতে ঠাকুর,  
এতখানি বেলা হ'য়ে গেল তারও নিভিসেবা হ'লো না । ব্যাপার কি  
বলতো ? একবার না হয় দেখে আয়—

ধনপতি । হু ! এঠে রোদে বাড়ীর বার হ'য়ে মরি আর কি !  
তুই বেশ বলেছিস্ মা । চ' চ' আমার ভাত দিবি চ' । কত বেলা হ'য়ে  
গেল । বাবা যদি নাই-ই আসে, তাব'লে আমরা কি উপোষ যাবো ?

বরাস্ত্রী । হ্যাঁরে, এখনো যে নারায়ণের পূজো হয়নি । তুই তো  
বামুনের ছেলে হ'য়ে অত যজ্ঞমান নিশ্চি থাকতে পূজো আশ্রয়  
কছুই শিখলিনে । কর্তা আর কদিন রে, তখন সংসার চালাবি  
কি ক'রে ?

ধনপতি । আরে কর্তাকে আগে যেতে দাও—তারপর হু' তিন  
দিনে বস্তুপূজো লক্ষ্মীপূজো থেকে দুর্গোস্কব—ব্রহ্মচুণ্ড সব শিখে  
ফেলবো । এখন শুধু শুধু খাটতে যাই কেন ? এখন কি আমার  
খাটবার বয়স হ'য়েছে ? এখন বাবা খেটে নিক্—ব'সে ব'সে খেলে  
চলবে কেন ?

বরাস্ত্রী । ইয়ারে, বল্‌চিস কি তুই ? উপযুক্ত ছেলে হয়েছিস—  
বুড়ো বাপ্‌ আব কদিন খাটবে বলতো ?

ধনপতি । যতদিন পারে প্রাণ খুলে খেটে নিক্ । ম'রে গেলে  
খাটবে কে ? তখন যে আপশোষ কববে মা । বুল্‌লি ? চ'—চ' ভাত  
দিবি চ' ।

বরাস্ত্রী । একবার না হয় দেখ্—

ধনপতি । আঃ ! কি যে জ্বালাতন কবিস্—আমি দেখতে ফেকতে  
পাববো না । আমার সকাল ক'রে খেয়ে দেয়ে একটু ঘুমুতে হবে,  
নইলে মাথার ঠিক থাকে না । দিনরাত কত মাথার কাজ করতে  
হয় জানিস্ তো ?

বরাস্ত্রী । তুই আবার মাথার কাজ কি করিস্ রে ধনু ! দিন-  
রাত্তির তো বেড়িয়ে বেড়াস্ ।

ধনপতি । বলি মেটাও কি মাথার কাজ নয় । যাক—ভাত দিবি  
কিনা বল্ ? নইলে নিজের গিয়ে বেড়ে নোব বল্‌ছি ।

বরাস্ত্রী । মিন্‌সের কি আক্কেল বাবা । এতখানি বেলা হ'য়ে গেল  
বাড়ী ঢোক্‌বার নামটি নেই ।

ধনপতি । কোথায় মদ কদ খেয়ে চিৎপাত হ'য়ে প'ড়ে আছে ।

বরাস্ত্রী । সে কি রে ! বুড়ো মিন্‌সে মদ খায় কি রে ?

ধনপতি । তা আর জানো না, মন মন বদমাইলি । আমি  
দেখিয়ে দেবো তোকে ।

বরাস্ত্রী । দিস্তো ; তাহ'লে আর বাঁচাবো । একটা পেলায় হ'য়ে  
যাবে না ?

ধনপতি । ওই শোন মা, বৈঠকখানার ঘরে কি রকম খুটখাট শব্দ  
হচ্ছে । চোর ঢুকলো নাকি ?



বরাসী । দেখ্—দেখ্—শিগ্গীর দেখ্, কাপড় চোপড়গুলো চুবী  
ক'বে না পালায় ।

ধনপতি । আচ্ছা—আচ্ছা—দেখ্ছি ।

[ বাস্তবাবে প্রস্থান ।

বরাসী । ওমা, চোবের কি সাহস গো ! দিন-তুপুবে ঘবের  
ভেতর ঢুকেছে । আচ্ছা বৃকের পাটা তো !

বরবেশী রামভদ্রকে লইয়া ধনপতির প্রবেশ ।

রামভদ্র । আবে ছাড়্ ছাড়্—আমি চোব নই ।

ধনপতি । এই দেখ্ মা, চোরকে ধ'রে এনেছি ।

রামভদ্র । আরে করিস্ কি ছোড়া ?

বরাসী । ওমা—তোমার একি কাণ্ড গো ! তুপুববেলার বব  
সেজেছ কেন ? বুড়ো বরসে আবার একি সপ রে মিন্বে ? এদিকে  
নারায়ণও উপোস যাচ্ছে—বলি আক্কেল কি তোমাব ?

রামভদ্র । হে-হে-হে ! মহানাজ নাগপুবীতে যাচ্ছেন নাগকণ্ঠাব  
সঙ্গে তাঁর যে বিয়ে । রাজ্যে মহা ছবুস্কুল প'ড়ে গেছে ।

বরাসী । তাতে তোমার আন কি হ'য়েছে ? মহারাজ যাচ্ছেন  
বিয়ে কব্তে—তা তুমি বর সেজেছ কি কব্তে ? ছিঃ ছিঃ !

রামভদ্র । কি করি বলো—আমি মহারাজের বয়স্ক । মহারাজ  
আমায় অনেক ক'রে বল্লেন—বয়স্ক, তোমাকে আমার সঙ্গে নাগপুবীতে  
যেতে হবে । কাজেই—মহারাজের খাতির তো রাখতে হবে ।

বরাসী । তা তুমি বর সাজলে কেন ?

ধনপতি । দেখ্ মা ! বাবাকে বেশ মানিয়েছে । বাবাও নাকি  
বিয়ে করতে যাচ্ছে ?

বরাদ্দী । হ্যাঁগা, তুমি তো মহারাজের সঙ্গে যাবে, তবে বর সেজেছ কি করতে ? কি ঘেন্নার কথা । এদিকে ঠাকুর উপোস যাচ্ছে, এতখানি বেলা হ'য়ে গেল ।

ধনপতি । বাবার মাথা খারাপ হ'য়ে গেছে মা ! যাক্, তুই ভাত দিবি চ' । বাবা—ও বাবা ! দেখ, আমি তাহ'লে নিতবর হ'য়ে যাবো । তাহ'লে জাজিগে—কেমন ?

রামভদ্র । ওরে, আমি যে মহারাজের নিতবর হ'য়েছি—তুই আবার নিতবরের নিতবর হবি ? দুব আহান্নক, তা কি হয় ? গিন্নী ! চট করে আমার দুটো ভাত দাও—খেয়েই বেরুতে হবে ।

বরাদ্দী । ঠাকুর পূজো করবে কে ? তুমি এক পেট গিলবে—ওদিকে ঠাকুর উপোস যাবে ? যাও বলছি, ওসব ধাষ্টপনা রেখে দাও—কাপড় চোপড় ছেড়ে ফেলগে । শিগ'ীর ঠাকুর পূজো সেবে নাও । আহা, বেলা তপু হ'য়ে গেল গা ! মিন্দের ধাষ্টপনা দেখে আমার গা বিষ্-বিষ্ করছে ।

ধনপতি ! দে না মা আচ্ছা ক'রে ধনঞ্জয় ক'রে, বাবার চালাকি ষেগিয়ে যাক্ । উনি যাচ্ছেন মহারাজের বিয়ে দিতে নিতবর সেজে । আচ্ছা বে-আক্কেলে লোক, বুদ্ধি শুদ্ধি মোটেই নেই ।

রামভদ্র । আমি কি সত্যিই বিয়ে করতে যাচ্ছি, আমি যাচ্ছি মহারাজের নিতবর হ'য়ে—তাতে আর দোষ কি ।

বরাদ্দী । তুমিও যেমন—তোমার মহারাজও তেমন । অমন বিয়ের ষুগিয়া সোনার টাঁদ মেয়ে থাকতে বুড়ো বয়সে আবার বিয়ে । কেন মেয়ের বিয়ে দাওনা, জামাই আসুক ।

রামভদ্র । রাজা মহারাজের কথাই ছেড়ে দাও । রাণীর ছেলে হ'লোনা ব'লে তাই মহারাজ আবার বিয়ে করতে যাচ্ছেন । চলো—

চলো, বা হয় ক'রে ঠাকুর পূজোটা সেরে দিইগে চলো, এখনি বেরতে হবে ।

বরাস্ত্রী । তুমি বাড়ী থেকে যাবে, তোমার ঠাকুর পূজো করবে কে ?

বামভদ্র । কেন, ধনু আমার করবে ।

ধনপতি । আমার দ্বারা ওসব পূজো ফুজো হবেনা ব'লে দিচ্ছি, আমার ওসব মোটেই ভাল লাগে না ।

বামভদ্র । যা হয় ক'রে ছুটো একটা দিন সেরে দিও বাবা !

বরাস্ত্রী । তোমার যাওয়া হবেনা বলছি ।

বামভদ্র । আবে মহারাজের যে হুকুম, না গেলে বন্ধে আছে । দোহাই গিন্নী ! তুমি আব ফ্যাচাং বাড়িও না । রোজ রোজ তো ঠাকুর পূজো করি—দিনকতক না হয় বন্ধই থাকুক না, তাতে আর দোষ কি । পূজো হচ্ছে কি না হচ্ছে, এতো আর কেউ দেখতে আসবে না । কি বল বাবা ধনু ?

ধনপতি । তা মন্দ নয় । ঠাকুরটাকে না হয় টান মেরে জলে ফেনে দিনে আসি ।

বরাস্ত্রী । হ্যাগা । সেকি গো ? কুলদেবতা—তার পূজো বন্ধ থাকবে ? মহাপাপ হবে যে । ও বাবা ধনু ! ওকথা বলিসনে বাবা—মিসের মত তুইও কি উচ্ছন্নয় গেছিস ? সাতকাল গিরে মিসের এককালে ঠেকেছে—ওর কথা শুনিস্ নে । মিসের পোষাক-গুলো খুলে নে তো, চালাকি পেয়েছে ।

ধনপতি । পোষাক খোলো বাবা—পোষাক খোলো, মাতৃআজ্ঞা কভু আমি না করিব হেলা । [ পোষাক খুলিতে উদ্যত হইল ]

বামভদ্র । আহা-হা, করিস্ কি—করিস কি বাপ্ ! অনেক কষ্টে যে বরের পোষাক যোগাড় ক'রেছি ।

বরাস্ত্রী । তোমার পোষাকের মুখে আগুন । নে নে—খুলে নে—  
খুলে নে ।

ধনপতি । খোল—খোল বাপ্, রামধন  
খোল বরবেশ । ছিঃ-ছিঃ !

এ বেশ কি সাজে হে তোমার ? [ খুলিতে চেষ্টা ]

রামভদ্র । চোপরাও বলছি ! সরে যা—সরে যা, আমি কিছুতেই এ  
পোষাক খুলবো না । এখুনি একটা রসাতল হ'য়ে যাবে গিন্নী ! বারণ  
কর—বারণ কর বলছি ।

বরাস্ত্রী । ঠাকুর পূজো করবে কে ?

রামভদ্র । তোমার বাবা করবে ।

বরাস্ত্রী । বটেই মুখপোড়া মিসে ! আজ তোকে বেশ ক'রে  
শিক্ষা দিয়ে দিচ্ছি । দাঁড়া—দাঁড়া, ঝাঁটা গাছাটা আনি ।

রামভদ্র । ছাড়্ ছাড়্ রে ধেনো, ছেড়ে দে—ছেড়ে দে বলছি ।

[ জোরপূর্বক ছাড়াইয়া লইয়া পলায়ন ।

বরাস্ত্রী । ধর্--ধর্, মিসেকে ধর্ । ওমা, কি সর্বনেশে লোক  
গো—পালিয়ে গেল

ধনপতি । যাক্ না, যাবে কোথায়—আবার তো আস্তে হবে ।  
তখন আচ্ছা ক'রে কুঁৎকে দেবো । বুঝ্ লি মা ?

বরাস্ত্রী । তাই দিস্ বাবা—তাই দিস্, আচ্ছা ক'রে কুঁৎকে দিস্ ।  
এখন চ' বাবা, যা হয় ক'রে ঠাকুর পূজোটা ক'রে দিবি চল্ । ঠাকুর  
কি উপবাসী যেতে আছে ।

ধনপতি । আচ্ছা আচ্ছা, তাই দিচ্ছি । তুই ভাত বাড়বি চল্—  
আমি এক মন্তরে কাজ সেরে দিচ্ছি ।

[ প্রস্থান ।

দ্বিতীয় দৃশ্য । ]

ভদ্রার্জুন

বরাসী । য্যা ! নিতবর হয়েছেন ? ছিঃ-ছিঃ ! মিসের একটু  
লজ্জা সরম নেই গা !

[ প্রস্থান ।

## দ্বিতীয় দৃশ্য :

উদ্যান ।

অর্জুন ও উলূপী ।

উলূপী । সত্যই কি চ'লে যাবে তুমি  
ওগো প্রিয় ত্যজিয়া আমার ?  
তোমারি বিহনে কেমনে থাকিব আমি  
কহ মোরে তৃতীয় পাণ্ডব ?

অর্জুন । কি করিব নাগের নন্দিনী !  
থাকিবার নাহিক উপায় ।  
দ্বাদশ বৎসর তীর্থ পর্য্যটনে  
হইবে ভ্রমিতে ।  
একস্থানে বহুদিন বঞ্চিলে প্রেরণী  
নাহি হবে নিয়ম পালন ।  
তোমারে তো কহেছি সকলি  
কি কারণ হেন বেশে ভ্রমণ আমার ।  
করিও না দুঃখ অভিমান  
আবার আসিব হেথা,  
তব অনাবিল প্রেমসুখা করিবারে পান ;

এবে মোরে দাওলো বিদায় ।  
মোর আশাপথ পানে চেয়ে আছে  
ভ্রাতৃগণ আর সে জননী—  
আর সেই তব সম আর একজন  
হৃদয়-সঙ্গিনী পাঞ্চাল নন্দিনী ।

উলূপী ।

ওগো হৃদয়-বল্লভ !  
প্রাণ কি কাঁদে না তব,  
হেন নিষ্ঠুরতা বাণী কহিতেছে মোবে ।  
তব সনে কিবা মোর  
দুশ্চেষ্ণ বন্ধন হইয়াছে এবে  
কেন তাহা ভুলে যাও তুমি ?  
তবে হে নিষ্ঠুর !  
কেন আজি মাগিছ বিদায় ?

গীত ।

মম পুষ্পিত উপবনে থাক বসিয়া ।  
ওগে মোব দয়িত পাক হৃদি রঞ্জিত করিয়া ॥  
আমি প্রেম বারি দানে তুষিব তোমারে,  
বাসিব হে ভাল বাণি হৃদি মাঝারে,  
শোনাবো তোমাবে গান জোছনা রাতে  
বাত্ততে বাহু দুটি দিয়া ॥

অর্জুন ।

উলূপী ! উলূপী ! প্রেরসী আমার !  
বাধিও না অশ্রুজলে  
দুশ্চেষ্ণ বন্ধনে মোরে ।  
কর্তব্যের আবাহন ডাকে বার বার

থাকিবাব নাহিক সময় ।  
 তব সঙ্গ হ'তে লইতে বিদায়—  
 হায় সতী ! আমারো হৃদয় আজি  
 ওঠে যে কাঁদিয়া ।  
 তব প্রেম—তব ভালবাসা  
 নহে ভুলিবার ।  
 স্বর্গস্থে আছি যে মগন ;  
 কিন্তু কি কবিব—  
 উপায় বিহীন আমি,  
 যেতে হবে ত্যজিবা তোমাবে  
 কশ্মের পালনে ।  
 যেখানেই যতদূরে থাকি  
 স্নো স্নন্দনী ! তব স্মৃতি  
 থাকিবে জাগ্রত সদা অন্তর মাঝাবে ।  
 পাবে পুনঃ দবশন মোর  
 বাধিও না প্রণয় শৃঙ্খলে.আব ।  
 পঞ্চ ভাই তাই দুঃখিনী জননী সাথে  
 আজীবন সহিতেছি দারুণ যন্ত্রণা,  
 জ্ঞাতি ভ্রাতা শত্রুতা করিয়া  
 কাড়ি নেছে আমাদের ঐশ্বর্য্য সম্ভাব,  
 কেঁদে কেঁদে গত হয় দিবস রজনী ।  
 যতদিন নাহি পারি  
 সে দুঃখের অবসান করিতে স্নন্দরী,  
 ততদিন—ততদিন বিলাস-ব্যসন

উলূপী ।

অর্জুন ।

আত্মসুখ করিয়া বর্জন  
 যুক্তিতে হইবে সেই শত্রুগণ সাথে ।  
 যদি দেবের কৃপায় হয় সুখের উদয়,  
 তবেই—তবেই প্রিয়ে !  
 জীবনের সব আশা পারিব মেটাতে ।  
 দিনে দিনে দিন চ'লে যায়  
 ভাবিতেছি হয় কতদিনে  
 সুখ-উষা হইবে উদয়  
 চূর্ণাঙ্গা-দলিত সেই ঘন অন্ধকারে ।  
 তবে কি সত্যই তুমি  
 যাবে প্রিয়তম কাঁদায় আমারে ?  
 ওগো মোর জীবন-সর্বস্ব !  
 ওগো মোর ইষ্টদেব !  
 যাবে যদি ল'য়ে চলো মোরে,  
 কায়া ছাড়া ছায়া হয়  
 থাকিবে কেমনে ?  
 যৌবনের প্রথম উষায়  
 জাগালে যে প্রাণে মোর বসন্ত হিল্লোল—  
 পদে ধরি ওগো মতিমান্ !  
 হরোনা পায়ণ,  
 স্থান দাঁও চরণে তোমার । [ পদধারণ ]  
 উলূপী ! উলূপী ! নাগিনী সুন্দরী !  
 বাধি মোরে প্রেমের গণ্ডীতে  
 প্রাণেতে দিওনা মোর দারুণ বধনা ।



কর্তব্য যে করে আবাহন  
 বছদিন গত হ'লো  
 তব সহ বঞ্চিয়া হেথায় ।  
 জানিনা সেথায় ভ্রাতৃগণ মোর  
 জননীৰ সাথে কি ভাবে কাটায় কাল  
 অরিকুল মাঝে ।  
 আমি যদি না ফিরি এখন  
 চিরদিন কলঙ্কের গুরুভার করিতে বহন  
 হইবে আমারে ।  
 না না—পারিব না  
 সহিতে কখনো তাহা ।  
 ছাড়া মোরে—দাওগো বিদায়  
 থাকিবার নাহিক উপায় ।

কৌরব্যনাগের প্রবেশ ।

কৌরব্য । উলূপী ! উলূপী !  
 উলূপী । বাবা ! [ কাঁদিয়া ফেলিল ।  
 কৌরব্য । একি ! কি হয়েছে উলূপী ! তুই কাঁদছিস্ কেন মা ?  
 তৃতীয় পাণ্ডব ! মা আমার কাঁদছে কেন ?  
 অর্জুন । নাগেশ্বর ! আমি চ'লে যাচ্ছি শুনে কতটা তোমার—  
 কৌরব্য । সেকি ! তুমি চ'লে যাবে অর্জুন ?  
 অর্জুন । হ্যাঁ নাগরাজ ! অনেকদিন হ'য়ে গেল হস্তিনা ছেড়ে  
 এখানে এসেছি, আমার জন্ম আমার ভ্রাতারা খুবই চিন্তিত হ'য়ে  
 পড়েছে—জননীও বোধ হয় আশা পথ পানে চেয়ে আছেন । নিয়ম-

ভঙ্গের জন্ত দ্বাদশ বৎসর তীর্থ পর্য্যটনে বেরিয়েছিলাম । দ্বাদশ বৎসর প্রায় উত্তীর্ণ হ'য়ে এসেছে—আমার ফেরবার সময়ও উপস্থিত ।

কৌরব্য । আমাদের কাঁদিয়ে তুমি চ'লে যেতে চাও ? ওই দেখ, মা আমার সে কথা শুনে ক'ত কাঁদছে । তোমার ষাওয়া হবে না অর্জুন । মা ! তুই ভাবিস্ নে । অর্জুন যাবে না, আমি তাকে যেতে দেবো না ।

অর্জুন । আমার বাধা দেবেন না নাগেশ্বর ! আমার কর্তব্যের পথ হ'তে বিচলিত করবেন না । আমার জন্ত দুঃখিত হবেন না—আবার আমি আসবো । এখন দয়া ক'রে আমার যাবার অনুমতি দিন ।

কৌরব্য । তবে কি তুমি আমাদের কাঁদাবাব জন্তে এখানে এসেছিলে পার্শ্ব ?

অর্জুন । আমি স্বেচ্ছায় এখানে আসিনি মহারাজ ! আপনার কন্যা হরিদ্বারে গঙ্গাগর্ভ হ'তে আমার এখানে নিরে এলো । আমার অপরাধী করবেন না ।

কৌরব্য । তাহ'লে সত্যই তুমি যাবে ?

অর্জুন । হ্যাঁ, আমার যেতেই হবে । এক একটা দিন চলে যাচ্ছে—আমার ততই যেন অতিষ্ঠ ক'রে তুচ্ছে । বাধা দেবেন না, আমি চললাম, জীবনে আপনাদের ভুলবো না । বিদায় নাগরাজ—বিদায় উলূপী !

[ দ্রুত প্রস্থান ।

কৌরব্য । অর্জুন ! অর্জুন ! ওরে কে আছিস্ তৃতীয় পাণ্ডবকে ধব—তৃতীয় পাণ্ডবকে ধব !

[ দ্রুত প্রস্থান ]

উলূপী । চ'লে গেল—চ'লে গেল !

হৃদয়ের চাঁদ মোর অন্ধকার  
করি হার জীবন আকাশ—  
শুনিল না কোন অলুরোধ ।

শ্রাবণ বরিষা পড়িল বরিষা,  
 তবু তার গলিল না প্রাণ ।  
 চ'লে গেল—চ'লে গেল  
 দেবতা আমার । উঃ ! উঃ !  
 কাঁদ—কাঁদ লো উলূপী !  
 আর বুঝি দেখা তার পাধিনে জীবনে ।  
 এত সে পাষণ যদি,  
 তবে কেন তারে নিয়ে এলু  
 যুদ্ধ হ'য়ে রূপে তাঁর  
 হরিদ্বার গঙ্গানীর হ'তে ।  
 কেন আজি দিগু তাঁরে  
 বিলায়ে সর্বস্ব মোর  
 না ভাবিয়া হিতাহিত ;  
 তাহ'লে তো হেন ভাবে  
 হ'তো না দহিতে মোরে দহন জালায় ।  
 ওগো দেব !  
 ওগো মোর মেহের সম্পদ !  
 দেখা দিও স্বপনে আমার ।

চিত্রভানু ও রামভদ্রের প্রবেশ ।

চিত্রভানু । সুন্দরী !  
 উলূপী । একি ! কে তোমরা ?  
 রামভদ্র । দেখুন রাজনন্দিনী ! ইনি হচ্ছেন সেই মণিপুর-রাজ  
 চিত্রভানু, আর আমি তাঁর শ্রীমান্ বয়স্ক—নাম আমার শ্রীমান্ রামভদ্র

## ভদ্রার্জুন

[ দ্বিতীয় অঙ্ক ।

শর্মা । মহারাজ আপনাকে বিবাহ করতে এসেছেন, আমি নিতবর হ'রে তাঁর সঙ্গে এসেছি ।

চিত্রভানু । তোমার সঙ্গে যে আমার বিবাহ হওয়ার সমস্ত ঠিকঠাক হ'রে গেছে, সেইজন্য আমিও তোমার বিবাহ করতে এখানে এসেছি ।

উলূপী । আপনি এখন এখান থেকে যান্ মণিপুর-রাজ !

রামভদ্র । তা যাবে বৈকি ! দেখুন রাজনন্দিনী ! আমরা কাল সন্ধ্যায় এখানে এসে উপস্থিত হয়েছি, তোমার পিতাকেও সংবাদ পাঠিয়েছি । আমরা একটু বেড়াতে বেরিয়েছিলাম, জনৈক দাসীর মুখে শুনে পেলাম রাজনন্দিনী এই উগানে বায়ু সেবন করছেন ; তাই মহারাজ বল্লেন বিবাহ তো হবেই, একবার রাজকন্যাকে দেখে যাওয়া যাক—তাই আমরা এখানে এসেছি । যাক, এখনি চ'লে যাচ্ছি ; কোন ভয় নেই ।

চিত্রভানু । বয়শু ! রাজকুমারী সত্যই সুন্দরী ।

রামভদ্র । দেখুন দিকিন্, সুন্দরী হবে না ? আহা—আহা !

চিত্রভানু । চলো বয়শু ! আমরা এখন শিবিরে ফিরে যাই ।

উলূপী । মহারাজ ! আপনি হুঃখিত হবেন না, আমার বিবাহ হ'রে গেছে ।

চিত্রভানু । সে কি !

রামভদ্র । একি শুনি আচম্বিতে বজ্রের নিনাদ ?

উলূপী । সত্যই আমার বিবাহ হ'রে গেছে ।

চিত্রভানু । মিথ্যা ! আমি তো সে সংবাদ জানি না । তাহ'লে কি নাগরাজ আমার অপমান করবার জন্য এখানে নিমন্ত্রণ ক'রে নিয়ে এলো ? বল, কার সঙ্গে তোমার বিবাহ হ'রে গেছে ?

উলূপী । বীরশ্রেষ্ঠ তৃতীয় পাণ্ডব অর্জুনের সঙ্গে । তিনিই এখন আমার স্বামী ।

চিত্রভানু । বটে ! অপমান—আমার অপমান ? না—না, মিথ্যা কথা ; বিবাহ হয় না—হ’তে পারে না । অসম্ভব ।

উলূপী । অসম্ভব নয় মহারাজ ! সত্যই আমি বিবাহিতা ।

রামভদ্র । হায়-হায়-হায় ! বাড়া ভাতে ছাই পড়লো । এখন নিতবর সেজে এসে শুধু শুধু ফিরতে হবে ? মহারাজ ! আমি যে হতভম্ব হ’য়ে গেলাম । ভেবেছিলাম, নাগপুত্রী থেকে আমিও একজন সুন্দরীকে বিয়ে ক’রে নিরে যাবো । হা ভগবান !

চিত্রভানু । যাক্, শোন রাজকন্যা ! বিবাহ হ’য়ে গেলেও তুমি আমার পুনর্বার বিবাহ কর ; যেহেতু তোমার পিতা যখন আমার সঙ্গে তোমার বিবাহ দিতে সম্মত হ’য়েছিলেন ।

উলূপী । আপনি পিতার কাছে গিয়ে বলুন গে । তবে স্থির জ্ঞানবেন, আমি বিবাহিতা । পুনরায় বিবাহ হওয়া খুবই অসম্ভব ।

রামভদ্র । তাতে আর দোষ কি সুন্দরী ! ইচ্ছে করলে তিন চার বারও বিয়ে হ’তে পারে । তারপর আমাদের মহারাজও অর্জুনের চেয়ে কম বীর নন ।

উলূপী । আমার বিরক্ত করবেন না । সরুন, আমি যাই ।

চিত্রভানু । দাঁড়াও ! সত্যই যদি তাই হয়, তাহ’লে নাগরাজ আমার কন্যাদানে প্রত্যাখ্যান করবেন, তখন তোমাকে আমি আর ছাড়বো না ; তুমি আমার সঙ্গে শিবিরে চ’লে এস রাজনন্দিনী !

রামভদ্র । তা বৈকি ! হাতে পেয়ে ছাড়া উচিত নয় ; বলা যায় না, শেষকালে কি হয় । তার চেয়ে আগে থেকেই সাবধান হওয়া উচিত ।

চিত্রভানু । এস সুন্দরী !

উলূপী । মনে রাখবেন, আমি রাজকন্যা—তার মর্যাদা নষ্ট করবেন না ।

চিত্রভানু । কি স্পর্ধার কথা ! তুমি যদি এখন স্বেচ্ছায় আমার শিবিরে না যাও, তাহ'লে বলপূর্বক তোমায় এখান হ'তে নিয়ে যাবো ।

উলূপী । কি বললেন—কি বললেন ? সাবধান ! যা বলেছেন, আর বলবেন না । পণ ছেড়ে দিন ।

চিত্রভানু । বয়স্তু !

রামভদ্র । সীতাহরণটা সেরে ফেলুন না ।

চিত্রভানু । এস স্নন্দরী ! [ উলূপীর হস্তধারণ ]

উলূপী । একি ! ছাড়ুন—ছাড়ুন—

চিত্রভানু । তা হবে না, তোমাকে বিবাহ কববার জগুই যে আমি এখানে এসেছি । চ'লে এস ।

উলূপী । ওগো—কে আছ, দানবকবল হ'তে আমার রক্ষা কর ।

[ উলূপীকে টানিতে টানিতে সকলের প্রস্থান ।

## তৃতীয় দৃশ্য :

কর্কটনাগের কক্ষ ।

কর্কটনাগ সুরাপান করিতেছিল ও নর্তকীগণ গাহিতেছিল ।

কর্কট । নাও—নাও, চালাও—চালাও, হরদম চালাও । - কেবল শ্রুতি কর, আর নর্তকীদের সঙ্গীত শ্রবণ কর । এই—দাঁড়িয়ে দেখছ কি—চালাও—চালাও ।

গীত ।

নর্তকীগণ ।—

সখা ! তোমারে বড় ভালবাসি ।  
জ্যোছন হসিত হৃদয় আকাশে  
তুমি হে আমাদের শারদ শশী ॥  
তুমি আসিবে বলিষা,  
বাথি যে খুলিষা,  
হৃদয় ছয়াবখানি সারানিধি ।  
জানি না কখন, জাগাবে শিহরণ,  
তোমারি উত্তল কবা মধুর বাণী ॥

কর্কট । যাও—বিশ্রাম করগে । আমি তোমাদের ওপব খুবই সন্তুষ্ট  
হয়েছি । [ নর্তকীগণের প্রস্থান ] এ জীবনটা চাচ্ছে মন্দ নয় । সংসার  
ছুশ্চিস্তাব হাত এড়িয়ে এ একবকম বেশ আছি, কিন্তু স্ত্রী আমার  
একটু অগ্র বকমেব । তার দিবাবাত্রের অভিযোগ শুন্তে শুন্তে  
আমি পাগল হ'য়ে যাই । সে চায় বাজবাণী হ'তে—তাও কি সম্ভব !  
রাজ-ভৃত্য আমি, বাজা হই কি ক'বে ? এ তার অগ্রায় দাবী ।

ছদ্মবেশী চিত্রভানুর প্রবেশ ।

চিত্রভানু । অগ্রায় দাবী নয় বন্ধু ! সংসাবে মানুষ বড় হ'তেই  
চায়, এ অতি সত্য কথা ।

কর্কট । কে তুমি ?

চিত্রভানু । একজন বিদেশী বন্ধু ।

কর্কট । বিদেশী বন্ধু ! কি চাও তুমি ?

চিত্রভানু । নাগ-সেনাপতি ! আমি তোমার সৌভাগ্য দিতে  
এসেছি ।

কর্কট । সেকি !

চিত্রভানু । বিশ্বাস কর আমায় । শুনতে পেলাম, তুমি রাজ-  
সিংহাসনের কথা কি বলছিলে ?

কর্কট । হ্যাঁ, আমার স্ত্রী চায় এই নাগরাজ্যের অধীশ্বরী হ'তে ।  
সেনাপতির স্ত্রী সে, এ যে তার অগ্নায় আকিঞ্চন ।

চিত্রভানু । অগ্নায় আকিঞ্চন নয় । সেনাপতির স্ত্রী কি রাজরাণী  
হ'তে পারে না বন্ধু ? মানুষ ইচ্ছা করলে সবই হ'তে পারে ।

কর্কট । অসম্ভব ।

চিত্রভানু । মনের দুর্বলতাই মানুষকে বড় হ'তে দেয় না । তুমি  
চেষ্টা করলেই নাগরাজ্যের অধীশ্বর হ'তে পারবে ।

কর্কট । কে তুমি ?

চিত্রভানু । সুহৃৎ । ভবিষ্যৎ উন্নতি-পথের প্রদর্শক ।

কর্কট । সত্য পরিচয় দাও, তুমি কে ?

চিত্রভানু । আমায় তুমি প্রতিশ্রুতি দাও সেনাপতি যে, আমাব  
নির্দেশিত পথে তুমি চালিত হবে ।

কর্কট । কি জ্ঞাত ?

চিত্রভানু । সৌভাগ্য প্রতিষ্ঠায় ।

কর্কট । সৌভাগ্য ! আমি তো দুর্ভাগ্যের কশাঘাত মোটেই  
অনুভব করতে পারিনে । জীবনে তো কোন অভাব নেই ।

চিত্রভানু । অভাববিহীন লোক জগতে নেই । যার আছে তারও  
অভাব—যার নেই তারও অভাব । তুমি কি রাজা হ'তে চাও না বন্ধু ?

কর্কট । আমি তোমার বন্ধু ? এরূপ অযাচিতভাবে বন্ধুত্ব স্থাপনের  
যশ কি আগমুক ? আমি বেশ বুঝে উঠতে পারছি না । আগে  
তোমার সঠিক পরিচয় দাও, তবেই আমি তোমায় বন্ধু ভেবে মেনে  
নিতে পারবো ।



চিত্রভানু । ঠিক তো ?

কর্কট । হ্যাঁ ।

চিত্রভানু । আমি মণিপুর-রাজ্য চিত্রভানু ।

কর্কট । [ বিস্মিতভাবে ] মণিপুররাজ্য !

চিত্রভানু । হ্যাঁ, আমিই সেই অপমানিত মণিপুররাজ্য । আমার সঙ্গে তোমাদের মহারাজ্য তাঁর কন্যার বিবাহ দেবেন বলে আমাকে এখানে নিয়ে এলেন, কিন্তু এখানে এসে শুন্লাম, তৃতীয় পাণ্ডব অর্জুনের সঙ্গে কন্যার বিবাহ হ'য়ে গেছে ।

কর্কট । হঁ, বুঝেছি । আজ দু'দিন হ'লো রাজকন্যাও অদৃশ্য হ'য়ে গেছে । অনেক অনুসন্ধানেরও তার সন্ধান পাওয়া যাচ্ছে না । তবে মহারাজ্য আপনারই ওপর সন্দেহ করেছেন ; সেইজন্য আমার উপর আদেশ হয়েছে, আগামী কল্য মণিপুররাজ্যের শিবির আক্রমণ করতে হবে । তাকে নাগরাজ্য হ'তে বিতাড়িত ক'রে দিতে হবে ।

চিত্রভানু । সেইজন্যই তো বলছি সেনাপতি, আমি তোমার সৌভাগ্য দিতে এসেছি । স্বামী তুমি—স্ত্রীর বাসনা পূর্ণ কর । তোমার সৌভাগ্যলাভের সুবর্ণ সুযোগ উপস্থিত, এ সুযোগ তুমি হেলায় হারিও না বন্ধু !

কর্কট । আপনি কি চান মহারাজ্য ?

চিত্রভানু । চাই আপনার সাহায্য ; অবশ্য এর বিনিময় তুমিও পাবে ।

কর্কট । আমার কি করতে হবে ?

চিত্রভানু । তুমি যদি কৌশলে মহারাজ্যকে বন্দি করতে পার, তাহলে যুদ্ধ-বিগ্রহ কিছুই হয় না । অথবা রক্তপাত—লোকক্ষয় হয় না । আর বিনা পরিশ্রমেই তুমি এই নাগরাজ্যের অধীশ্বর হ'তে পারো ।

কর্কট । আগার কর্তব্য কি তাই মহারাজ ?

চিত্রভানু । আত্মার উন্নতিকল্পে মানুষকে অনেক কিছু গ্ৰাহ্য অগ্ৰাহ্যের আশ্রয় নিতে হয় । ভেবে দেখ, হয়তো জীবনে এমন সুযোগ আসবে না । তুমি কি চিরদিন এমনিভাবেই আদেশবাহক থাকতে চাও সেনাপতি ?

কর্কট । আমি বুঝতে পারছি, এসব বোধ হয় আমার জীর খেলা অদৃত নাবী-চরিত্র । না মহারাজ ! মার্জনা করবেন আমার, আমি অতখানি কলুষিত করতে পারবো না আমার প্রবৃত্তিটাকে । সৌভাগ্যলাভের জন্ত জাতিদ্রোহী—প্রভুদ্রোহী সাজতে পারবো না । আমার এ আদেশবাহকের জীবনই ধন । অনেক বড় হ'য়েছি মহারাজ ! ছিলাম দ্বিধের সম্ভান—এখন হয়েছি রাজ্যের সেনাপতি ; এর চেয়ে আর কি বড় হওয়ার আশা করতে পারি । আপনি যান, আপনার কথার ক্রমশঃ যেন আমি চঞ্চল হ'য়ে পড়ছি ।

চিত্রভানু । চঞ্চল হবার কিছুই কারণ নেই । কেন তুমি হেলায় এ সুযোগ হারাতে চাও বন্ধু ! মনে কর একবার তোমার পত্নীর সেই অশ্রুভারাক্রান্ত মুখখানি । স্বামী তুমি তার—তাকে সুখিনী করাও কি তোমার কর্তব্য নয় ?

কর্কট । হ্যাঁ, কর্তব্য আমার ।

পত্নীরে সুখিনী করা স্বামীর কর্তব্য ;

কিন্তু হে রাজন !

এইভাবে অধর্ম আশ্রয় করি

সুখিনী করিতে হবে পত্নীরে আমার—

আর করিতে হইবে

নিজের উন্নতি ।

না না—নহেক সম্ভব,  
 নহে ইহা সৌভাগ্য প্রতিষ্ঠা ।  
 চিত্রভাঙ্গু । কেন তুমি কবিতোছ ভুল ।  
 নাগবাজসহ  
 কণ্ঠা হেতু বাধিবে সমর,  
 তুমি হও সহাব আমাব—  
 বিনিময়ে নাগবাজ্য উপহার  
 দিব হে তোমাবে ,  
 বিনাশ্রমে হবে তুমি এ রাজ্যের বাজা ।  
 ককট । বাজা—বাজা—  
 বিনাশ্রমে এ রাজ্যের হবো অধীশ্বর ।  
 দিবাবাত্র পত্নী মোব ফেলে অশ্রুজল  
 কবে হে চঞ্চল মোরে  
 আহাবে বিহারে শয়নে স্বপনে ।  
 তাই তো কি কবিব—  
 কোন্ পথে চালাইব কৰ্ম্মপণ মোব ।  
 সৌভাগ্য যাচিয়া মোবে  
 দিতে আসে আলিঙ্গন  
 প্রত্যাখ্যান কেন আমি  
 কবিব তাহাতে ?  
 থাক ধৰ্ম্ম—কৃতজ্ঞতা—প্রভুভক্তি মোর,  
 আত্মার উন্নতি করে  
 হোক মোব নব অভিযান ।  
 হে বাজন্ ! নাহিক সংশয় আর

গোপনে সাহায্য তব করিবে কর্কট ;  
তবে দিতে হবে প্রতিশ্রুতি  
যুদ্ধ জয়ে নাগরাজ্য সিংহাসন  
হইবে আমার ।

চিত্রভানু ।

সে কি কথা ! অবশ্য—অবশ্য  
অতি সত্য কথা—  
নাগরাজ্য সিংহাসন দানিব তোমারে,  
প্রতিশ্রুতি দিলাম তোমারে ;  
আজি হ'তে তুমি মম পরম মুহূর্ত্ত ।  
এস সখা ! মিত্রতা স্থাপন হেতু  
দাও মোরে আলিঙ্গন  
ধন্য হোক জীবন আমার ।

[ কর্কটনাগ সহ আলিঙ্গন ]

কর্কট ।

কহ বন্ধু !  
কি করিতে হইবে আমারে ?  
তব হেতু এ জীবন করিব উৎসর্গ ।

চিত্রভানু ।

শোন সখা ! যদি কোনমতে  
কৌশলে বা ছলে পার তুমি  
বন্দি করিবারে নাগরাজ্যে,  
তারপর বন্দি করি—  
পাঠাইবে শিবিরে আমার ।  
আমি তারে ল'য়ে যাবো কন্যাসহ  
নিজরাজ্যে মোর ।  
আর তুমি নির্বিবাদে

এ রাজ্যের হ'য়ে রাজা  
করিবে হে সিংহাসনে আরোহণ ।  
কর্কট । উত্তম প্রস্তাব বন্ধু !  
রাজকন্যা আছে কি শিবিরে তব ?  
তুমি কি তাহারে—

চিত্রভানু । আমি তারে পুষ্পাঢ্যানে পশি  
কৌশলে লইয়া গেছি হরণ করিয়া ।  
হাঃ-হাঃ-হাঃ !  
প্রতিশোধ করিব গ্রহণ ।  
মম সহ বিবাহ দানিতে হইয়া সম্মত,  
তৃতীয় পাণ্ডবে কন্যাদান করি  
অপমান করিল আমার ;  
কিন্তু নাহি জানে নাগেশ্বর  
কি ভীষণ হয় এই রাজ্য চিত্রভানু ।  
পিতা পুত্রী দুইজনে  
ল'য়ে গিয়ে স্বরাজ্যে আমার  
উলুপীরে করিব বিবাহ  
পিতার সম্মুখে তার ।  
হ্যা—বলিতে কি পারো সখা,  
কোথা এবে তৃতীয় পাণ্ডব ?

কর্কট । কয়দিন হ'লো গিয়াছে চলিয়া ।

চিত্রভানু । ভাল—ভাল ! যাক,  
চলিলাম শিবিরে আমার ।

কথামত কার্য যেন হয় । [ চিত্রভানুর প্রস্থান ।

কৰ্কট । নিশ্চয় হইবে ।  
 নাগৰাজ্যের অধীশ্বৰ  
 হইবে কৰ্কটনাগ—হাঃ-হাঃ-হাঃ !  
 চমৎকার—চমৎকার !  
 বিনাশ্রমে ভাগ্যের উন্নতি ।

গীতকণ্ঠে দৈবের প্রবেশ ।

গীত ।

কেন কব্ছো তুমি ভুল ।  
 ওই পথেতে হয় কিরে তাই ভাগ্য অনুকূল #  
 হয় না জয়ী কেউ কখনো পরকে কাঁকি দিয়ে,  
 সে নিজেই তখন ফাঁদে পড়ে নিজের মাথা খেয়ে,  
 নিরাশ সাগর ছুটে আসে  
 পায়না তখন কূল #

[ প্রশ্নান ।

কৰ্কট । ভুল—ভুল, তবে কি সত্যই আমি ভুল করছি ? সত্যই  
 কি এই পথে আশা আমার পূর্ণ হবে না ? তাই তো কিছুই বে  
 বুঝে উঠতে পারছিনে । ছরস্তু প্রলোভন যে আমার উন্মাদ ক'রে দিলে,  
 তাইতো আমি কি করলাম ?

কৌরব্যনাগের প্রবেশ ।

কৌরব্য । সেনাপতি ! সেনাপতি !

কৰ্কট । আসুন—আসুন মহাবাজ ! একি ! এত ব্যস্ত কেন ?

কৌরব্য । ব্যস্ত না হ'রে যে থাকতে পারছিনে । হর্ষস্তু মণিপুর  
 রাজ্যে এসে শিবির স্থাপন ক'রে আমার একমাত্র কন্যাকে-

তৃতীয় দৃশ্য । ]

ভদ্রার্জুন

অপহরণ ক'রে নিয়ে গেছে । তুমি এখনো কেন নিশ্চিন্ত আছ ? শিবির আক্রমণ কর—আগুন জ্বলে দাও ; নতুবা সে শিবির তুলে নিয়ে স্বরাজ্যে চ'লে যাবে । আজ রাতেই তার শিবির আক্রমণ কর ।

কর্কট । রাজকন্যাকে কি মণিপুররাজ সত্যই অপহরণ ক'রে নিয়ে গেছে ?

কৌরব্য । হ্যাঁ—হ্যাঁ । নিশ্চয়ই—নিশ্চয়ই, এ তারি কাজ—তারি কৌশল । শিবির আক্রমণ করলেই কন্যাকে আমার পাওয়া যাবে ।

কর্কট । মহারাজ ! আপনি যে তার সঙ্গে কন্যার বিবাহ দেবার জন্ত সব ঠিকঠাক করেছিলেন, এমন কি বিবাহের দিনও পর্য্যন্ত স্থির হ'রে গিয়েছিল । সে বিবাহ করবার জন্ত যথাসময়ে এখানে এসে উপস্থিত হ'রেছিল, কিন্তু তার পূর্বেই রাজকন্যার বিবাহ সম্পন্ন হ'রে গেছে । এতে মণিপুররাজের কি অপমান করা হলো না ?

কৌরব্য । সবই সত্য, কিন্তু আমি মার্জনা ভিক্ষা চেয়ে তাকে পত্রদ্বারা জানিয়েছিলাম । দৈব নির্বন্ধে কন্যার বিবাহ তৃতীয় পাণ্ডব অর্জুনের সঙ্গে হ'রে গেছে, তত্রাচ আমার সে পত্র উপেক্ষা ক'রে মণিপুররাজ এখানে এসে উপস্থিত হ'রেছে । দোষ কি আমার ?

কর্কট । তা না হয় হ'লো ; কিন্তু মণিপুররাজ যে রাজকন্যাকে হরণ ক'রে নিয়ে গেছে তারই বা প্রমাণ কি ? অনর্থক একটা ভুল ধারণা নিয়ে একজন রাজাকে অপমান করা বা তার বদনাম দেওয়া উচিত কি ?

কৌরব্য । সেনাপতি ! তুমি বলছো কি ?

কর্কট । আজ্ঞে, আমি ঠিক কথাই বলছি । আপনি একটু ভেবে দেখুন না, যখন চাকুল কোন প্রমাণ নাই, তখন অবশ্য তার সঙ্গে বিবাহ ক'রে রক্তপাত ক'রে লাভ কি ?

কৌরব্য । তুমি কি বসুন্তে চাও সেনাপতি ?

কর্কট । আমার মতে আপনি একবার মণিপুররাজের সঙ্গে সাক্ষাৎ করুন, সাক্ষাৎ ক'রে তাঁকে বলুন । আর আমিও বিশেষভাবে রাজকন্ঠার সন্ধান নিই, সত্যই তাকে মণিপুররাজ অপহরণ করেছে কিনা ।

কৌরব্য । শত্রুর শিবিরে যাওয়া কি উচিত সেনাপতি ?

কর্কট । ভয় কি মহারাজ ! আমিও আপনার সঙ্গে যাবো । দেখি যদি মণিপুররাজ শিষ্টাচারের কোন ব্যতিক্রম করে, তাহ'লে তখনই আমার কোষাবদ্ধ অসি সগর্জনে গর্জে উঠবে । চক্ষুর নিমিষে মণিপুররাজকে ধ্বংস ক'রে ফেলবো ।

কৌরব্য । এ অতি উত্তম যুক্তি । তাহ'লে কল্য প্রত্যাষেই তার শিবিরে আমরা উপস্থিত হবো ।

কর্কট । আজ্ঞে হ্যাঁ মহারাজ ! আপনি নিশ্চিন্ত থাকুন । মণিপুররাজের সাধ্য কি দুর্জয় নাগের কবল হ'তে নাগরাজকন্ঠাকে অপহরণ ক'রে নিয়ে যাবে ।

কৌরব্য । সস্তুষ্ট হলাম, আমি এখন চললাম । হায়, এ সময় যদি তৃতীয় পাণ্ডব এখানে থাকতো—

[ প্রস্থান ।

কর্কট । যাক্, বৃদ্ধ রাজাকে কোষলে মণিপুররাজের শিবিরে নিয়ে যেতে হবে । যাই, বন্ধুবরকে একখানা পত্র লিখে পাঠিয়ে দিইগে । সৌভাগ্যের অবাচিত দান আমি কেন গ্রহণ করবো না ? পাপ—কিসের পাপ ? সংসারে এ পাপ সবাই ক'রে থাকে । স্বর্গের দেবরাজ ইন্দ্র নিজের সৌভাগ্যবান্ হবার জন্য অগ্নায়ভাবে কত দানব-দৈত্যকে বধ ক'রেছে, তার কাছে আমি তুচ্ছ । 'তখন আমার চিন্তা কি ।

[ প্রস্থান ।



## চতুর্থ দৃশ্য :

গজানন্দের বাটী ।

চন্দ্রমণির প্রবেশ ।

চন্দ্রমণি । প্রহ্লাদ ! প্রহ্লাদ ! ওরে আমার প্রহ্লাদ ! তুই আমায়  
কীকি দিয়ে কোথায় চ'লে গেলি বাবা ? এত ডাকছি—এত কাঁদছি,  
তবু সে তো পাড়া দিচ্ছে না, মা ব'লে এসে ডাকছে না ? বাছা  
আমার দু'দিনের জরে জন্মের মত চ'লে গেল । যাবে—যাবে বই  
কি ! পাপের সংসাবে সে আর কতদিন থাকবে । যে সংসারে  
ঠাকুর দেবতার নাম হয় না, সে সংসারে কি সুখ-শান্তি থাকে ?  
সে সংসারে আগুন জ'লে যায়—ছারখার হ'য়ে যায় । আমারও  
সংসারে তাই হয়েছে, হবির নাম করলে—হরির পূজা করলে কর্তার রাগ  
বেড়ে উঠে । যেদিন ঠাকুর ঘর থেকে রাধাকৃষ্ণের মূর্তিটা জলে ফেলে  
দিয়ে এলো—প্রহ্লাদ আমার সেই দিনই জরে পড়লো । দুদিন যেতে  
না যেতে—উঃ ! বাছা আমার চ'লে গেল । সংসার আর কাকে  
নিয়ে করবো । কার আশায় দিনরাত খাটা খাটুনি করবো ? দরাময় !  
দয়াল হরি ! তুমি একি করলে ? আমি তো তোমার চরণে কোন  
অপরাধ করিনি, তবে কি জগু আমার বুকের নিধিকে তুমি কেড়ে  
নিলে ? প্রহ্লাদ—প্রহ্লাদ—ওরে প্রহ্লাদ !

গজানন্দের প্রবেশ ।

গজানন্দ । চালাকি পেয়েছে—বলে কিনা সুদ বেবোনা । ইয়ারকি !  
পাই পরমা আদায় ক'রে নিরে তবে এসেছি । আবার পায় ধ'রে

কান্নাকাটি—বলে সুদ দিতে পারবো না। মজার কথা—সুদ দিতে পারবো না। সেদিন আমায় ধাক্কা মেরে চ'লে গেছিলি না? জানিস আমার হাতে তোর মাথা বাঁধা, ব্যাটা কুঁদো—সুদ ছাড়বো?

চন্দ্রমণি। কি হলো আবার?

গজানন্দ। এই দেখ না, সেদিন কন্দুর্পে আমায় কি রকম ঠেলে ফেলে দিয়ে গিয়েছিল, ব্যাটা জানে না—আমার কাছে তার মাথা বাঁধা। আজ কড়া ক্রান্তি টাকা আদায় ক'রে এনেছি। পনের টাকা সাড়ে আট আনা সুদ হ'য়েছিল, বলে কিনা সাড়ে আট আনা ছেড়ে দিতে হবে। কি একম কান্নাকাটি। হঁ—আমি কি ওই কান্নাকাটিতে ভুলি? সাড়ে আট আনা ছেড়ে দিতে হবে—চালাক নাকি। ওই সাড়ে আট আনা আসে কোথেকে বলোতো? আদায় ক'রে নিয়ে তবে এসেছি।

চন্দ্রমণি। হ্যাঁ গা! আর তুমি কার জন্তে এসব করছো গা? কে ভোগ করবে? যে ভোগ করতো সে তো চলে গেল। অমন উপযুক্ত একটা ছেলে ম'রে গেল, তবু তোমার চৈতন্য হ'লো না? ছেলেটা কি মরতো, তোমার পাপেই সে ম'রে গেল। তুমি যে অনেক লোককে কাঁদিয়েছ—অনেক লোকের শাপ মণি কুড়িয়ে নিয়েছো। ওগো! আর কেন, এখনো তুমি ক্ষান্ত হও—এখনো একমাস হয়নি। যে খন তোমার চ'লে গেছে, লক্ষ টাকাত্তে কি সে খন ফিরে পাবে?

গজানন্দ। বেশ বলেছ গিন্নী! সংসারে সকলকেই মরতে হবে। কেউ ত আর মার্কণ্ড হ'রে আসিনি। প্রহ্লাদের বাবার সময় হ'য়েছিল—চ'লে গেছে, তাতে আর ছখা কি? আমার গোল গোল ছেলে বেঁচে থাকলেই সুখ-শান্তি। আহা! টাকা বার আছে, তার আবার শোক ছাপ কি।

চন্দ্রমণি । উঃ ! তুমি কি পাষণ । একমাত্র ছেলে, সে চ'লে গেল—  
প্রাণটা একটুও কাঁদছে না ? তুমি যে তার পিতা ।

গজানন্দ । আমি তো আর ধনস্তুরি নই যে, তাকে বাচিয়ে ফেলতে  
পারতাম । কি কব্বো বল, এরকম সব সংসারেই হয় । মিছি-মিছি  
কেঁদে কেটে আর লাভ কি । ধর টাকাগুলো, এখন সিন্দুক রাখগে ।  
নোংরা কাপড়ে আর সিন্দুক ছোঁবনা । দিনরাত টাকা দেখ—টাকা  
গোনো—বাস্, সব শোক-তাপ দূর হ'য়ে যাবে । আতা ! টাকা বড়  
মূল্যবান জিনিষ ।

চন্দ্রমণি । না না—আমি নেবো না । বিষ—আগুন । ফেলে  
দাও—ফেলে দাও । ওঃ ! ওরে আমার মাগিক ধন ! ওগো দয়াল হরি !

গজানন্দ । এই দেখ, আবার সেই নাম আউড়ায় । বলি, তুমি কি  
আমায় পাগল করবে গিন্নী ? থাকতো যদি এসময় আমাদের কংসরাজ্য  
বেঁচে, ফরি ফরি বলা বার ক'রে দিতো । দেগো কালী বলো—তারা  
বলো—দুর্গা বলো—মনসা বলো—শেতলা বলো—মধ্যা ওই ফরি নামটা  
বাদ দিয়ে । ফরি ফরি কর ব'লেই তো সেদিন রাধেকৃষ্ণ ঠাকুরটিকে  
একবারে জলসই ক'রে দিয়ে এসেছি ।

চন্দ্রমণি । হাতে হাতে তার কলও পেয়ে গেলে । যেদিন দিয়ে  
এলে, তার ছদিন যেতে না যেতে নির্বংশ হ'লে—সোনার চাঁদ চ'লে  
গেল । এখনো তুমি টাকার মোহে প'ড়ে পরের সর্বনাশ করতে  
ভুলছো না ? তুমি ধন্য মানুষ ।

গজানন্দ । দেখ, ওসব ছেড়ে দাও, টাকা থাকলেই সব হবে ।  
শোক-তাপ সব ভুলিয়ে দেবে গিন্নী—সব ভুলিয়ে দেবে । যাক্—একটা  
কথা বলি, তুমি কেষ্ট কেষ্টর নাম মুখে এনো না বলছি—সর্বনাশ হ'য়ে  
যাবে । কংসরাজার অনুচরেরা তোমার কেষ্ট ঠাকুরকে জল করবার

## ভদ্রার্জুন

[ দ্বিতীয় অঙ্ক ।

জন্তে ছদ্মবেশে চতুর্দিকে ঘুরে বেড়াচ্ছে। সেদিন একজনের সঙ্গে আমার সাক্ষাৎ হ'য়েছিল, আমায় বললে বরষ মশাই! যদি কেউ কেঁপের নাম করে—কিষ্ণা তার পূজা করে, আমায় সংবাদ দেবেন; আমি তাকে আচ্ছা ক'রে সায়েস্তা ক'রে দিবে যাবো। খুব ছ'সিয়ার, কেঁপ কেঁপ ক'রে শেষকালে আমার মাথাটি যেন খেও না। নাও, টাকাগুলো সিন্দুকে রাখগে। আমি এখন সিন্দুক ছোঁব না।

চন্দ্রমণি। আমি আর ও পাপের টাকা স্পর্শ করবো না। উঃ! পাষণ—নির্দয়! পুত্রশোকে একটুও ব্যথা লাগলো না, আবার ভগবান কৃষ্ণের নাম ও তাঁর পূজা করতে নিষেধ করছো? অনন্ত নরকেও তোমার স্থান হবে না। যাও—যাও আমার জালিও না, আমায় একটু কাঁদতে দাও। আমার যে বৃকের ধন চ'লে গেল।

গজানন্দ। যাক্, আমিই তবে কাপড় ছেড়ে গঙ্গাজল মাথায় দিয়ে টাকাগুলো সিন্দুকে রাখিগে। দেখো, ভাল চাওতো কেঁপ হরি ছাড়ো—নইলে মজা দেখবে।

[ প্রস্থান।

চন্দ্রমণি। সংসারে মানুষও এমন হয়। হায় ভগবান! মানুষকে কামিনীকাঞ্চন দিয়ে কি ভাবে ভুলিয়ে রেখেছ। মানুষ টাকার জন্তে সব করতে পারে।

### কন্দর্পের প্রবেশ।

কন্দর্প। মামী-মা—মামী-মা—! [ কাঁদিয়া ফেলিল ]

চন্দ্রমণি। কি হ'য়েছে বাবা?

কন্দর্প। মামা আমার টাকার জন্তে বসতবাটীখানা পর্যন্ত বিক্রি ক'রে নিলে। আমি এখন ছেলে পিলে নিরে দাঁড়াই কোথায়? পারে

ধ'রে কাঁদাকাটা করলাম, তবুও শুনে না—এমন কি শেষ পর্যন্ত সাড়ে আট আনা পরস্যা তাও আদায় ক'রে নিলে ।

চন্দ্রমণি । সবই শুনেছি বাবা, কিন্তু কি করবো । দেখতে তো পাচ্ছো, ওঁর জন্তে আমার কি সর্বনাশ হ'য়ে গেল—আমার সোনার চাঁদ অকালে চ'লে গেল । যার একমাত্র উপযুক্ত ছেলে ম'রে গেল, সে আজ কোন্ লজ্জায় টাকার জন্ত পরের প্রাণে ব্যথা দিতে চায় ।

কন্দর্প । সত্যই মামী-মা ! মামা আমার এক অদ্ভুত মানুষ । সংসারের চের চের মানুষ দেখেছি, ওরকম অর্থ-পিষাচ মানুষ কোথাও দেখিনি । আমার একখানা ভাঙ্গা ঘর তাও কেড়ে নিলে ।

চন্দ্রমণি । যাক বাবা ! তুমি তোমার ছেলেপিলে নিয়ে আমার এখানে এস, আমি তোমাদের সমস্ত ভার নেবো ।

কন্দর্প । সে কি মামী-মা ?

চন্দ্রমণি । ভয় কি ? বতক্ষণ আমি আছি, ততক্ষণ মামা তোমাদের কিছুই করতে পারবে না । তুমি আজই সবাইকে এখানে নিয়ে এস ।

কন্দর্প । আঃ ! বাঁচলাম ।

### অনিন্দ্যের প্রবেশ ।

অনিন্দ্য । বড় মা—বড় মা আমার ছুটো পরস্যা দেবে ?

চন্দ্রমণি । কেন, কি হবে ?

অনিন্দ্য । আমি একটা বাঁশী কিনবো ।

চন্দ্রমণি । বাঁশী কি হবে বাবা ?

অনিন্দ্য । কালাচাঁদের মত আমি বাঁশী বাজাবো ।

চন্দ্রমণি । তাহ'লে তুই কালাচাঁদ হবি নাকি ?

অনিন্দ্য । না—না, তা আবার কি হওয়া যায় নাকি ? হ্যাঁ বড় মা ! জ্যেঠামশাই বাড়ী নেই তো—আমাকে দেখলে আর রক্ষে রাখবে না ।

## ছদ্মার্জুন

[ দ্বিতীয় অঙ্ক ।

চন্দ্রমণি । আমি যখন রয়েছি তখন তোর ভয় কি । তুই একখানা গান করতো । দেখ কন্দর্প, অনু আমার খাসা গান করে ; শুনে প্রাণে এক অপার আনন্দ জেগে ওঠে । গা তো বাবা !

### গীত ।

অনিন্দ্য ।—

কৃষ্ণ নারায়ণ নিত্য নিরঞ্জন

ভব দুঃখ হরণ গোলক-বিহারী ।

কোটিশী লাঞ্ছিত কপ অজানিত

ত্রিভঙ্গ বক্রিম বাণরীধারি ॥

একবার এস হে, কহুঝু নপুর পায়ে

একবার এস হে,

এস মানস রঞ্জন—ভব ভয় ভঞ্জন

শত্রু বিমর্দিনকারী ॥

গীতকণ্ঠে বৈষ্ণবের প্রবেশ ।

### গীত ।

বৈষ্ণব ।—

জয় রামকৃষ্ণ হরি রামকৃষ্ণ হরি

রামকৃষ্ণ হরি রাম ।

বল রে ভাই বাহ তুলে বদন ভরে

রামকৃষ্ণ হরি রামকৃষ্ণ হরি

রামকৃষ্ণ হরি রাম ॥

ওই নামের শুণে পার হরি ভাই অকুল পাথার

রামকৃষ্ণ হরি রামকৃষ্ণ হরি

রামকৃষ্ণ হরি রাম ॥

ছদ্মবেশে দুর্শ্যদাম্বরের প্রবেশ ।

দুর্শ্যদ ।

একি ! \* কেবা গাহে কৃষ্ণ নাম  
কংসের রাজত্ব ?  
কংস নাই—তবু আছে তার অনুচরগণ  
প্রতিশোধ করিতে গ্রহণ ।  
কে তোমরা ?  
কেন কর কৃষ্ণ নাম,  
জান না কি পরিণাম কত ভয়ঙ্কর ?  
হীন নীচ গোপের নন্দনে  
কোন জ্ঞানে ভগবান ভাবি  
কর পূজা—কর নাম গান ;  
আজ পরিভ্রাণ নাহি তোমাদের ।  
বন্দি করি ল'য়ে যাবো সবে  
গভীর অরণ্যে ;  
আছে তথা মহাকালী,  
তাহারি সম্মুখে বলিদান দিবে তোমাদের  
কংসহত্যা প্রতিশোধ করিব গ্রহণ ।

কন্দর্প ।

কৃষ্ণের রাজত্ব এবে,  
তাঁহারি যে প্রজা মোরা  
তবে কেন তাঁর করিব না পূজা ?  
কহ কংস অনুচর ?

দুর্শ্যদ ।

না—না—নহে কৃষ্ণ রাজা ।  
ছলে বধ করি মহারাজে

কৌশলী গোপের স্মৃত  
হইরাছে রাজা ।  
নাম তার—পূজা তার  
পাকিতে জীবিত মোরা  
কাহারেও করিতে দিব না ।  
এস সবে নির্ঝাক বদনে,  
মম সনে কর যদি বিরুদ্ধাচরণ  
এই অস্ত্রে এখনি বধিব সবে ।

ব্যস্তভাবে গজানন্দের প্রবেশ ।

গজানন্দ । বলি গঙ্গাজলের ঘটিটা কোথায় ? ঝাঁয়া—একি ! আপনি এখানে ? নমস্কার—নমস্কার ! [ স্বগতঃ ] সর্বনাশ ঘটলো দেখছি ।

দুর্শ্বদ । দেখুন বরষা মশাই ! এরা কুম্ভনাম করছিলো—শুন্তে পেরে এখানে উপস্থিত হয়েছি । ভালই হ'য়েছে আপনিও যখন এসে পড়েছেন । চলুন, এদের বেঁধে নিয়ে বাই চলুন ।

গজানন্দ । ঝাঁয়া ! এরা সব কেঁট নাম করছিলো । আচ্ছা সাহস তো এদের, কি হে বাপু ! কেন তোমরা এই নাম করছিলে ? কথার বলে কিনা পিপীলিকার পালক ওঠে মরিবার তরে ।

দুর্শ্বদ । আপনি এদের চেনেন ?

গজানন্দ । মোটেই না, তবে রাস্তা ঘাটে দেখেছি—মুখচেনা মাত্র । রাস্তা দিয়ে যেতে যেতে আপনার কণ্ঠস্বর শুনে এখানে ছুটে এলাম । ঝাক, যা হবার হ'রে গেছে—আজকের মত এদের ছেড়ে দিন । কি হে কর্তামশায়রা, আর যেন বাপু তোমরা কেঁটর নাম মুখে এনো না ।



কন্দর্প । আমরা জীবন থাকতে কেঁটার নাম ভুলবো না ।

হর্ষদ । শুন্ছেন—শুন্ছেন বরষা মশাই, কি স্পন্দার কথা । না, এদের কোনমতেই ছাড়বো না—চ'লে এস সব । ইঁ্যা, এ বাড়ীটা কার ? এ বাড়ীটা আপনারই তো ছিল ব'লে মনে হয় ।

গজানন্দ । আজ্ঞে, আপনার অনুমান মিথ্যে নয় । আমি অনেক দিন হলো তুণ্ডু বেণেকে এই বাড়ী বেচে দিয়েছি । তারপর সে কি করলে বলতে পারিনে । [ স্বগতঃ ] সর্কনাশ ঘটলো দেখছি ।

কন্দর্প । দেখুন অনুচর মশাই ! এই বাড়ী ওই বরষা মশারের, উনি আমার মামা ।

হর্ষদ । ওই স্ত্রীলোকটি ?

সদানন্দ । [ স্বগতঃ ] দেখিস বাবা, অন্য কিছু ব'লে কেলিস্ নে ।

কন্দর্প । ইনি ঔনার স্ত্রী—আমার মামী । এই বালকটি হচ্ছে ঔনার ভাই পো । আর ইনি বাবাজী ভিক্ষায় এসেছেন ।

হর্ষদ । বরষামশাই !

গজানন্দ । শুন্বেন না—শুন্বেন না, পাগলের কথা শুন্বেন না । নিজেরা বাঁচবে ব'লে একবারে আমার ঘাড়ে চাপিয়ে দিচ্ছে, ডাঁহা মিথ্যে কথা । আমি বিয়েই করিনি, সাক্ষাৎ ভীষ্মদেব । মিথ্যে কথা আমি মোটেই বলিনে, স্বয়ং ধর্মপুত্র যুধিষ্ঠিরের সঙ্গে আমার ভারী বন্ধুত্ব । জানেন তো আমরা কি বংশের ছেলে ।

হর্ষদ । ভালো । তাহ'লে আমি এদের বেঁধে নিয়ে চললাম, আপনার তো কোন আপত্তি নেই ?

গজানন্দ । দেখুন দিকি আমার কি আপত্তি থাকবে, এরা আমার সাতপুরুষের কেউ নয় ।

হর্ষদ । এস তোমরা ! [ ধরিতে উদ্যত ]

## ভদ্রার্জুন

[ দ্বিতীয় অঙ্ক ।

চন্দ্রমণি । হ্যাঁ গা, তুমি কি একবারে ফেপে গেছ ? এতক্ষণ চুপ ক'রে দেখছিলাম তুমি কতখানি মনুষ্যত্বহীন পিশাচ । তোমার স্ত্রীকে ভ্রাতুষ্পুত্রকে ভাগ্যকে ধ'রে নিয়ে যাবে, তুমি তাই দেখবে ? ভগবান ! তোমার রাজত্বে কি বজ্র নেই ?

গজানন্দ । আঃ ! এরা দেখছি সব পাগল । কেউ ঠাকুর এদের পাগল ক'রে ছেড়ে দিয়েছে ।

হুস্মদ । এদের পাগলামি আমি সারিয়ে দেবো । চ'লে এস তোমরা, নচেৎ লাঞ্চিত হবে । জানো, আমি কংসের প্রধান অনুচর হুস্মদাসুর ।

কন্দর্প । চলো মামী-মা ! ভয় কি ? চলো বাবাজী ! আমরা যাঁর ভক্ত তিনিত্ত আমাদের রক্ষা করবেন । চলুন অনুচর মশাই ! হ্যাঁ—দেখুন, ওই ঘরে আমার যে বহু অর্থ আছে, তার কি উপায় হবে ?

হুস্মদ । অর্থ ? হাঃ হাঃ-হাঃ ! কত অর্থ ?

কন্দর্প । ত' চার লাখ হবে ।

হুস্মদ । ভাল—ভাল, ওগুলোও নিয়ে যাবো । অর্থ না হ'লে সৈন্য-সঞ্চয় করা হবে না । আবার আমরা মহারাজ জরাসন্ধকে সহায় ক'রে শ্রীকৃষ্ণের বিরুদ্ধে যুদ্ধ করবো । ভালই হ'য়েছে, কোন্ ঘরে অর্থ আছে বল ?

কন্দর্প । আজ্ঞে ওই ঘরে ।

হুস্মদ । চলো—চলো, আগে অর্থগুলিই নিয়ে যাই ।

গজানন্দ । উঁ-হুঁ-হুঁ ! অমন কাজটি করবেন না হুজুর—অমন কাজটি করবেন না । উঃ ! কি বদমতলব—আপনাকে মেরে ফেলবার মতলব ।

হুস্মদ । সে কি !

গজানন্দ । আমি কি আর সাধ ক'রে তুষ্টুবেনে এই বাড়ীখানা বিক্রি করে গেছি ? তুষ্টুবেনেও দেখে শুনে বিক্রি ক'রে দিয়েছে দেখছি । ওই ঘরটার ভূতের আস্তানা । বাপ, একটি গাদা ভূত । দিনমানের ঘবে ঢোকে কার সাধ্য, রাত্ৰিকালে বাড়ীতে টেকা দায় । খটখট—পটপট—ছড়ম-ছড়ম শব্দ—হিঁ হিঁ হিঁ—হাসি । বাপ্‌রে বাপ্‌ ! অনেক বোজা হেরে গেছে । গয়্যার অন্ততঃ দু'তিন বার পিণ্ডি দিয়ে এসেছিলাম, তবু ব্যাটারা নড়লো না । খবরদার ! ওর কথা শুনে আপনি শুধু শুধু প্রাণটা দিতে যাবেন না ।

কন্দর্প । আচ্ছা, আমিও আপনার আগে আগে যাচ্ছি ।

গজানন্দ । খবরদার মশাই ! গরীবের কথা বাসী হ'লে তখন মিষ্টি লাগবে । যখন হাঁউ মঁউ ক'রে এসে গলা টিপে ধরবে তখন ঠ্যালা বুঝতে পারবেন ।

চন্দ্রদ । আচ্ছা, তবে এখন থাক । সময়মত এসে অর্থগুলো নিয়ে যাবো । দেখুন বয়স মশাই, আপনি একটু পাহারা দেবেন ।

গজানন্দ । যে আঙ্কে ! যে আঙ্কে ! তবে রাত্ৰির-কালে এখানে থাকছিনে ।

চন্দ্রদ । আহা ! দিনমানের থেকে । চলে এস সব ।

চন্দ্রমণি । ভগবান ! ভগবান ! স্বামীকে আমার স্মৃতি দাও ।

অনিন্দ্য । বড় মা ! ওগো বড় মা ! মা যে আমার কত ভাববে ।

চন্দ্রমণি । কি করবি বাবা ! এখন চল । ভয় কি মানিক ! আমরা বিপদ হ'তে উদ্ধার না পেলে তাঁর বিপদভঞ্জন নামে যে কলঙ্কপাত হবে । [ গজানন্দ ব্যতীত সকলের প্রস্থান ।

গজানন্দ । হে-হে-হে ! এ এক রকম মন্দ অভিনয় হ'লো না । যাই হোক, আমি মধ্যা কালান্তক ব্যাটার হাত হ'তে খুব বেঁচে গেছি ।

ভদ্রার্জুন

[ দ্বিতীয় অঙ্ক ।

আমার টাকাগুলোও খুব বাঁচিয়েছি ; কিন্তু ব্যাটা বললে সমস্ত  
এসে নিয়ে যাবে । তাইতো ! সিন্ধুক বোঝাই টাকা নিয়ে যাই  
কোথায় । যেখানেই যাবো সেইখানেই বিপদ । যাই হোক, দেখা  
যাক ব্যাটা কি কবে । আমার সব যাক বাবা, টাকা যেতে দিচ্ছি না ।  
টাকাই আমার ধর্ম—টাকাই আমার পুণ্য—টাকাই আমার মোক্ষ ।

[ প্রস্থান ।

পঞ্চম দৃশ্য :

শিবির !

রামভদ্র চিত্রভানুকে সুরা দিতেছিল, নর্তকীগণ গাহিতেছিল ।

গীত ।

নর্তকীগণ ।—

আমি জোছনা বতে কাণ্ডন হাওয়াতে

তোমারে করিব হৃদি দান ।

কেন সখা কেন তুমি কর অভিমান ।

এনেছি কুলমালা পরাবো বলে,

তুমি যেওনা দলে,

কর হে কর হে আজি কর মধুগান,

হৃদয়ের দুঃখ বত হোক অবসান ।

রামভদ্র । চমৎকার ! চমৎকার ! অতি সুন্দর । নাও—নাও—  
আবার আরম্ভ কর ।

চিত্রভানু । না—এখন থাক্ ; তোমরা এখন যাও ।

[ নর্তকীগণের প্রস্থান ।

চিত্রভানু । বয়শু ! বয়শু ! আজ বড় আনন্দের দিন ।

রামভদ্র । আজ্ঞে, আজ কেন সবদিনই তো আপনার আনন্দের দিন ।

চিত্রভানু । তবুও আজ বড় আনন্দের দিন । আজ বিনাশ্রমে স্বর্গের সুখালাভ করবো । বুঝলে ?

রামভদ্র । বলেন কি মহারাজ ! স্বর্গের সুখা বিনাশ্রমে লাভ করবেন ? যে সুখা লাভ করতে স্বর্গের দেবতা দানবেরা ঘেমে গিয়েছিল সাগর মন্থন ক'রে, সেই সুখা আপনি বিনা পরিশ্রমে পাবেন ?

চিত্রভানু । হ্যাঁ বয়শু ! এই দেখ পত্র ।

রামভদ্র । পত্র !

চিত্রভানু । নাগরাজের সেনাপতির । আর যুদ্ধের প্রয়োজন হবে না, সহজেই নাগরাজকন্যাকে নিয়ে আমরা স্বরাজ্যে ফিরতে পারবো । নাগরাজ-সৈন্যগণ আমাদের শিবিরের চতুর্দিকে পাহারা দিচ্ছে, নইলে কবে নাগরাজকন্যাকে নিয়ে স্বরাজ্যে ফিরতে পারতাম ! সেইজন্য সেদিন নাগরাজের সেনাপতির সঙ্গে গোপনে সাক্ষাৎ ক'রে তাকে হস্তগত ক'রে ফেলেছি । প্রতিশ্রুতি দিয়েছি তাকে, যদি কৌশলে নাগরাজকে আমার হাতে সমর্পণ করিয়ে দিতে পারে, তাহলে নাগরাজ্যের সিংহাসন তাকে প্রদান করবো ; সে আমার প্রস্তাবে সন্মত হ'য়েছে । পত্রের দ্বারা জানিয়েছে আজ নাগরাজকে নিয়ে আমার শিবিরে আসবে । এখানে এলেই বুঝেছ বয়শু—

রামভদ্র । হে-হে-হে ! আর বলতে হবে না হজুর, সব বুঝতে পেরেছি । যাক্, ভালই হয়েছে ; তাহলে প্রাণখুলে আনন্দ করা যাক্ । নর্তকীদের ডাকবো নাকি ? আপনার কথা শুনে আমার বে খুবই

## ভদ্রার্জুন

[ দ্বিতীয় অঙ্ক ]

আনন্দ হ'চ্ছে মহারাজ। আনন্দে আমার যে ভয়করভাবে উলঙ্গ-ভৈরবের মত নৃত্য করতে ইচ্ছা করছে।

চিত্রভানু। আনন্দের সময় এখনো ঠিক আসেনি বরষা। যতক্ষণ পর্য্যন্ত নাগরাজকে বন্দি না করতে পারি, ততক্ষণ পর্য্যন্ত বিশ্বাস নাই।

রামভদ্র। তা-তো ঠিক কথা। বাঘ জ্বালে না পড়া পর্য্যন্ত চূপচাপই থাকতে হবে। তা মহারাজ! আপনি তো একরকম কাজ গুছিয়ে নিলেন, আমার কি উপায় হবে? আমি যে আপনার সঙ্গে এখন নিতবর সেজে এলাম, আমার একটা হিলে হ'লো কই? এখনো পর্য্যন্ত টোপর মাথায় দিয়ে নিতবর সেজে আছি।

চিত্রভানু। তার অগ্রে আর ভাবনা কি বরষা! নাগরাজ বন্দি হ'লেই স্বরাজ্যে ফিরে যাবার সময় তুমিও পছন্দ ক'রে একজন সুন্দরী নাগকন্যাকে নিয়ে যাবে। বাক্, উলুপী সুন্দরী চূপ-চাপ আছে তো?

রামভদ্র। আজ্ঞে—তা কি আর থাকে, খুব কাঁদাকাটা করছে। কি রকম বোকাছি—গুন্ছে কি! দিনরাত তৃতীয় পাণ্ডব—আর অর্জুন। দেখুন মহারাজ, এ সময় যদি সত্যই অর্জুন এসে পড়ে, তাহ'লে একদম মাটি হ'য়ে যাবে।

চিত্রভানু। অর্জুনের ভয়ে মণিপুররাজ কোন দিনই ভীত নয়। আসুক না অর্জুন, একবাণে তাকে উড়িয়ে দেবো। তুমি তার অগ্রে ভেবো না।

রামভদ্র। দেখবেন, আমার এমন নিতবর সাজাটা যেন বৃথাই না যায়।

চিত্রভানু। চূপ! ওই বুঝি তারা আসছে। খুব সাবধান!

কর্কটনাগ সহ কৌরব্যাগের প্রবেশ।

কর্কট। মণিপুররাজের অর হোক।

চিত্রভানু । আশুন—আশুন নাগরাজ ! বসুন—বসুন, বরস্ত—বরস্ত !  
নর্তকীদের ডাকো—নর্তকীদের ডাকো, সুধার ব্যবস্থা কর । আজ  
আমার পরম সৌভাগ্য ।

কৌরব্য । থাক্ মণিপুররাজ ! চিত্ত বড় চঞ্চল । কন্যাশোকে  
আমি মুহমান । এ সময় আমোদ আহ্লাদ আমার কাছে বিষবৎ  
লাগবে ।

রামভদ্র । আহা ! তাই-তো, বড় আক্ষেপের বিষয় । যারপর নাই  
কন্যা !

চিত্রভানু । বলুন নাগরাজ ! কি জন্তু আপনি সহসা শত্রু-শিবিরে  
উপস্থিত হলেন ?

কৌরব্য । আমি আপনাকে শত্রু ভাবিনি । শত্রু ভাবলে হয়  
তো আজ আপনার শিবিরে আস্তাম না । আপনি আমার শত্রু-  
ভাবতে পারেন । আমি আপনার অতিথি ভেবেই আসতে সাহসী  
হ'য়েছি ।

রামভদ্র । আহা ! কি উদার—কি মহৎ ।

চিত্রভানু । বলুন, কি চান ?

কৌরব্য । হে রাজন ! ছুহিতা হরণ হেতু  
আসিগাছি তব পাশে  
জানিবারে নিগূঢ় রহস্ত,  
সংশয় করিতে দূর ।  
রূপা করি কহ মোরে  
কেবা মোর হরিল কন্যারে ?  
কন্যা হেতু বিকৃত মস্তিষ্ক—  
সপ্তদিন অন্নভল করিনি গ্রহণ ।

একমাত্র কণ্ঠা মোব বড় আদরের,  
তাহাব বিহনে সংসাব আমার  
হইয়াছে শ্মশানের প্রায়।  
হার ! নাহি জানি কেবা মোব  
হেন সর্বনাশ করিল সাধন ।

বামভদ্র । আহা ! বড়ই দুঃখের বিষয় ।  
এমাত্র আদরিণী কণ্ঠা—  
কেবা তারে কবিল হরণ ?  
ওঃ ! কি সে ছুরাচার ।

চিত্রভানু । মম সহ বিবাহ দানিবে বলি  
হে রাজন্ ! দিনস্থির করি  
ক'বেছিনে দুভেরে প্রেরণ ;  
কিন্তু তব একি ব্যবহার ?  
অপমান করি মোর  
তৃতীয় পাণ্ডব সনে তনয়ারে  
দানিলে বিবাহ ।

রামভদ্র । আরে চ্যা-ছ্যা ছ্যা ! অপমান ব'লে অপমান, এ  
অপমান কি মানুষে সহ করতে পারে । বিয়ে করতে এসে কণ্ঠা  
উধাও । নাগরাজ ! আপনি ভাল কাজ করেননি ।

কৌরব্য । বিধির নির্বন্ধ, নহে দোষ মোর ।  
হরিবার হ'তে তৃতীয় পাণ্ডবে  
লয়ে এসে হেথা—  
চহিতা আমার করিল বিবাহ  
গান্ধর্ব বিধানে তৃতীয় পাণ্ডব সনে ।



কি কবিব—হ'রে নিরুপায়  
পত্র দ্বারা মার্জনা চাহিয়া  
জানাইনু তোমাবে রাজন্ !  
তবু তুমি পেরে সেই সমাচার  
কেন এলে হেথা বিবাহের তরে ?

চিত্রভানু ।

মিথ্যা কথা,  
পাই নাই কোন পত্র ।  
তাহ'লে কি মণিপুররাজ  
আসিত হেথায় ?  
মিথ্যা কেন कहিতেছ নাগরাজ ?  
মোর অপমান করিবাব তরে  
করেছিলে বিবাহ প্রস্তাব ।  
কিন্তু মনে রেখো—  
হেন অপমান নীরবে সহিয়া  
মণিপুররাজ ফিরিবে না  
আপন আলয়ে ।

রামভদ্র । একশোবার—একশোবার ! এ অপমান কি সওয়া  
যায়—না মানুষে সহিতে পারে ? আমরা হ'লে এতক্ষণ একটা  
হলুস্থল কাণ্ড ক'রে ফেলতাম না ? মহারাজ আমাদের নেহাৎ  
ভালমানুষ কিনা—তাই এখনো চুপটি ক'রে আছেন । তার ওপর  
আপনি আমাদের এখানে আটক ক'রে রেখেছেন । এই বা কোন্  
দেশী ভদ্রতা । মেয়েকে মেয়ে দিলেন না—তার ওপর আবার জব্দ  
করার মতলব । কি বলবো—আমি যদি হ'তাম এখনি ঘ্যাচাং ক'রে  
কল্যার বাপের মুণ্ডপাত ক'রে ফেলতাম । মহারাজ আমাদের নেহাৎ

ধর্ম্মপ্রাণ—সরল লোক কি না। ছিঃ! অমন লোকের সঙ্গে কি এ  
রকম ছোটলোকের মত ব্যবহার করতে আছে ?

কৌরব্য। চূপ কর তুমি হে স্তাবক !

কেন দাও অনলে ইন্ধন ?

রাজার রাজার হ্রস্ব বাক্য আলোচনা—

তার মাঝে বেন তুমি কহিতেছ কথা ?

রাম ভদ্র। কি নাগরাজ !

আমারে কি ভাবিতেছ

আমি হই একজন যা তা লোক ?

আমি হই মণিপুররাজের বয়শু,

অধু প্রতাপ মোর বিদিত ভূষনে।

আরে আরে—বৃদ্ধ রাজা !

এখনি ধরিব আমি সংহার মুরতি,

স্বর্গ মর্ত্য রসাতল উঠিবে কাঁপিয়া।

চালাকি আমার সনে ?

চিত্রভানু। যাক্, কহ নাগরাজ—

কিবা তব অন্তরের কথা ?

যাহা কহিবারে উপনীত হেথা

সেনাপতি সহ।

ককট। মহারাজ নিভয়ে বলুন,

কিবা ভয় তব।

কৌরব্য। শোন মণিপুররাজ !

সন্দেহ আমার হইয়াছে বন্ধমূল

তুমি মোর কণ্ঠারে হরণ করি

লুকাইয়া রেখেছ কোথায় ।  
সত্য যদি তাই হয়  
কন্যারত্ন অর্পণ করিয়া মোবে  
রক্ষা কর শিষ্টাচার তব ।

চিত্রভানু । নাগরাজ !  
কৌরব্য । ধ্রুব সত্য —নাহিক সংশয়,  
তুমি মোর হরিয়াছ কন্যারত্নে ।

চিত্রভানু । তাই যদি হয়,  
তাহ'লে কি করিতে পাব  
মোর নাগরাজ তুমি ?

কৌরব্য । কি করিতে পারি আমি ?  
এখনি শিবির তব  
কৃৎকারে উড়ায়ে দেবো—  
নিশ্চিহ্ন হইয়া যাবে  
অস্তিত্ব তোমার ;  
চুরাশার হবে অবসান—  
নাগের বিধেতে ।

চিত্রভানু । আরে আরে বৃদ্ধ নাগরাজ !  
হেরিতেছি স্পর্ধা তব অতি ভয়ঙ্কর ।  
সিংহের বিবরে পশি,  
দেখাতেছ বৃণিত লোচন ।

কৌরব্য । কহ রাজা, শেষবার কহি—  
দিবে কি না দিবে ফিরি  
কন্যারে আমার ?

চিত্রভানু ।      বটে—বটে !  
 দস্ত তব হইবে বিচূর্ণ ।  
 পাবে না—পাবে না কন্ঠারে তোমার,  
 পত্নী মোর—বাক্‌দত্ত তুমি ।  
 শঠতা করিতে চাহ  
 আরে আরে স্থবির বাতুল !

রামভদ্র ।      চালাকি—চালাকি !  
 হুঙ্কারে এইবার কাপুক ধরণী—  
 লণ্ডভণ্ড হ'য়ে যাক্‌ সব ।  
 সংহার—সংহার আজি করিব তোমারে  
 বৃদ্ধ অরদগ্ধ ।

কৌরব্য ।      সেনাপতি ! সেনাপতি !  
 অন্ন ধর—অন্ন ধর ।

চিত্রভানু ।      ওঃ ! কি স্পর্ধা ! এই—কে আছিহ্ম ?

রক্ষীর প্রবেশ ।

বন্দি কর—বন্দি কর ওই নাগরাজে !

[ রক্ষী নাগরাজকে বন্দি করিতে উদ্যত হইল ]

কৌরব্য ।      সাবধান ! একপদ হও যদি অগ্রসর  
 থাকিবে না জীবন তোমার ।

চিত্রভানু ।      বন্দি কর—বন্দি কর ।

কৌরব্য ।      সেনাপতি ! সেনাপতি ! নীরব কি হেতু ?

কর্কট ।      কি করিব মহারাজ !

নাহি শক্তি মোর ।

কৌরব্য ।      সে কি সেনাপতি !  
 ক্ষণপূর্বে কি কহিলে মোরে ?

চিত্রভানু ।      বন্দি কর ! [ রক্ষী কৌরব্যনাগকে বন্দি করিল ]

কৌরব্য ।      য্যা ! একি—একি !  
 সেনাপতি ! সেনাপতি !  
 এখনো নীরব তুমি ?  
 তোমারি সম্মুখে বন্দি  
 করিল আমারে মণিপুররাজ—  
 আর তুমি তাহা হেরিতেছ নীরব নগনে ?  
 কই—কই তব কৃতজ্ঞতা—  
 কই তব প্রভুভক্তি জাতির কর্তব্য ।

কর্কট ।      কি করিব মহারাজ !  
 আমি যে দুর্বল,  
 শক্তি কোথা মোর ?

চিত্রভানু ।      হাঃ-হাঃ-হাঃ !  
 আরে আরে হীনবুদ্ধি নাগেশ্বর !  
 আমার শিবিরে আসি  
 কর মোর অপমান ।  
 নাগসেনাপতি ! এস সখা !  
 ধর মোর প্রেম আলিঙ্গন । [ আলিঙ্গন ]  
 এইবার কাড়ি লও রাজার মুকুট—  
 হও তুমি অধীশ্বর এ রাজ্যের ।

রামভদ্র ।      চালাকি—চালাকি !  
 আরে আরে হীনমতি বৃদ্ধাস্বর !

বজ্র—বজ্র ! হানি বজ্র এইবার  
ঘটাই প্রলয় ।  
কৌরব্য । সেনাপতি ! বিশ্বাসঘাতক !  
শক্রসনে বড়যন্ত্র করি  
স্তোক বাক্যে ভূলায়ে আমারে  
ল'য়ে এসে হেথা  
চমৎকার কৃতজ্ঞতা দেখালে পিশাচ !  
তুচ্ছ রাজ্য হেতু হেন প্রবঞ্চনা ?  
ওঃ ! ওঃ !  
এ যে হায় ধারণা অতীত ।  
পুলকসম সবতনে পাগিনু যাহারে—  
যাহারে বিশ্বাস করি  
রাজ্যভার তুলে দিহু করে,  
তার এই ষোগ্য পুরস্কার ।  
ওরে অকৃতজ্ঞ স্বার্থপর !  
এত পাপ লুক্কায়িত  
ছিল তোর অন্তর মাঝারে ?

গীতকণ্ঠে দৈবের প্রবেশ ।

গীত ।

দৈব ।—

এইতো কালের হ্রয় বিচার ।  
ভাববে যারে আপন তুমি  
সেই বসাবে গলায় ছুরি বারে বার ॥

বেইমানের হয় ধর্ম বাহা,  
করেছে তো পালন তাহা,  
এখন কাঁদলে কোন কল হবে না  
সহিতে হবে সকল ভার ।

[ প্রস্থান ।

কৌরব্য । সত্য—সত্য কথা হয় ইহা  
কালের বিচার ।  
ভেবেছিলাম এতদিন আপন যাহারে  
সেই আজি শাসিত ছুরিকা  
হানিল বক্ষেতে ।  
ওরে পাপী !  
এইভাবে শঠতায় জয়ী হ'য়ে তুই  
কত সুখভোগ করিবি ধরায় ?  
ধ্বংস—ধ্বংস হবি তুই,  
দেবতার থাকে যদি মহিমা বিচার ।

চিত্রভানু । রক্ষী—ল'য়ে যাও নাগরাজে  
শিবির কারায় । বন্ধুবর !  
ধর বন্ধুত্বের বিনিময় রাজার মুকুট ।

[ নাগরাজার মস্তক হইতে মুকুট লইয়া কর্কটনাগকে পরাইয়া দিল ]

কর্কট । ধন্য তব অকৃত্রিম বন্ধুত্বের বিনিময় !

[ রক্ষী নাগরাজকে লইয়া গেল ]

রামভদ্র । চালাকি ! যাই—আমিও এইবার একটি সুন্দরীকে  
সন্ধান করিগে । আহা ! আমি কি আর শুধু হাতেই যাই, এমন  
নিতবর আমি ।

[ প্রস্থান ।

ভদ্রার্জুন

[ দ্বিতীয় অঙ্ক ।

চিত্রভানু

প্রতিশোধ—প্রতিশোধ—

চমৎকার প্রতিশোধ ।

এস সখা ! হবে আজি

শিবিরে আমার বিজয়ের

আনন্দ উৎসব । হাঃ-হাঃ-হাঃ !

[ উভয়ের প্রস্থান ।



## তৃতীয় অঙ্ক ।

### প্রথম দৃশ্য ।

মণিপুর পল্লীপথ ।

[ নেপথ্যে । বর পালালো—বর পালালো । ধব্—ধব্ ! ]

দুইজন পল্লীবাসীর প্রবেশ ।

১ম পল্লীবাসী । ব্যাপার কি দাদা—ব্যাপার কি ?

২য় পল্লীবাসী । আবে মজা হ'য়েছে ভায়া ! ছিদামমুচির মেয়ের  
বিয়ে ছিল যে আজ ।

১ম পল্লীবাসী । হুঁ হুঁ । ব্যাপার কি ?

২য় পল্লীবাসী । বিয়ের পিঁড়িতে ব'সে টাকাকড়ি নিয়ে কি  
গুণ্ডগোল হয়, ক্রমেই বরকর্তার সঙ্গে হাতাহাতি হবার উপক্রম ।  
বরকর্তা তখন পাত্রকে উঠিয়ে নিয়ে চম্পট দিলে । এদিকে ছিদাম  
ব্যাটা-তো ভারী বিপদে পড়লো, কি করে তখন—লোকজন পাঠিয়ে  
দিলে অন্ততঃ বরকে ধ'রে আনতে, তাই বরকে ধরবার জন্তে লোক সব  
ছুটেছে ।

১ম পল্লীবাসী । তাইতো, ব্যাপার তো বড় মন্দ নয় । চল—চল  
দেখিগে চল । [ উভয়ের প্রস্থান ।

দ্রুত হাঁপাইতে হাঁপাইতে বরবেশী রামভদ্রের প্রবেশ ।

রামভদ্র । ওরে বাবারে—গেছিরে গেছিরে, নাগরাজ্য হ'তে ফিরে  
আসতে আসতে একি বিপদে পড়লাম রে ! বর পালালো—বর পালালো,

ধর্ ধর্ ব'লে একদল লোক আমার পেছু পেছু তাড়া ক'রে আসছে ।  
কাদের বর পালিয়ে গেছে জানিনে, আমার বর বলে মনে ক'রেছে ।  
একি বিপদ রে ! যতই বলছি আমি নই—আমি নই, ততই ব্যাটারা  
ধর্ ধর্ ক'রে ছুটে আসছে । ওরে বাবারে—একি শুকনো বিপদরে !  
ব্যাটারা আর ধরতে পারবে না, একটু জিরিয়ে নিই । কি রকম  
হাঁপিয়ে গেছি বাবা ! [ উপবেশন ] আঃ ! সুন্দরীও পেলাম না,  
মহারাজের সঙ্গে আসতে পারলাম না । মহারাজ বললে কিনা রথে  
তোমার জায়গা হবে না, তুমি হেঁটে হেঁটে এস । আচ্ছা কালের  
ধর্ম বাবা !

কন্যাযাত্রীগণ । [ নেপথ্যে ] ওই বর—ওই বর । ধর্—ধর্—  
রামভদ্র । ঝ্যা ! ব্যাটারা এখনো পেছু ছাড়েনি । তাই তো,  
কি করি এখন । আচ্ছা আচ্ছা, ব্যাটারা কি করে দেখাই যাক্ না  
কেন, আর ছুটতে পারবো না । শেষকালে কি হোঁচট খেয়ে মরবো ।

### কন্যাযাত্রীগণের প্রবেশ ।

সকলে । এই যে—এই যে বর ।

[ রামভদ্রকে ধরিয়া ফেলিল ]

রামভদ্র । দোহাই বাবারা—ছেড়ে দাও বাবারা, আমি তোমাদের  
বর নই—তোমরা কাকে বর বলছো ?

সকলে । চলো—চলো ধ'রে নিয়ে চলো । আমরা জোর ক'রে বিয়ে  
দিয়ে দেবো, মেয়ের তো জাতরক্ষে হবে । আমরা মুচি ব'লে কি  
আমাদের সমাজ নেই ।

রামভদ্র । [ স্বগতঃ ] মুচি ! হরি-হরি ! মুচির মেয়ের সঙ্গে বিয়ে  
হবে কি ? [ প্রকাশ্যে ] ছেড়ে দাও বাবা ! আমি তোমাদের বর  
নই বাবা, আমি যে বাবুন বাবা !

সকলে । আর চালাকি করতে হবে না । চন্ চন্—নিরে চন্ ।  
রামভদ্র । দোহাই বাবা—ছেড়ে দাও বাবা ! আমি খাঁটি  
বামুনের ছেলে বাবা ।

[ রামভদ্রকে টানিতে টানিতে সকলের প্রস্থান ।

## দ্বিতীয় দৃশ্য :

অরণ্যমধ্যস্থ কালীমন্দির ।

চন্দ্রমণি, অনিন্দ্য, বৈষ্ণব ও কন্দর্পকে লইয়া  
দুর্মদাসুরের প্রবেশ ।

দুর্মদ । এইবার তোমাদের একে একে  
মহাকালীর সন্মুখেতে দিব বলিদান ।  
কিন্তু করহ শপথ যদি  
কৃষ্ণ নাম—কৃষ্ণ পূজা—  
করিবে না জীবনে কখনো,  
তাহ'লে ছাড়িতে পারি এবারের মত ;  
নতুবা নাহিক ত্রাণ তোমাদের আজি ।  
কহ—কহ কৃষ্ণ ভক্তগণ !

কন্দর্প । আমাদের এক কথা অনুচর মশায় ! আমরা কৃষ্ণনাম-  
কৃষ্ণপূজা জীবনে ভুলবো না ।

গীত ।

বাবাজী, অনিন্দ্য ।—

আমরা সে নাম নারিব ভুলিতে,  
 নারিব ভুলিতে পূজাটি তাঁব ।  
 যদি বা বিশ্ব প্রলয়েতে ডোবে  
 তবু মোরা তারে করিব সাব ॥  
 সে যে ভবভয়হারি নারায়ণ,  
 সে যে ককণা নিদান জনার্দন,  
 তাঁব নামগুণে তাঁহাবি ধেরানে  
 ভব জলধি হইবে পার ॥

দুর্শদা ।      এত স্পর্ধা—এত স্পর্ধা !  
 দেখ তবে কি দুর্গতি হয় তোমাদেব ।  
 শোন নারী ! তুমি যদি  
 নাহি কর আদেশ পালন,  
 তাহ'লে তোমারে আমি  
 বসাইব বামপার্শ্বে মম ।

চন্দ্রমণি ।      কি—কি कहিলি নারকী দুর্বার !  
 সতীর সন্তীত নাশ করিতে প্রয়াস ?  
 ভেবেছিস্ অধর্ম্মে আশ্রয় করি  
 হবি তুই জয়ী এ সংসারে ?  
 তাই কি সম্ভব ?  
 তাহা যদি হইত সম্ভব  
 তাহ'লে নারকী—মরিত না কংস কড়  
 শ্রীকৃষ্ণের করে ।

হৃদয়দা ।

বোঝা যাবে—বোঝা যাবে,  
কৃষ্ণের ক্ষমতা কত ।  
যুগকাষ্ঠে দাও তিনজনে শির পাতি  
বলিদান দিয়া তোমাদের,  
সুন্দরীরে ল'য়ে যাবো প্রেমরাজ্যে মোর ;  
চিত্ত মোর করিতে সরস ।

কন্দর্প ।

সাবধান ছুরাচার !  
হেন বাণী উচ্চারণ করিও না মুখে ।  
থাকিতে সন্তান হেথা,  
কোন্ মুখে ক'ন্ ওই কথা ।  
এখনি সিংহের মত ঝাঁপিয়ে পড়িয়া  
উপাড়ি ফেলিব তোর ও পাপ রসনা,  
বাসনার ক'রে দিব শেষ ।

হৃদয়দা ।

দাও—দাও শির পাতি ।

কন্দর্প ।

কখনই না—কখনই না ।  
নাহি দিব শির পাতি—  
যদিও আমরা আজি সহায় বিহীন ।  
মা ! মা ! সত্যই কি রক্ত চাস্ তুই ?  
ওগো দেবী ! সন্তানের রক্তপানে  
একি তোর উৎকট পিয়াস ?  
জননীর একি পুত্রস্নেহ ?  
থাকে যদি পুত্রস্নেহ অন্তরে মা তোর—  
তবে বিপন্ন সন্তানগণে করিতে উদ্ধার  
ধেয়ে আর ঘূর্ণাসম দানবের সম্মুখেতে

রক্তপান কর মা তাহার,  
সার্থক কর মা তোর দমুজদলনী নাম ।

হুর্ষদ । আরে আরে—স্পর্ধিত যুবক !  
দেখ তবে—কিভাবে হুর্ষদাসুর  
করে তার প্রতিজ্ঞা পূরণ ।  
দ্বিখণ্ডিত করি তোমাদের—  
তারপর কেনো নারী  
তোমার সতীত্ব নাশ করিবে হুর্ষদ ।

কন্দর্প । থাকে যদি শ্রীকৃষ্ণের নামের মাহাত্ম্য—  
কি করিবে তুমি রে হুর্ষতি ?  
অন্তর্ধ্যামী ভগবান কৃষ্ণ নারায়ণ  
আপনি স্বয়ং আসি  
ভক্তে তাঁর করিবে উদ্ধার ।

হুর্ষদ । হাঃ-হাঃ-হাঃ ! নাহি কোন  
শ্রীকৃষ্ণের নামের মাহাত্ম্য  
সংসার মাঝারে ।

সাত্যকীর প্রবেশ ।

সাত্যকী । শ্রীকৃষ্ণের নামের মাহাত্ম্য নাহিক সংসারে,  
কোন্ মুর্থ কহে এই নীতিহীন বাণী ?

হুর্ষদ । কেবা তুমি কৃষ্ণভক্ত ?

সাত্যকী । কৃষ্ণের সেবক আমি,  
সাত্যকী আমার নাম—  
ষট্‌বংশে জনম আমার ।

দুর্শদ ।

ও,—তুমি সেই ভারবাহী  
গোপের নন্দন কৃষ্ণের সেবক ?  
তাই গর্ভভরে দাও তব আত্ম পরিচয় ?  
ধিক্ ধিক্—শত ধিক্ তোমাতে পামর ।  
কোন্ মুখে ওই কথা কহিতেছ  
ঘৃণা নাহি হয় ?

সাত্যকী ।

আরে আরে—কেবা তুমি  
কৃষ্ণদেবী দুর্কার দুর্শতি !  
কৃষ্ণান্দা করিতেছ  
কোন্ দুঃসাহসের বশে ?  
প্রাণেতে নাহিক হয় ভয়ের সঞ্চার ?  
দাও তব পরিচয়—  
নতুবা এ শাপিত কৃপাণে  
শিরশ্ছেদ করিব তোমার ।

দুর্শদ ।

স্তব্ধ হও ঘৃণিত অধম !  
দর্প তব করিব বিচূর্ণ  
বীরশ্রেষ্ঠ কংস অনুচর দুর্শদ অম্বর,  
নামে যার কাঁপে চরাচর ।

সাত্যকী ।

তুমি সেই কংস অনুচর ?  
ভাল—ভাল, সৌভাগ্য আশার  
তাই তব সনে হইল সাক্ষাৎ ।  
কেন এই নিবীড় অরণ্যে  
মহাকালী মন্দির প্রাঙ্গণে এনেছ এদের ?  
মনে হয় কৃষ্ণভক্ত এরা,

তাই ইহাদের দণ্ড দিতে হ'য়েছ উত্তত  
আনিয়া হেথায় । কহ ভদ্র !

কেন হেথা এসেছ তোমরা ?

কন্দৰ্প ।

কৃষ্ণপূজা করি ব'লে

পাপিষ্ঠ অম্বুর

বন্দি করি এনেছে হেথায়

বলিদান দিতে আমাদের—

আর এই জননীৰ হৰিতে মৰ্য্যাদা ।

সাত্যকী ।

ওরে পাপী !

একি তোৰ স্বেচ্ছাচার ?

ভেক হ'য়ে সিংহ সহ বিবাদে প্ৰয়াস ?

দূৰ হ'—দূৰ হ' এখন হইতে—

নতুবা বধিব তোরে একটি পলকে ।

দুৰ্ম্মদ ।

আয় তবে হীনমতি গোপের সেবক,

কেবা কার বধে প্ৰাণ আজি ।

[ উভয়ের যুদ্ধ, দুৰ্ম্মদ অচৈতন্য হইয়া ভূতলে পতিত হইল ]

সাত্যকী ।

আয়, হুট্ট এইবার !

ডাক্ তোৰ গতাযুঃ প্ৰভূরে । [ বধিতে উত্তত ]

দুৰ্ম্মদ ।

কমা কর—কমা কর মোরে ।

সাত্যকী ।

কমা ? না না—কৃষ্ণৰ্ষেণীজনে

কমা না করিবে কভু

কৃষ্ণের সেবক এ বীর সাত্যকী ।

[ বধিতে উত্তত ]

দুৰ্ম্মদ ।

রক্ষা কর প্ৰাণ—রক্ষা কর প্ৰাণ !



চক্রমণি । ক্ষমা কর বীরবর দুর্নতি অসুরে ।  
 যদিও ভুলের বশে ক'রেছে অশ্রায়—  
 ক্ষমা ভিক্ষা মাগিছে যখন  
 ক্ষমা করা বীরত্বের রীতি ।

সাত্যকী । তাই হোক মাতা ! ওরে দুষ্ট !  
 মায়ের রূপায় কেঁচে গেলি তুই ।  
 এস মাতা—এস ভদ্রেশ্বর !  
 সাথে করি ল'য়ে যাব তোমা সবে  
 প্রভুর নিকট ।

চক্রমণি । ধন্য হবে জীবন মোদের  
 ভগবানে করিয়া দর্শন ।  
 চল পুত্র ! প্রাণে বড় আগিছে আনন্দ ।

সাত্যকী । এস সবে ।

[ দুর্নদ ব্যতীত সকলের প্রস্থান ।

দুর্নদ । পরাজয়—পরাজয় হইল আমার ।  
 আচ্ছা—আচ্ছা দেখিব আবার,  
 প্রতিশোধ করিব গ্রহণ ।  
 যাই এবে সেই অর্থ তরে,  
 যে কোন উপায়ে সেই অর্থ  
 হইবে লভিতে ।  
 তারপর—তারপর—

[ প্রস্থান ।

## তৃতীয় দৃশ্য :

বৈতরক পর্বত—প্রমোদ উদ্যান ।

সুভদ্রা আসীনা, সখীগণ গাহিতেছিল ।

গীত ।

সখীগণ ।—

সখি ! মনটা কেন ভার ।

আসেনি কি প্রাণের বঁয়ু

তাই জাগছে প্রাণে হাহাকার ॥

আসবে কেন মে,

তুই যদি না ফুটিস্ হেসে,

তবে কোন্ সুখে মে আসবে হেথায়

লজ্জা হবে তার ॥

তুই ফুট'বি যখন রূপ ছড়িয়ে,

আসবে বঁধু গুন্‌গুনিতে,

বুকের আগুন নিভবে তখন

ঘুচে সকল হাহাকার ॥

সুভদ্রা । তোরা ভারি দুষ্ট্ৰ ! এখন যা তোরা ।

সকলে । ওমা, কেন গো—কেন ? আমাদের অপরাধ কি গো ?

সুভদ্রা । তোরা সবসময় আমার নিরে রঙ্গ করিস্ ।

১ম সখি । চ' ভাই চ' ! সখি এখন বিরহে আছে ।

২য় সখি । আহা ! বিরহ তো হবারি কথা । যৌবন এখন  
কানার কানার—এখনো নাগর হ'লো না । একি কম লজ্জা ভাই !

তৃতীয় দৃশ্য । ]

ভদ্রাভূন

আর—আর, সখির নাগর যখন আসবে—তখন আমরা বাসর জাগাতে আসবো ।

[ সখিগণের প্রস্থান ।

সুভদ্রা । সত্যই প্রাণের ভেতর যেন সর্বদা আগুন জ্বলে ।  
বলাই দাদা আমার বিয়ে হস্তিনাপতি মহারাজ ছর্যোধনের সঙ্গে ঠিক  
করেছেন । কিন্তু—

গীত ।

সুভদ্রা ।—

স্বপনে দেখেছি আমি যারে  
পাবো কি তারে ওগো হৃদয় মাঝে ।  
মম কুণ্ডল বিতানে অহরহ তার  
মধুর মুরলী বাজে ॥  
নিশীথ রাতে দেখা দিয়ে যার,  
জাগে শিহরণ আমারি হিয়ার,  
জানি না কখন দেখা দেবে সে  
মদনমোহন সাজে ॥

সত্যভামার প্রবেশ ।

সত্যভামা । সুভদ্রে—সুভদ্রে !  
একাকিনী কেন হেথা বিরস বদনে ?  
কহ য়োন্ ! কি হইল তব—  
যাহে ত্রিয়মানা প্রফুল্ল-বদনী ?  
সুভদ্রা । হয় নাই কিছু দিদি !  
নিরালায় বসি হেরিতেছি  
প্রকৃতির অপার সৌন্দর্য্য ।

সত্যভামা ।

না—না—

কেন লো গোপন করিদ্ সুভদ্রা ?  
বুঝিয়াছি কিবা ব্যথা তোব  
অস্তুরে হয়েছে ।

ভয় কি লো বোন্ !

ফুটিয়া উঠিলে ফুল,

মধুকর আপনি আসিবে ।

সুভদ্রা ।

দিদি ! ফিরিল কি দাদা

মৃগয়া হইতে ?

সত্যভামা ।

না—না, দিনমণি অস্তাচলে যায়—

নিশীথিনী আসে ধীরে ধীরে ।

প্রাতঃকালে মৃগয়ার গেছেন কেশব

এখনো ফেরেনি ভাই—

তাই আমি হ'তেছি চিন্তিত ।

প্রভাতে যাবার কালে কহিলেন মোরে

সাগ্রাহে আমি ফিরিব নিশ্চিত ;

কি কারণ হতেছে বিলম্ব

ভাবিতেছি তাই—

ঘটিল কি বনমাঝে কোন পরমাদ ?

সুভদ্রা ।

অমঙ্গল কেন ভাবো দিদি ?

এখনি আসিবে দাদা,

আজি তাঁহারি আদেশে

বৈতরকে মহোৎসব—

আনন্দেতে মত্ত যতুকুল ।

আজি এ উৎসব রাতে ছাড়ি আমাদের  
তিনি কি লো পারেন থাকিতে ?

সত্যভামা।

সত্যি কথা বোন্ !

কিন্তু এ বিচিত্র সংসার ।

স্বার্থ—হিংসা—দ্বेष—প্রতারণা

সর্বদা হেথায় করিছে বিহার ।

কর্ম্মগুণে যেবা বড় হয় এ সংসারে

নীচ যারা সর্বদাই করে হিংসা তারা

পদে পদে করে শক্রতা তাহার ।

বহুপতি সর্বগুণে শ্রেষ্ঠ এ ধরায়,

তাই শক্র তাঁর অগণিত,

তাই বোন্ নিরবধি

হইতেছি চিন্তায় আকুল ।

সুভদ্রা

হলধর অগ্রজ যাহার,

সখা যার বীর ধনঞ্জয়,

নিজে য়েবা মহাশক্তিধর—

তার সনে শক্রতা সাধিয়া

কেবা হবে জয়ী ?

সত্যভামা ।

আরও এক কথা বোন !

ভকত বৎসল তিনি,

চিরদিন ভক্তের হৃদয়ে

ভক্তিডোরে পড়েন যে বাঁধা ।

যুগে যুগে ভক্ত হেতু অবতার তাঁর,

পাছে যদি কোন ভক্ত বেঁধে রাখে তাঁকে

তাহ'লে কি হবে উপায় বোন  
ভাবিয়া না পাই,  
পাছে যদি হারাই তাঁহাবে ?

[ নেপথ্যে তুর্য্যধ্বনি ]

সুভদ্রা ।

ওই হয় তুর্য্যধ্বনি,  
এলো বৃষ্টি বহুপতি মৃগয়া হইতে ।  
চল দিদি হেরিতে তাঁহারে ।

[ উভয়েব প্রস্থান ।

## চতুর্থ দৃশ্য ।

কারাগার ।

কৌরব্যাগ ও উলূপী ।

উলূপী । বাবা !

কৌরব্যা । কেন মা ?

উলূপী । আর কতদিন এভাবে অসহ্য কারাবন্দনা আমরা ভোগ করবো বাবা ? আর কতদিন এমনিভাবে অনশনে দিন যাপন করতে হবে ? উঃ ! কি নির্ধুর মণিপুররাজ, একটু দয়ামায়া নেই ।

কৌরব্যা । সমস্তই আমার ভাগ্যের দোষ মা ! মণিপুররাজের কোনই দোষ নেই ; কিন্তু—কি বিশ্বাসঘাতক সেই সেনাপতি কর্কট । শোকবাক্যে আমার সঙ্গে শঠতা ক'রে মণিপুররাজের শিবিরে নিরে গিয়ে—উঃ ! কি শরতান সে—রাজ্যলাভের অর্থে কি ভীষণ কূটকৌশল জ্ঞান । যদি কখনো দেবতার কৃপায় মুক্তিলাভ করতে পারি, তাহ'লে

সেই বিশ্বাসঘাতককে এমনভাবে শিক্ষা দেবো, যাতে জগতের আর কেউ কখনো বেইমানি করতে সাহসি হবে না ।

উলূপী । সেতো পরের কথা বাবা ! আগে বেঁচে ওঠ—তারপর কৰ্কটের শাস্তি । অনাহারে থেকে কতদিন বাঁচবে ? মুক্তিরই বা আশা কই ? এমন সুন্দর তো কাউকে দেখতে পাইনে । [ দীর্ঘশ্বাস ত্যাগ করতঃ ] একজন আছে—তবে সেতো সংবাদ জানে না ।

কৌরব্য । অর্জুনের কথা বলছিস্ তো মা ? ওরে—সে যে পরের ছেলে, তার সঙ্গে আর সম্বন্ধ কি ? সেইকালেই উলূপী আমি গররাজি হ'য়েছিলাম তার সঙ্গে তোমার বিবাহ দিতে । আমরা নাগজাত, আমাদের সঙ্গে কি সুসভ্য জাতের খাপ খায় । তখন তুই গুলিনে—বাধ্য হ'য়ে তার সঙ্গে তোমার বিবাহ দিতে হ'লো । সেদিন যদি মণিপুররাজের সঙ্গে তোমার বিবাহ দিতাম—তাহ'লে আজ আমার এ দুর্দশা হতো না—তোমাকেও আর এ জালা সহিতে হতো না । আর একটা বিশ্বাস-ঘাতকও নাগরাজের অধীশ্বর হতো না । যাক্, যা হবার হোক । বাঁচি ভাল—না বাঁচি অন্তরের আশা অন্তরেই থেকে যাবে ।

উলূপী । বাবা ! আর ওকথা বলো না, আমি সহিতে পারবো না ।  
[ চক্ষে অশ্রু বারিল ]

কৌরব্য । কান্দছিস্ মা ? না—না আর বলবো না—আর বলবো না । তুই কান্দিস্ নে । তোমার কারণ দেখে আমিও যে অশ্রু সম্বরণ ক'রে রাখতে পারছিনে । সোনার প্রতিমা আমার দিন দিন গুণ্ডিরে যাচ্ছে । ওঃ ! ভগবান ! তোমার বিচার কি এই ?

রক্ষাবেশী অর্জুনের প্রবেশ ।

অর্জুন । ভগবানের বিচার ঠিকই আছে মহারাজ !

কৌরব্য । না রক্ষী, তুমি ভুল বলছো ! ভগবানের বিচার যদি ঠিক থাকতো—তাহ'লে আমরা পিতা পুত্রীতে এই অসহ্য কারাবন্ধন ভোগ করতাম না । কই রক্ষী, ভগবান তাঁর সুবিচার দেখাচ্ছেন কৈ ?

অর্জুন । সময় না হ'লে কখনো তাঁর বিচার চাতুর্য্য কুটে ওঠেনা মহারাজ ! আর মানুষকে দুর্ভাগ্যের খাতায় ফেলে তিনি পরীক্ষা ক'রে নেন—কে তাঁর ভক্ত—কে তাঁর পুজারি । সে সময় মানুষ যদি অধৈর্য্য হ'য়ে ভগবানের নামে দোষারোপ করে—তাঁকে ডাকতে ভুলে যায়—তখন তিনিও তাঁর কাছ থেকে বহুদূরে চলে যান, কিন্তু যে ভোলে না—দুর্ভাগ্যের কঠোর নিষ্পেষণে যার কামনার অর্ঘ্য তাঁর শ্রীপাদপদ্মে পতিত হয়—তখন প্রভাত সূর্য্যের রক্তিম আভার ধীরে ধীরে কুটে তাঁর অপার মহিমারাশি ।

কৌরব্য । ক্ষুদ্রপ্রাণ মানুষ কতক্ষণ তার ধৈর্য্যের বাঁধ বেঁধে রাখতে পারে রক্ষী ? দিনের পর দিন বতই চ'লে যাচ্ছে—নিরাশা যে ততই হৃদয়-আকাশ ঘিরে দাঁড়াচ্ছে । বিশ্বাস—মনের বল—দৃঢ়তা যে আর রাখতে পারছেন ।

উলূপী । [ স্বগতঃ ] কে ওই রক্ষী ? কণ্ঠস্বব যেন ছুদিনের চেনা চেনা । ওকে দেখে যে প্রাণের মাঝে একি শিহরণ জেগে উঠছে—কি যেন এক উন্মাদ আকর্ষণ আন্ডার ওর কাছে টেনে নিরে যেতে যাচ্ছে । যেন তার সেই সোহাগ-অড়িত কণ্ঠস্বরের মত । তবে কি—না না—একি ভুল ধারণা আমি করছি । আমি কি স্বপ্ন দেখছি ।

অর্জুন । মহারাজ ! আপনি ভাববেন না, আপনার প্রাণের একাগ্রতার আহ্বান যদি সত্যের হয়—মর্ষের হয়—তাহ'লে আপনারও দুঃখের শেষ হ'য়ে এসেছে । ধরুন, আপনাদের জন্তে আমি আহাৰ্য্য এনেছি । আপনারা আজ তিনদিন হ'লো উপবাসী আছেন ।



কোরব্য । রক্ষী ! তোমার এত দয়া ? সত্যই কি তুমি রক্ষী—না রক্ষীর আকারে কোন ছদ্মবেশী দেবতা । ভেবেছিলাম এই মণিপুররাজ্যে প্রহরী-বেষ্টিত কারাগারে আমার কেউ সুহৃদ নেই—কিন্তু এখন দেখছি আছে—আছে—এখানেও আমার সুহৃদ আছে । উলূপী ! মা ! যখন এই বান্ধববিহীন কারাগারে সুহৃদ পেয়েছি তখন ভগবানেরও করুণা পাবো, আর ভাবিসনে । ঠিক বলেছ রক্ষী ! দুঃখ দিয়ে ভগবান চান তাঁর ভক্তের পরীক্ষা ।

উলূপী । [ স্বগতঃ ] প্রাণের মাঝে একি আন্দোলন । একি অজ্ঞাত হিল্লোল ! কে ও রক্ষী ? মনে হয় যেন গেই—না না—আবার কেন তার চিন্তা করছি ।

অর্জুন । আহাৰ্য্য ধরুন মহারাজ !

কোরব্য । তুমি এইভাবে আর কতদিন আমাদের আহাৰ্য্য দেবে রক্ষী ? মহারাজ জানতে পারলে হয়তো তোমারও জীবন বিপন্ন হবে ।

অর্জুন । আপনাদের ভয় নেই, তৃতীয় পাণ্ডব অর্জুনও এখানে এসে পড়েছে ।

কোরব্য । অর্জুন আমার এদেছে ? সেকি এ সংবাদ পেয়েছে ?

অর্জুন । পেয়েছে ; তীর্থ পর্য্যটন করতে করতে এখানে এসে শুন্তে পেয়েছে যে, নাগরাজ ও তাঁর কন্যা চিত্রভানু রাজার কারাগারে বন্দি আছে । শীঘ্রই মণিপুররাজের কবল হ'তে আপনাদের রক্ষা করবে । আপনারা এখন আহাৰ্য্য করুন । আমি এখন চললাম ।

[ আহাৰ্য্য রাখিরা প্রস্থান ]

কোরব্য । নে মা—শীঘ্র আহাৰ্য্য করে নে, প্রাণ বাঁচা । অর্জুন যখন এখানে এসে পড়েছে—তখন আর ভয় কি মা ! রক্ষী মিথ্যা বলেনি । ধর—[ উভয়ে আহাৰ্য্য করিল ]

কৌরব্য । আঃ ! এতক্ষণে বাঁচলাম ।

চিত্রভানুর প্রবেশ ।

চিত্রভানু । নাগব'জ !

কৌরব্য । মণিপুররাজ ! কিবা চাহ আর ?

চিত্রভানু । করিবে কি মম করে কণ্ঠাদান তব,

জানিবারে এসেছি আবার ।

কহ ত্বর—কতদিন অনাহারে

কারাগারে মরিবে পচিয়া ?

এখন ভাবিয়া দেখ

জীবনের শুভাশুভ তব ।

স্বৈচ্ছায় যদি না কণ্ঠা করহ প্রদান,

জেনো নাগরাজ !

হাসিতে হাসিতে তোমারি সম্মুখে

অর্দ্ধাঙ্গভাগিনী মোর করিব কণ্ঠারে তব,

শুনিব না কোন কথা তখন রাজন্ ।

কৌরব্য । অসম্ভব আশা ল'য়ে

কেন তুমি হয়েছে উন্মাদ ?

বারবার কহিতেছি

কর যত পীড়ন আমারে—

কিঞ্চিৎ মোর ছুহিতারে

তবু পিতা হ'য়ে

দ্বিচারিণী সাজাতে কণ্ঠারে

নারিব কখনো ।

রেখে দেছ অনাহারে—  
প্রতিদিন দেখাতেছ রক্তিম নয়ন,  
কতদিন এইভাবে মনোসাধ  
মিটাবে নির্মম ?

চিত্রভানু । মনোসাধ এখনো মেটেনি মোর ।  
যেইদিন কণ্ঠারে তোমার  
বামপার্শ্বে বসাবো মোহাগে—  
সেই দিন—সেই দিন মনোসাধ  
মিটিবে আমার ।

কৌরব্য । ওঃ ! ওঃ !  
একবার যদি মুক্তি পাই—  
তাহ'লে দেখাই  
বৃদ্ধ এ কৌরবানাগ কত শক্তি ধরে ।  
কি করিব কৌশলে করেছ বন্দি ;  
নচেৎ কি পরিত্রাণ থাকিত তোমার —  
নাগের পাতাল রাজ্যে  
হতো তব যবনিকাপাত ।

চিত্রভানু । হাঃ-হাঃ-হাঃ !  
বৃথা আশ্ফালন দেখাও রাজন্ ।  
ভাল—ভাল—আরো সপ্তাহকাল  
দিলাম সময়—  
তারপর দেখিতে পাইবে রাজ্য  
কি ভীষণ মুরতি আমার ।  
এই কে আছিস্—

রক্ষীর প্রবেশ ।

রক্ষী ! রক্ষী ! দুইজনে আজি হ'তে  
রেখে দিবি পৃথক গৃহেতে ।

[ প্রস্থান ।

কৌরব্য ।      উঃ ! ভগবান !

[ রক্ষীর উভয়কে লইয়া প্রস্থান ।

পঞ্চম দৃশ্য :

রামভদ্রের বাটা ।

বরাস্ত্রী ও ধনপতি ।

বরাস্ত্রী । হাঁ। রে ধনু ! মহারাজ কি এখনো নাগরাজ কুমারীকে  
বিয়ে ক'রে ফিরে আসেন নি ?

ধনপতি । এসেছে মা ! নাগরাজ কন্যার সঙ্গে তো মহারাজের বিয়ে  
হয়নি ।

বরাস্ত্রী । সে কিরে ! মহারাজ বে অত ঘটা ক'রে বিয়ে করতে  
গেলেন, আমাদের তিনও নিতবর সঙ্গে গেলেন, কি হলো রে ?

ধনপতি । নাগরাজ কন্যার বিয়ে তৃতীয় পাণ্ডব অর্জুনের সঙ্গে হ'য়ে  
গেছে । আমাদের মহারাজ সে সংবাদ জেনেও বিয়ে করতে গিয়েছিল ।  
তারপর মা, সেখানে গিয়ে বিয়ে না করতে পেরে নাগরাজ ও তার  
কন্যাকে বন্দি ক'রে নিয়ে এসেছে ।

বরাদ্দী । হ্যাঁ রে ধনু ! আমাদের ঠেঁনার কি হলো রে ? মহারাজ  
ফিরে এলেন—তিনি ফিরলেন না কেন ?

ধনপতি । কি ক'রে বলবো মা ! জানিস্ নে, বাবা কি রকম  
বদমাইস্ লোক । না ফেরতো একরকম ভালই হবে ।

বরাদ্দী । ঠাকুর কি হবে ?

ধনপতি । জলে ফেলে দিয়ে আসবো, ঠাকুরের কথা আর বলিস্ নে ।

বরাদ্দী । ছিঃ-ছিঃ ! ও কথা আর বলিস্ নে বাবা ! ওতে যে  
অকল্যাণ হবে, ওকথা কি বলতে আছে । তুই না হয় একবার কস্তার  
খোঁজ কর—না হয় মহারাজকে একবার জিজ্ঞেস ক'রে আয় ।

ধনপতি । বেশ বলেছিস । আমার দ্বারা ওসব হবে না বলে দিচ্ছি ।

বরাদ্দী । মানুষটা গেল কোথায় একবার খোঁজ নিবিনে ?

ধনপতি । চুলোয় থাক্ তোর মানুষ । নিতবর সেজে গেল কেন ?  
বুড়ো গিছোড় একটু আক্কেল হ'লো না—বর সেজে আবার টোপর মাথায়  
দিয়ে কি রকম বেশ ক'রে গেল । বুড়ো বয়সে খেয়াল মন্দ নয় । এইবার  
একবার এলে হয়—দেবো আচ্ছা ক'রে কুতুকে । বাবার-বাবার নাম  
ভুলিয়ে দেবো, সবতেই ধাষ্টপনা ।

বরাদ্দী । আমার রাগে গা বিষ্-বিষ্ করছে । বাড়ী ঢুকলে হয়,  
বুড়ো বাঁটা ঠিক ক'রে রেখেছি—পিঠ ভেঙ্গে দেবো—তবে আমার নাম  
বরি বামনী ।

ধনপতি । তবে আর তার খোঁজ করছিস্ কেন ?

বরাদ্দী । হাজার হোক—তার ওপর একটা মায়া আছে তো ?  
বাড়ীতে একটা কুকুর বেড়াল থাকলে তার ওপরও মায়া জন্মায় ।

ধনপতি । আর মায়ায় ফায়র কাজ নেই । আপদটা গেছে ভালই  
হ'য়েছে ।

[ নেপথ্যে—শঙ্খধ্বনি ও হনুধ্বনি ]

বরাদী । ও আবার কিরে ধনু ! দেখ্ দেখ্ কাদের কি হ'লো ।

ধনপতি । আচ্ছা দেখে আসি । [ দ্রুত প্রস্থান ।

বরাদী । হুপুন বেলায় আবার শাঁথ বেজে উঠলো কেন ? উলু উলু দিচ্ছে কেন ? আজ তো বিরে র দিন নয় ! কাদের আবার কি হলো । ছেলে হ'লে তো শাঁথই বাজে—উলুতো দেয় না । কি অনাছিষ্টি বাবা !

ছুটিতে ছুটিতে ধনপতির প্রবেশ ।

ধনপতি । মা ! মা !

বরাদী । কি হলো রে ?

ধনপতি । হিঃ-হিঃ-হিঃ !

বরাদী । ওরে অত হাসছিস্ কেন রে ?

ধনপতি । হিঃ-হিঃ-হিঃ !

বরাদী । কি হয়েছে রে ?

ধনপতি । বাবা বিরে ক'রে বোঁ নিয়ে আসছে । পাড়ার ছেলেরা শাঁথ বাজাতে বাজাতে—উলু দিতে দিতে আসছে ।

বরাদী । হ্যাঁ রে—সেকি রে ! তুই বলছিস্ কিরে ধনু !

ধনপতি । হ্যাঁ মা, সত্যি কথা । এয়া বোঁ ! এই এলো বলে । বাবা বিরে ক'রে বোঁ নিয়ে আসছে—আর আমার বিরে হ'লো না ।

বরাদী । [ বসিয়া পড়িয়া ] ওরে বাবারে ! আমার কপালে একি লেখন ছিল রে ! ওমা গো—দেখে যাও গো—আমার কি সর্বনাশ হ'লো গো ! [ ক্রন্দন ]

ধনপতি । ওগো, আমার বাবার বিরে হ'লো—আমার বিরে হ'লো না গো !

বরাদী । ওরে ধনু ! শিগ্গীর ক'রে আঁশ-বাঁটিটা আন্ তো রে, আজ বুড়োর মুণ্ডপাত ক'রে তবে ছাড়বো । ওগো মাগো—বুড়ো বরাসে আমার সতীন হ'লো গো ।

ধনপতি । আনি - আনি তবে আঁশ-বাঁটি ।

বরাদী । তুইও একটা তুহো দেখে লাঠী নিয়ে আর রে বাবা ! আজ মা ব্যাটাতে ঘোরাসুর বধ করবো রে ! ওরে বাবা রে—

ধনপতি । আনি—আনি—

[ দ্রুত প্রস্থান ।

বরাদী । বুড়ো মিন্বে আবার বিয়ে করলে রে—ওগো ! আমি সতীন নিয়ে কি ক'রে ঘর করবো গো ! ওগো বাবাগো—তুমি দেখে যাও গো—

লাঠী ও বাঁটি লইয়া ধনপতির প্রবেশ ।

ধনপতি । এই নে—এই নে মা বাঁটি । তুই ধর বাঁটি—আমি ধরি লাঠী ; হ'রে যাক্ আজ কাটাকাটি—কাটাকাটি ।

শঙ্খধ্বনি ও উলুধ্বনি করিতে করিতে বালকগণ সহ বরবেশী  
রামভদ্র বৌ লইয়া প্রবেশ করিল, বোটি এক  
চোখ কানা ও বাম পায়ে গোদ ।

রামভদ্র । অসভ্য ছোকরার দল—অসভ্য ছোকরার দল আমার নিয়ে কি করছে দেখ । ভাগো—ভাগো । বাপ, বাড়ীতে এসে প'ড়েছি । গিন্নী ! গিন্নী ! ওরে ধনু ! এই ফকুড়ে ছোঁড়াগুলোকে তাড়া তো ।

[ বালকগণের “ওরে বাবারে” বলিতে বলিতে পলায়ন ।

বরাসী । আর—আর ওরে ছরাচার ঘোরাসুর !

মুণ্ডপাত ক'রে দিই তোর ।

ধনপতি । এস—এস দুষ্ট নরকাসুর !

লাঠীর আঘাতে

মাথা তব করি ছাতুফাটা ।

রামভদ্র । র্যাঁ ! একি ! একি ! ও গিন্নী ! ওরে ধনু ! বরণ  
কর—বরণ কর, শাক্তমতে যেগুলো করতে হয়—সেইগুলো আগে ক'রে  
ফেল্ । গিন্নী ! তুমি যে দেখছি একবারে সর্ষমঙ্গলা সেজেছ । বলি,  
ব্যাপার কি ?

বরাসী । ওটা কে রে মিন্বে ?

রামভদ্র । আর ব'লো না গিন্নী দুঃখের কথা । ধর—ও এখন  
তোমার সতীন । তবে ভদ্র ঘরের মেয়ে—আচার-ব্যভার ভালই হবে ।

বরাসী । ওরে মিন্বে, মহারাজের সঙ্গে নিতবর সেজে গিয়ে শেষ  
কালে তুমি নিজে বিয়ে ক'রে এলে ? ওনা ! একটা মাগী—ঘোমটা  
নেই—কালো কুচকুচে । র্যাঁ ! তুমি ওকে বিয়ে ক'রে নিয়ে এলে ?

ধনপতি । দেখ মা—দেখ, মাগীটার এক চোখ আবার কাণা ।  
বা পাটা কি রকম গোদা—যেন ভীমের গদা ।

বরাসী । ওরে, তাইতো রে—একি মাগীর ছিরি রে । ওরে মিন্বে,  
তুই ওই মাগীকে কি ক'রে পছন্দ করলি রে ?

রামভদ্র । কি করবো গিন্নী ! আমি কি ইচ্ছে ক'রে বিয়ে  
ক'রেছি । মহারাজের সঙ্গে আসতে আসতে এই ব্যাপার ঘটে গেল ।  
একজনদের বিয়ের পিড়ি হ'তে বর পালাচ্ছিল, আমার তারা তাদের  
পালানো বর মনে ক'রে ধ'রে নিয়ে গিয়ে জোর ক'রে বিয়ে দিয়ে  
দিলে । বিয়ের পর পালিয়ে আসছিলাম ; কিন্তু এই সতীলক্ষ্মী আমার



জাপটে ধ'রে ফেলে বললে, আমার সঙ্গে ক'রে নিয়ে চল—তুমি আমার স্বামী—আমায় ফেলে কোথায় যাবে? কি করি—কিছুতেই ছাড়লে না, তাই বাধা হ'য়ে সঙ্গে ক'রে নিয়ে আসতে হ'লো। চোখ—পা—দিনকতক ভাল ভাল ওষুদ খেলেই সেরে যাবে।

নূতন-বৌ। না ঠাকুরমশাই! কোন ওষুদতেই সারেনি, অনেক অষুদ খেয়েছি কিছুতেই সারেনি। বাবা আমার ঢোল বাজিয়ে বা পয়সা উপায় ক'রেছিল, সব আমার জন্ত খরচ হ'য়ে গেছে।

রামভদ্র। র্যাঁ! র্যাঁ!

বরাদ্দী। র্যাঁ! ওর বাবা ঢোল বাজা তো কি গো?

নূতন-বৌ। আমরা মুচী কি না?

বরাদ্দী। ওরে বাবারে—একি শুন্ছি রে—মুচির মেয়ে যে রে। হার-হার-হার! এইবার জাতজন্ম সব গেল। ওরে মিসে, তুই কি ক'রেছিস্ রে? মেয়েও দেখলিনে—জাতও দেখলিনে, এক কাণাচোখি—গোদওলীকে—মুচির মেয়েকে বিয়ে ক'রে নিয়ে এলি রে!

ধনপতি। ভালই হয়েছে মা! আমাদের কালীপূজোর সময় বাবার খণ্ডর এসে ঢাক বাজিয়ে যাবে, পয়সা-কড়ি আর লাগবে না।

রামভদ্র। র্যাঁ! মুচির মেয়ে? গোলমালে সব ভুল হ'য়ে গেছে তো। যাক্—যাক্, গঙ্গাজল গোবর দিয়ে শুদ্ধ ক'রে নিলেই চলবে।

বরাদ্দী। ধর—ধর ধর, লাঠী ধর—আমিও বঁটা ধরি; আচ্ছা ক'রে ছটোকে সায়েস্তা ক'রে দিই আর।

নূতন-বৌ। ওগো মাগো! আর আমার বায়ুন বরে কাজ নেই গো!

[ পলায়ন। ]

বরাদ্দী। ধর—ধর হারামজাদিকে। এইবার আর—আর পাপাধম ঘোরামুর! তাকে ধও-বিধও করি আর।

ধনপতি । চালাও—চালাও, তবে লাঠী চালাও । বন্-বন্-বন্—  
আরে আরে হীনমতি নরকাসুর । [ লাঠী ঘুরাইতে লাগিল ।

রামভদ্র । দেখিস্—দেখিস্ বাবা, যেন চোখে মুখে লাগে না ।

বরাদ্দী । ধর্ ধর্—বুড়োর হাত ধব্, আজ ছ'জনে মিলে আরম্ভ  
করি আর । [ উভয়ে রামভদ্রের দুই হাত ধরিল ]

কাটি—কাটি তবে ছুটে ঘোরাসুর ।

ধনপতি । ফাটাই—ফাটাই মাথা ছুটে নরকাসুর ।

রামভদ্র । ওরে বাবারে—বাড়ী এসে একি বিপদে পড়লাম রে !  
ছেড়ে দাও গিল্লী—ছেড়ে দাও, ছেড়ে দে—ছেড়ে বে ধনু ! ক'দিন  
থেকে এইরকম আমায় যমে মানুষে টানাটানি কব্ছে ।

বরাদ্দী । সংহার—সংহার !

ধনপতি । পগারপার—পগারপার ।

বরাদ্দী । চল্—চল্ ছুটে !

পরিত্রাণ নাহি আজি তোর,

থণ্ড থণ্ড হবি তুই আজ ।

ধনপতি । ছাতু—ছাতু,

একদম ছাতু করিব তোমার

তবেই মোর কাজ ।

রামভদ্র । ওরে বাবারে ! অমন সুনন্দরী, মুচির মেয়ে হ'লো রে ।

[ রামভদ্রকে লইয়া উভয়ের প্রস্থান ।

## ষষ্ঠ দৃশ্য :

প্রমোদকক্ষ ।

চিত্রভানু ও জনৈকা নর্তকী ।

[ নর্তকী নৃত্য করতঃ পুষ্পপালকে অর্ধ-শায়িত চিত্রভানুকে সুরা  
দিত্তেছিল, চিত্রভানু মাঝে মাঝে হর্ষধ্বনি করিতেছিল ]

[ সুরাপান করাইয়া নর্তকীর প্রস্থান ।

চিত্রভানু ।

আঃ ! সুরাপানে উন্মাদনা জাগিল প্রচুর,

দূর হ'লো ক্লাস্তি অবসাদ ।

আজি সেই অলোক-লাবণ্যময়ী

উলুপী সুন্দরী সহ

হবে মোর হৃদি বিনিময় ;

দেখি সেই বৃদ্ধ রাজা

কি করিতে পারে মোর ।

রক্ষী ! রক্ষী !

নিরে আয় নাগরাজে—

আর কণ্ঠারে তাহার ।

হাঃ-হাঃ-হাঃ !

প্রত্যাখ্যান—অপমান

করেছিলে মোর নাগের ঈশ্বর,

আজি লবো তার পূর্ণ প্রতিশোধ ।

হাঃ-হাঃ-হাঃ !

নিরে আয়—নিরে আয়—

গীতকণ্ঠে দৈবের প্রবেশ ।

গীত ।

দৈব ।—

তোমার আশার মুখে পড়বে ছাই ।  
মনের আশা থাকবে মনে  
সব যে তোমার হবে বৃথাই ।  
ছুরাশা হয় না পুরণ,  
এখনো হও সচেতন,  
যাবা অহঙ্কারে আপন ভোলে  
হুপ কখনো তাদের নাই ।

[ প্রস্থান ]

চিত্রভানু । দেখি আজ কোন্‌জন  
আশাহত করিবে আমার ।  
এত শক্তি আছে কার ?  
আপন আরত্বে শত্রু,  
কিবা ভয় নিতে প্রতিশোধ ।  
কই রক্ষী, নিরে আর ফরা ।

বন্দী নাগরাজ ও উলূপীকে লইয়া রক্ষীর প্রবেশ ।

এই যে—এই যে—হাঃ-হাঃ হাঃ !  
নাগরাজ ! নাগরাজ !  
কতাদানে সম্মত কি অসম্মত  
কহ ফরা মোয়ে ।  
আজ আমি কিপ্ত করী—কুখিত শার্দূল,

শুনিব না কোন কথা ;  
নির্বিববাদে আশা মোর করিব পূরণ ।  
হয় যদি পাপ—কৃতি নাহি তার,  
যদি হই নিররগামী—তাহাও সুখের ;  
হবো না বঞ্চিত তবু  
সুন্দরীর প্রেমসুখা পানে ।

কৌরব্য ।

কহ—কি উত্তর করিয়াছ হির ?  
উত্তর নাহিক আর কণ্ঠেতে আমার ।  
যুক্তি যদি দিতে একবার,  
তাহ'লে উত্তর আমি দিতাম তোমার  
নাহি হ'তো তিলেক বিলম্ব ।

চিত্রভানু ।

কি উত্তর দিতে হে তখন ?

কৌরব্য ।

পদাঘাতে পাপ যুগু তব করিয়া বিচূর্ণ  
এ প্রশ্নের দানিতাম সহস্র ;  
কিন্তু বন্দী আমি—

সে ক্ষমতা নাহিক এখন ।

চিত্রভানু ।

সুক হও—সুক হও,  
দস্ত তবু করিব বিচূর্ণ ।  
দাঁড়াইয়া মরণের কূলে  
কেন মিছে দেখাও ঔকত্য—  
মিথ্যা বীরত্বের পরিচয় ?  
আজি তোমারি সম্মুখে যদি  
কঙ্কারে তোমার  
করি মোর অর্দ্ধাজ্ঞানিনী,

কি কবিত্তে পার তুমি মোর ?  
 শুন লো নাগের সূতা !  
 পিতা তব বয়স আধিক্যে হ'য়েছে বাতুল,  
 না হি কোন ভালমন্দ জ্ঞান ।  
 উপযুক্ত কত্যা তুমি,  
 ভেবে দেখ কি কর্তব্য তোমার এখন ?  
 আজ যদি তুমি  
 নাহি কব মোরে জীবন অর্পণ,  
 তাহ'লে সুন্দরী ! তোমারি সম্মুখে  
 শিবশ্ছেদ করিব পিতাব তব ।  
 পিতৃহত্যা পারিবে দেখিতে ?

উলূপী ।

সতীত্ববক্ষাষ নাবী  
 চিবদিন অচল—অটল,  
 ঐশ্বর্য—বৈভব—  
 পিতামাতা আত্মীয় স্বজন  
 সতীধর্ম পাশে নহে মূল্যবান্ ।

চিত্রভাণ্ড ।

উত্তম ; তাহ'লে পিতার মৃত্যু  
 কবহ দর্শন ।  
 এগনি ষাতক-করে  
 দ্বিধাশিত পিতৃ-শির পড়িবে ভূতলে ।

কৌরব্য ।

তাই কর—তাই কর—  
 যাহা ইচ্ছা তাই কর তুমি,  
 নাহি দিব কোন বাধা ;  
 তবে কেনো স্থির—

প্রলোভনে—স্তর প্রদর্শনে  
 নারিবে টলাতে কভু কণ্ঠা ও পিতায় ।  
 চিত্রভানু । আচ্ছা—আচ্ছা,  
 দেখে তবে বৃদ্ধ রাজা !  
 তোমারি সন্মুখে কণ্ঠারে তোমার  
 করি মোর অর্দ্ধাজভাগিনী ।  
 এস লো রূপসী !  
 কতদিন করিবে বঞ্চনা আর  
 প্রেমসুখা দানে । বরাননে !  
 অনঙ্গদহনে জলে যদি নিরবধি,  
 কতদিন সে দাহন পারি লো সহিতে ।

[ উলূপীকে ধরিতে উত্তত ।

উলূপী । সাবধান নারকী ছুর্কার !  
 সতী-অঙ্গ স্পর্শিবারে  
 নাহি হও অগ্রসর ;  
 এখনি সতীর শাপে  
 হাহাকার জাগিবে তোমার—  
 ছারখার হবে তব সোনার রাজত্ব ।

চিত্রভানু । হোক ছারখার রাজত্ব আমার ;  
 তবু চাই তোমারে সুন্দরী !  
 জীবনের একটি দিনও  
 যদি পারি লাভিতে তোমার—  
 হবে তাহে জীবন সফল,  
 পূর্ণ হবে হৃদয়ের সঞ্চিত কামনা ।

ক'রো না ছলনা আর  
 পিপাসিত চাতকের সনে ।  
 এস—এস— [ ধরিতে উত্তত ]  
 উলুপী । সরে যা—সবে যা ছুঁকার নারকী লম্পট !  
 বার-বনিতার নাহিক অভাব ;  
 তবে কেন অকাবণ  
 সতীর মর্যাদা হবি  
 জ্বলিয়া মরিতে চাস্ অনল জ্বালায় ।  
 চিত্রভানু । হাঃ-হাঃ-হাঃ ! বিফল প্রয়াস,  
 এস—এস, শুভলয় হ্র অস্তহিত ।  
 [ ধরিতে উত্তত. ]  
 কোবব্য । উঃ ! উঃ ! পিতার লম্বুখে কণ্ঠার লাজনা ।  
 অসহ—অসহ ।  
 ভগবান্ ! দেখাও মহিমা তব,  
 খসে পড় মহাবজ্র পাপীর মস্তকে—  
 ছুটে এস প্রলয় প্রাধন—  
 পৃথি তুমি হও মা চৌচির ।  
 ওরে—ওরে দম্ভ্য ! পদে ধরি তোর  
 রক্ষা কর সতীর সঙ্গম । [ পদধারণে উত্তত ]  
 চিত্রভানু । দূর হও—দূর হও বৃদ্ধ প্রতারক ! [ পদাঘাত ]  
 কোবব্য । ওঃ—ওঃ ! একি !  
 একি হায় ভগবান্ বিচার সোমার ?  
 চিত্রভানু । এস লো স্কন্দরী ! [ উলুপীর হস্তধারণ ]  
 উলুপী । ছাড়্—ছাড়্ রে দানব !



উঃ ! উঃ ! ভগবান্ ! সক্ষশক্তিমান্ !

কোথা তুমি ?

রক্ষা কর নারী-ধর্ম মোর ।

রক্ষীবেশী অর্জুনের প্রবেশ ।

অর্জুন ।

আরে আরে য়গিত কুকুর !

একি তব স্বেচ্ছাচার খেলা ?

ছাড়্—ছাড়্ সতীরে এখনি,

নতুবা হইবে তব

পরিণাম অতীব ভীষণ ।

চিত্রভানু ।

আরে আরে প্রভুদ্রোহী দাস ! .

প্রভু সনে বিদ্রোহিতা করিবারে সাধ ?

আয় তুষ্ট ! বধি অগ্রে তোরে । [ অঙ্গাঘাতে উত্তত ]

অর্জুন ।

সাবধান মণিপুর-রাজ !

নহি আমি রক্ষী—দাস—সেবক তোমার ।

এই হের কেবা আমি ;

আমি হই তৃতীয় পাণ্ডব

অর্জুন আমার নাম—

সখা ষার কক্ষ অগম্যথ । [ নিজবেশ ধারণ ]

চিত্রভানু ।

এঁয়া ! একি ! একি !

উলূপী ।

নাথ ! নাথ ! রক্ষা কর মোরে—

রক্ষা কর পিতারে আমার ।

[ অর্জুনের পদপ্রান্তে পতন ]

অর্জুন ।

ভয় নাই প্রিয়তমে !

জগতের যত শক্তি  
হয় যদি অগ্রসর হেথা,  
বাণে বাণে উড়ে যাবে মহাশূল পথে ।  
মণিপূববাজ ! এস—এস,  
অস্ত ল'য়ে হও আগুরান্ ,  
দেখি তব অস্তের ক্ষমতা ।  
আজি সমভূমি কবি তব রাজ্য মণিপূব,  
ল'য়ে যাবো নাগরাজে—  
আব কণ্ঠারে তাহাব ।

চিত্রভাণ্ড্য ।

বটে—বটে !  
শিকাবীর কবল হইতে  
ল'য়ে যাবে শিকারে তাহাব ?  
লহ উপযুক্ত প্রতিফল তার ।

অর্জুন ।

এস তবে বীর !  
বীরত্বের দেখাও গোরব ।

[ উভয়ের যুদ্ধ, মণিপূবরাজ পতিত হইল ।

আরে আবে আবে ঘৃণিত পিশাচ !  
যাও চলি শমন সদনে ।

[ মণিপূবরাজকে বধিতে উদ্যত ।

দ্রুত চিত্রাঙ্গদার প্রবেশ ।

চিত্রাঙ্গদা ।

[ অর্জুনের পদতলে পতিত হইয়া ]  
ক্ষমা কর—ক্ষমা কর বীর ধনঞ্জয়—  
জ্ঞানহীন পিতারে আমার ।

অর্জুন ।      এঁা ! একি !  
 একি হেরি স্বর্গীয় সুষমা !

চিত্রাঙ্গদা ।      ক্ষমা কর বীর—  
 অবোধ পিতারে মোর ।

অর্জুন ।      পরাজিত—পরাজিত করিল আমাবে ।  
 মণিপুনরাজ ! করিলাম ক্ষমা তোমা ।  
 মনে রেখো নবরায়,  
 অধর্মের কভু জয় হয় না সংসারে ।

চিত্রাঙ্গদা ।      পিতা ! পিতা !  
 ক্ষমা চাহ সকলের কাছে ।

ত্রিভাঙ্গু ।      ক্ষমা কর—ক্ষমা কর সবে ।  
 দুজ্জয় লালসা বশে মনুষ্যত্বহারা হ'বে  
 ছুটেছিলা পাপের আধারে ;  
 এবে প্রায়শ্চিত্ত হইল তাহার ।  
 নাগরাজ ! নাগরাজ !  
 আজি হ'তে রহিলে না শত্রু তুমি মোর,  
 মহাদ্বন্দে সন্ধি আজ  
 হোক এই প্রেম আলিঙ্গনে । [ আলিঙ্গন  
 রাজকণা ! আজি হ'তে  
 আমার জননী তুমি,  
 ক্ষমা কর অবোধ সন্তানে । [ নতজাঙ্গু ।

উলুপী ।      ওঠ রাজা !  
 অমৃতপ্ত হ'য়েছ যখন—  
 ভেঙ্গে গেছে ভ্রম ববে তব,

- নাহি আর কোন দোষ অন্তর মাঝারে—  
স্থান দিখু তোমা মেহ-তর্গে  
জননীৰ অধিকার ল'রে । [ বক্ষে ধারণ ]
- কৌৰব্য । চমৎকার—চমৎকার—  
মহিমা তোমার জগৎ-বান্ধব !  
কবির কল্পনা যাছে মানে পরাজয় ।
- চিত্রভানু । শোন তবে তৃতীয় পাণ্ডব !  
তবু আমি পারিব না  
করিতে মার্জনা তোমা ।  
মোর রাজ্যে অনধিকার প্রবেশ কারণ  
দিব শাস্তি রাজনীতি মতে ।
- অর্জুন । সাদরে করিব গ্রহণ তাহা  
জানিও রাজন্ !
- চিত্রাঙ্গদা । পিতা ! পিতা !  
পুনঃ তব একি হয় মতিভ্রম ?
- চিত্রভানু । চুপ কর !  
শোন—শোন তবে তৃতীয় পাণ্ডব  
যোগ্য দণ্ড তব,  
আজি হ'তে থাকে বন্দি তুমি  
আমার এ ভূহিতার হৃদয় কারায় ।  
[ চিত্রাঙ্গদা সহ অর্জুনের মিলন করাইয়া দিল ]
- কৌৰব্য । সাবাস্—সাবাস্ তুমি মণিপুররাজ !  
আজি তুমি হ'লে জয়ী  
স্বাকার হ'তে ।

চিত্ৰভানু ।      উৎসব—উৎসব আজি হোক্ আৰম্ভন  
                              ৰাজ্যতে আমাৰ ।  
                              সোধে সোধে জালো দীপমালা,  
                              নানা পুষ্পে সাজাও তোৱণ,  
                              মাঙ্গলিক শঙ্খৰোলে  
                              দশদিক হোক মুখৰিত ।  
                              এস—এস সবে পুরীতে আমাব,  
                              স্বচাৰু ভাবেতে আজি  
                              কৰিব সম্পন্ন এই মিলন উৎসব ।

[ শঙ্খ বাজিয়া উঠিল ও পূৰ্ণাৰীগণ নেপথ্য হইতে উলুধ্বনি  
কৰিতে লাগিল, মণিপুৰাজ সকলকে অভ্যর্থনা  
কৰিতে কৰিতে প্ৰণাম কৰিল ]

# চতুর্থ অঙ্ক ।

## প্রথম দৃশ্য ।

অস্তঃপূর্ব ।

শ্রীকৃষ্ণ ও সত্যভামা ।

সত্যভামা । হে মাধব !  
দিনে দিনে দিন গত হয়—  
সুভদ্রা ভগিনী তব  
উপনীত যৌবনের প্রথম সোপানে,  
তাহার বিবাহ হেতু  
কেন উদাসীন ?  
আহা ! ভগিনী আগার  
থাকে সদা স্মিয়মানা—  
আহারে বিহানে সদা আনমনা,  
কবে তাব হইবে বিবাহ ?

শ্রীকৃষ্ণ । প্রিয়তমে ! সব আমি বুঝিতেছি,  
কিন্তু জন্ম মৃত্যু বিবাহ  
এ তিন বিষয় বিধাতার হাতে ।  
কোথা কবে কোন্ ক্রমে হবে  
তাহা কেহ নারে করিতে গণনা ;  
তবে সুভদ্রার পরিণয় হেতু

বলভদ্র হ'য়েছে চেষ্টিত,  
নীঘ্রই ভদ্রাব হবে শুভ পরিণয় ।  
সত্যভামা । তাই যেন হয় ।  
নারী আমি—জানি ভালমতে  
যৌবনের কি তরঙ্গ খেলে তার প্রাণে ।  
যাই আমি—কহি গিয়া সুভদ্রা ভগ্নিবে  
এই শুভ সমাচাব ।

[ প্রস্থান ।

শ্রীকৃষ্ণ । ভদ্রার বিবাহ তবে  
সত্যভামা হয়েছে আকুল ।  
বলভদ্র রাজা দুর্ঘ্যোধন সাথে  
বিবাহ দিবার করেছে সঙ্কল্প ।  
হাঃ-হাঃ-হাঃ !  
মহাপাপী রাজা দুর্ঘ্যোধন ,  
তার করে ভগ্নী দান নহেক সম্ভব ।  
সখা মোর তৃতীয় পাণ্ডব  
ভুবন-বিখ্যাত বীৰ,  
তার সনে ভদ্রার বিবাহ  
বিধির নিবন্ধ ।  
নিয়ম ভঙ্গ হেতু গিয়াছে পার্থ  
তীর্থ পর্য্যটনে দ্বাদশ বৎসর ।  
দ্বাদশ বৎসর প্রায় হইল উত্তীর্ণ,  
অর্জুনের ফিরিবার হয়েছে সময় ।  
দেখি কিবা হয় বিধির বিধানে ।

গীতকণ্ঠে জনৈক বৈষ্ণবের প্রবেশ ।

গীত ।

বৈষ্ণব ।—

হরি তোমার চেনা দায় ।

কোন্ ছলে তে কখন থাক

জানা নাহি যায় ॥

তুমি কখন হাসাও কখন কাঁদাও,

নানান্ ছলে চক্র চালাও,

হার মেনেছে তোমার কাছে

বিশ্ব ভুবন সমুদায় ॥

[ প্রস্থান ।

শ্রীকৃষ্ণ ।

অবিরাম কৰ্ম্মশ্রোত চলেছে সংসারে ।

সেই কৰ্ম্ম সম্পাদনে

বারবার আসা এ ধরায় ;

একে বহু কৰ্ম্ম সম্মুখে আমার ।

এবে একে সব কৰ্ম্ম হ'লে সমাধান

অবসান হবে মোর ছাপরের গীলা ।

বলরামের প্রবেশ ।

বলরাম ।

কৃষ্ণ ! কৃষ্ণ !

শ্রীকৃষ্ণ ।

কেন আর্ঘ্য !

বলরাম ।

শিষ্য মোর রাজা তুর্হ্যোধন

তারি সাপে—

ভদ্রার বিবাহ দিতে করিয়াছি স্থির ;

কহ কৃষ্ণ ! কিবা মত তব ?



শ্রীকৃষ্ণ ।

হে আৰ্য্য !

তব মতের বিরুদ্ধে

কোনদিন দাঁড়াবে না অমুজ তোমার ।

বলরাম ।

ভাল—ভাল কৃষ্ণ !

পাঠাই সংবাদ তবে রাজ্য ছর্যোধনে

বিবাহের করি দিন স্থির,

শুভকার্য্যে বিলম্বের নাহি প্রয়োজন ।

বয়স্হা হরেছে ভদ্রা,

গৃহে রাখা আর নহেক উচিত

সামাজিক প্রথা মতে ।

দেখ কৃষ্ণ ! অমত তো নাহি কিছু তব ?

শ্রীকৃষ্ণ ।

না আৰ্য্য ! কর তুমি

শুভদ্রার বিবাহের আয়োজন ।

কন্যাদার হ'তে

মুক্ত হোক পিতা বসুদেব—

দেবকী জননী ।

বলরাম ।

উত্তম ।

[ প্রস্থান ।

শ্রীকৃষ্ণ ।

ভদ্রার বিবাহ হবে ছর্যোধন সাথে ।

হাঃ-হাঃ-হাঃ !

নহে তাহা বিধির নিৰ্দ্ধার ।

প্রস্থান ।

শুভদ্রার প্রবেশ ।

শুভদ্রা

ছর্যোধন সহ মোর হইবে বিবাহ—

প্রাক্তনের একি লেখা মোর ।

তবে—যে আশা অন্তরে হার  
এতদিন রেখেছি গোপন  
সে আশা কি পূর্ণ নাহি হবে ?  
ভগবান্ !  
অন্ধকারে দেখাও আলোক,  
নিরাশায় পথ যে হারায় ।

### গীত ।

সুভদ্রা ।—

( আমি ) না ভাবিয়া না বুঝিয়া কেন তনুখানি মোর  
দিশু লো বিলায়ে তারে হাসিয়া ।  
বুঝিনি তখন জানিনি তখন  
পাষো না তাহারে আমি ভাবিয়া ॥  
কেন ছবিখানি তার অন্তরে আঁকি,  
উদাস নয়নে পথপানে চেয়ে থাকি,  
কেন আজি নিজ দোষে নিজে মরি কাঁদিয়া ॥

### সত্যভামার প্রবেশ ।

সত্যভামা । সুভদ্রা ! সুভদ্রা !  
সুভদ্রা । কেন দিদি !  
সত্যভামা । আর, স্নান করতে যাবি আর । এতই কেন ভাবনা  
তোর ? বিয়ে তোর হবে লো হবে । এবার তুই রাজরাণী হবি ।  
সুভদ্রা । সে আবার কি দিদি ?  
সত্যভামা । হস্তিনাপতি মহামানী ছর্ব্যোধনের তুই রাণী হবি ।  
তোর বরাত ভাল ভদ্রা—বরাত ভাল ।  
সুভদ্রা । বরাত—একবারে ঘোর বরাত ।

সত্যভামা । সে কথা একশোবার । রাজরাণী হওয়া কম সৌভাগ্যেব  
কথা ! তারপর যা তা রাজার কথা নয়—একেবারে ভারত-সম্রাট  
হুর্ঘ্যোধন । এখন আর, যৌবন এলে অমনটা সকলেরই হয় ভাই !

[ স্তম্ভদ্রাকে লইয়া প্রস্থান ।

## দ্বিতীয় দৃশ্য :

গজানন্দের বাটা ।

ভূতবেশী গজানন্দ ।

গজানন্দ । তাইতো, বড় ভাবনার পড়লাম । তাদের নিয়ে অনুচর  
ব্যাটাই বা কোথায় গেল ? আবার বলছে কিনা আমার টাকাগুলোও  
নিয়ে যাবে । আমার সব যাক বাবা, টাকা কিন্তু যেতে দিচ্চিনে ।  
তাই ব্যাটা কখন কোন্ ফাঁকে এসে পড়বে ব'লে ভূত সেজে বেড়াচ্ছি ।  
যাই হোক—দেখি না, ভূতের ভয় দেখিয়ে ব্যাটাকে ভাগাতে পারি  
কি না । দোহাই মা সর্কমঙ্গলা ! দেখিস্ মা, আমার টাকা যেন  
যায় না, আমি তোর পাঁচসিকে পরসার পূজো দেবো ।

হুর্ঘ্যদাসুর । [ নেপথ্যে ] বরষ মশাই বাড়ীতে আছেন তো ?

গজানন্দ । সর্কনাশ ! বলতে না বলতে ব্যাটা এসে পড়েছে ।  
টাকার বরষে গিয়ে লুকিয়ে থাকি ।

[ প্রস্থান ।

হুর্ঘ্যদাসুরের প্রবেশ ।

হুর্ঘ্যদাসুর । কৈ বরষমশাই ! একি ! বাড়ীটা তোঁ তোঁ করছে,  
তবে কি বরষমশাই পালিয়ে গেছে ? বরষমশাই—ও বরষমশাই !

## ভদ্রার্জুন

[ চতুর্থ অঙ্ক ।

না, নিশ্চয়ই পালিয়েছে । যাই হোক, টাকাগুলো ছাড়া হবে না । গোপনন্দন কৃষ্ণকে জব্দ করতেই হবে । অর্থের দ্বারা সৈন্ত সংগ্রহ করে মহারাজ জরাসন্ধকে নিয়ে দ্বারকা আক্রমণ করতে হবে । সেদিন সে লোকটা বলেছিল, ওই ঘরে টাকা আছে, কিন্তু ভূতের কণাও বলেছিল—যাই হোক, ব্যাপারটাই দেখা যাক না কেন, ভূতে আমাব কববে কি ? দেখি, টাকাগুলো আত্মসাৎ করতে পাবি কি না ।

[ প্রস্থান ।

[ নেপথ্যে হাঁউ ম'উ শব্দ ]

দুর্শদাসুরকে জাপটাইয়া ধরিয়া গজানন্দের প্রবেশ ।

গজানন্দ । [ নাকিসুরে ] আজ তোর ঘাড় মুট্কে খাব রে—  
তুই আমার টাকা নিয়ে যাবি ?

দুর্শদাসুর । বাপু—বাপু ! ওরে বাবারে—ভূতে আমার মেরে ফেললে রে ! ওগো—কে আছে, আমার রক্ষা কর ; একেবারে জল-জ্যান্ত ভূতে আমার ধরেছে ।

গজানন্দ । আজ তোকে চিবিরে চিবিরে খেয়ে ফেলবো রে ব্যাটা !  
[ দুর্শদকে পাতিত করিয়া পুনঃ পুনঃ কামড়াইতে লাগিল ]

দুর্শদাসুর । ওরে বাবারে—ম'লাম রে—ম'লাম রে ! রাম রাম রাম ! ছেড়ে দাও বাবা ভূত ! আমি তোমার বাবা বলছি, আর কায়ড়ে দিও না বাবা ! উ-হ-হ ! ম'রে গেলাম রে—ম'রে গেলাম ।

গজানন্দ । আমার টাকা আজ তুই নিয়ে যাবি—আজ তোকে চিবিরে চিবিরে খাবো । [ পুনঃ পুনঃ দংশন ]

দুর্শদাসুর । উ-হ-হ ! ওগো, কে আছে, আমার রক্ষা কর । [ ভয়ে অচেতন হইল ]

গজানন্দ । থাক—থাক ব্যাটা প'ড়ে । এইবার স'ড়ে পড়ি, আর ব্যাটা টাকা নিতে বাবে না ।

[ দ্রুত প্রস্থান ।

হর্ষদাস্তর । [ পতিত হইয়া গৌ গৌ শব্দ করিতে লাগিল ]

কন্দর্প ও চন্দ্রমণির প্রবেশ ।

কন্দর্প । মামী-মা ! মামী-মা ! দেখ—দেখ, কে একজন প'ড়ে গৌ গৌ শব্দ করছে ।

চন্দ্রমণি । আহা, তাইতো বাবা ! দেখ—দেখ ।

কন্দর্প । ও মামী-মা ! এ তো সেই বৎসের অমুচরটা গো । ব্যাটা এখানে প'ড়ে ওরকম গৌ গৌ করছে কেন ?

হর্ষদাস্তর । ছেড়ে দাও—ছেড়ে দাও বাবা ভূত !

কন্দর্প । একি ! ভূত ভূত ক'রে উঠছে কেন ? তবে কি এ ব্যাটাকে মামা ভুতে ধ'রেছিল ? ব্যাটা নিশ্চয়ই টাকা নিতে এসেছিল । মামা আমার শত্রু জানি, তার কাছ থেকে টাকা নিরে যাওয়া চারটি-খানি কথা নয় । বাই হোক, ব্যাটা আমাদের ভারী নাকাল করছে, ব্যাটাকে এইবার জব্দ ক'রে দিই এম । তুমি শীগগীর বঁটা কি কাটারী বা ছুর একটা নিরে এল । [ চন্দ্রমণির ব্যস্তভাবে প্রস্থান ] দাঁড়াও শালা, আর তোমার জব্দ করছি ।

দ্রুত ব্যাটা ও বঁটা লইয়া চন্দ্রমণির প্রবেশ ।

চন্দ্রমণি । এই নে বাবা বঁটা ।

কন্দর্প । বাও তো একবার দেখি শালাকে । [ বঁটা লইয়া হর্ষদাস্তর নাক কাটিয়া বিদ ]

হর্ষদাস্তর । [ হুঁহুভাবে ] উ-হ-হ ! এ আবার কি ?

চন্দ্রমণি । বেরো—বেরো আঁটকুড়ির ব্যাটা ! [ ঝাঁটা প্রহার ]

হুর্নদাসুর । কি—কি, তোমরা আমার নাক কেটে দিয়ে ঝাঁটা  
মারছো ? দাঁড়াও—দাঁড়াও—

দ্রুত গজানন্দের প্রবেশ ।

গজানন্দ । [ হুর্নদাসুরকে ধরিয়া নাকি সুরে ] ওরে, এখনো তুই  
এখানে অ'ছিস্ ? আর, তোকে চিবিরে চিবিরে খাই । [ দংশন  
করিতে লাগিল, হুর্নদাসুর উ-হু-হু বাপ্ বাপ্ বলিতে বলিতে পলায়ন  
করিল, পলায়ন কালীন চন্দ্রমণি ঝাঁটার দ্বারা প্রহার করিল ]

গজানন্দ । [ নিজ বেষ ধরিয়া ] হে হে-হে ! শালাকে আচ্ছা  
জন্দ করেছি । আরে, তোমরা আমার ফিরে এসেছ যে !

চন্দ্রমণি । ভগবান্ আমাদের ফিরিয়ে এনেছে । বলি, তোমার  
কি আক্কেল ; টাকার জন্তে তুমি স্বীকে পর্য্যন্ত ত্যাগ করলে ? টাকাই  
তোমার বড় হ'লো ? কন্দর্প ! চল্ বাবা, আর এখানে থেকে কাজ  
নেই, আমরা কাশী যাঈ চল্ । বাবা বিশ্বনাথের চরণ দর্শন ক'রে  
মুক্তিলাভ করিগে চল্ । দেখ্, অনিন্দ্য তার বাপের কাছে গেছে ;  
সেই তোমার একমাত্র বংশধর, বিষয় সম্পত্তি টাকাকড়ি সবই তাকে দিও ।

কন্দর্প । মামা ! আমি কিন্তু ব্যাটার নাক কেটে দিয়েছি ।  
যাই হোক্ মামা, তোমারও কিন্তু বাহাজুরী আছে । যাই হোক্,  
দেখ—যা হবার তা তো হরেই গেছে, মামী-মাকে নিরে সূখে ধরবরা  
কর । দেখলে তো, পাপ করলে তার ফলভোগ করতে হয় । এখন  
ওসব ছেড়ে দিয়ে ভগবানের নাম কর মামা, ক'দিনই বা আর বাঁচবে ?

গজানন্দ । ঠিক বলেছিস্ বাবা—ঠিক বলেছিস্, আর ক'দিনই বা  
বাঁচবে । হ্যাঁ, তোমরা কি ক'রে ও ব্যাটার হাত হ'তে নিস্তার পেলে ?

কন্দর্প । পাপিষ্ঠ আমাদের নিবিড় অরণ্যে কালীমন্দিরে নিয়ে গিয়ে আমাদের কাটতে উদ্ভত হয়, আর মামী-মার উপর অত্যাচারে উদ্ভত হয় ; কিন্তু ভগবানের এমনি মহিমা, শ্রীকৃষ্ণের সেনাপতি সাত্যকি সহসা উপস্থিত হ'য়ে চক্রবর্তকে যুদ্ধে পরাস্ত ক'রে আমাদের উদ্ধার ক'রে নিয়ে আসে ; তারপর আমরা ভগবান শ্রীকৃষ্ণকে দর্শন ক'রে তাঁরই আদেশে এখানে ফিরে এলাম । যাই হোক মামা ! তোমার জ্ঞান আমাদের ভগবান্ দর্শন ঘটে গেল ।

গঙ্গানন্দ । কন্দর্প ! তুই আমায় মার্জনা কর বাবা ! অর্ধের মোহ আমার এতদিনে কেটে গেল । তোর বাড়ী তুই ফিরে নি গে যা, আর আমার কাছ থেকে হাজার টাকা নিয়ে যাবি চল ; আমি তোকে অনেক কষ্ট দিয়েছি ।

কন্দর্প । সে কষ্ট লাঘব হয়েছে মাম, যখন ভগবান্কে দেখতে পেয়েছি ।

গঙ্গানন্দ । গিন্নী ! মনে কিছু ক'রো না । এস—আজ আবার আগেকার মত নিজের হাতে রেঁধে আমায় খাওয়াবে চল । তোমারই জয় জয়কার গিনি—তোমারই জয় জয়কার । হরিবোল—হরিবোল ।

[ সকলের প্রস্থান ।

## তৃতীয় দৃশ্য :

পুষ্পোৎসব ।

সত্যভামা ও সুভদ্রা ।

সত্যভামা । এত ক'রে বোঝাই তোমারে,  
কেন বোন্ তবু তুই  
হোস্ লো উতলা ?  
সপ্তদিন আছে বিবাহের ;  
তারপর চ'লে যাবি স্বপ্তরের ঘরে ।  
তখন কি হবে মনে আমাদের ?  
বোস্ এই শিলাখণ্ডে—  
ডাকি সখীগণে,  
সুমধুর সঙ্গীত শুনারে যাক  
এই মনোহরা জ্যোৎস্না সন্ধ্যার ।  
কৈ—কৈ লো তোরা,  
আয় তোরা শুনাতে সঙ্গীত ।  
গীতকণ্ঠে নর্তকীগণের প্রবেশ ।

গীত ।

নর্তকীগণ ।—

সই ! কুলের কুঁড়ি উঠ'লো কুটে দধনে হাওয়ার পরশনে ।  
লাজের বীধন হ'লো শিখিল, বাজ'লো বাঁশী কুলবনে ।



পাণ্ডিয়ার গায় আকুল সুরে,  
বিরহিণী জলে মরে,  
অস্তিসারে যায় যে ধনি একাকিনী উদাস মনে,  
তখন মিলন বাসর হর যে তাহার বকুল তলে বঁধুর মনে ।

[ প্রস্থান

শ্রীকৃষ্ণের প্রবেশ ।

শ্রীকৃষ্ণ । সত্যভামা ! প্রিয়তমে !  
পার্থ সখা এসেছে আমার ।  
সত্যভামা । এসেছে অর্জুন ?  
শ্রীকৃষ্ণ । হ্যাঁ ।  
সত্যভামা । কহ নাথ !  
এতদিন সখা তব কোথায় আছিল ?  
শ্রীকৃষ্ণ । শোন তবে কহি,  
কি কারণ ধনঞ্জয়  
এতদিন আমাদের ছাড়ি  
ছিল দুঃস্বপ্নে ।  
ব্রাহ্মণের ব্রহ্মহত্নকার  
অস্ত্র গ্রহণের তরে  
অস্ত্রাগারে প্রবেশিল যবে,  
দৈবের লিখন না যায় ধণ্ডন—  
দ্রৌপদীর সহ তথা ছিল ধর্মরাজ ;  
সেই হেতু ষাটশ বৎসর  
প্রায়শ্চিত্ত করিতে তাহার  
নির্বাসনে আছিল অর্জুন ;

তাই সখা বহু তীর্থ করিয়া ভ্রমণ  
 এসেছিল প্রভাসের তীরে ।  
 আমি তথা দেখিয়া তাহারে  
 এনেছি ধরিয়া ।  
 এস প্রিয়ে !  
 অতিথির করিতে সংকার,  
 পঞ্চশমে ক্লান্ত যে অর্জুন ।

অর্জুনের প্রবেশ ।

অর্জুন । নমস্কার লহ দেবী মোর ।

সত্যভামা । এস—এস সখা !

তব অদর্শনে এতদিন  
 ছিন্তা মোরা মরমে মরিয়া,  
 তোমারে পাইয়া  
 ধন্য আজি যাদবের কুল ।

সুভদ্রা । [ স্বগতঃ ] আমিও পেলাম কুল  
 বুঝি এতদিন পরে ।

[ অর্জুনের মুখের দিকে একদৃষ্টে চাহিয়া রহিল

অর্জুন । যাদবের কুপার ভিখারি আমি ।

অতি তুচ্ছ—অতি হীন,  
 কেন মোর এত সমাদর ?

সত্যভামা । ছি-ছি সখা !

একি কথা শুনি তব মুখে ।

সখা তব বহুপতি—

সখা তুমি আমা সবাঁকার,  
 যাদবের তুমি যে আপন জন,  
 স্নেহের সামগ্রী ;  
 কেন হবে রূপার ভিখারী ?  
 এ কথা কি সাজে হে তোমারে ?

শ্রীকৃষ্ণ ।

সত্যভামা ! পথ-শ্রমে সখা  
 ক্লান্ত অতিশয়,  
 এখন সময় নহে আলাপের ।  
 এস সখা ! লভিবে বিশ্রাম ।  
 আজি বড় আনন্দিত হইলাম মোরা  
 তোমারে লভিয়া ।

অর্জুন ।

অনার্দন ! আমিও হ'লাম ধন্য  
 তোমাদের করি দর্শন  
 দীর্ঘ অদর্শন পরে ।

[ কৃষ্ণ সহ প্রস্থান ।

সত্যভামা ।

আয় ভদ্রা !  
 করি চল্ অতিথির পূজা ।  
 একি ! আত্মভোলা হ'য়ে  
 কেন তুই রহিলি দাঁড়ারে ?  
 আয়—একি ! তবু স্থির,  
 মুখে নাই ভাষা—  
 নির্ণিমেষ আঁখি ল'য়ে  
 কি দেখিস্ শূন্যপানে চাহি ।  
 বল্—বল্ বোন্ !  
 কি ঘটিল আজ ?

- সুভদ্রা । না—না, কিছুই ঘটেনি ।
- সত্যভামা । কিছু যদি নাহি ঘটে থাকে  
তবে কেন নিশ্চল চরণ ?
- সুভদ্রা । চলিতে পারি না দিদি !  
কিবা যেন অবসাদে ঘিরেছে আমার ;  
তাই চলিবার নাহিক উপায় ।
- সত্যভামা । অবসাদ ?  
কিবা হেতু অবসাদ তোর ?  
সত্য কথা বল—  
মোর সনে লুকোচুরী কেন লো করিস্ ?
- সুভদ্রা । না না—করি নাই লুকোচুরী,  
হয় নাই কিছু ।
- সত্যভামা । পুনঃ তুই করিস গোপন ?  
হাবতাবে বোঝা যায়  
মনের ব্যস্ততা তোর,  
সত্য কথা বল ।  
ওলো ভদ্রা !  
চিরদিন ভালবাসি তোরে ভগিনীর সম,  
কিন্তু তুই দিস্নাকো ভালবাসা য়োরে ।
- সুভদ্রা । তোমারে যে বড় ভালবাসি দিদি !  
তুমি কি বুঝিতে না পার তাহা ?
- সত্যভামা । তবে কেন মনের গোপন ব্যথা  
আমারে লুকাস্ ?  
বল—বল বোন ! সত্য কথা বল ?

সুভদ্রা । [ বাষ্পাভূত কণ্ঠে ] দিদি !  
 অসুমান মিথ্যা নহে তব,  
 আমি আজি আত্মহারা—

সত্যভামা । বল্ বোন্ কার তরে আত্মহারা তুই ?  
 কোনজন অলক্ষ্যে আসিলা  
 হরিল পরাণ তোর ?  
 কেবা সে নিষ্ঠুর  
 মুগ্ধ করি রূপের ছটাগ—  
 ভীক্শুর মরমে হানিল তোর ?

সুভদ্রা । তৃতীয় পাণ্ডব ।

সত্যভামা । তৃতীয় পাণ্ডব !  
 যোগ্যভনে ওলো ভদ্রা দানিলি পরাণ ।

সুভদ্রা । কহিলু তোমারে দিদি  
 মর্শ্বের গোপন ব্যথা,  
 সত্য যদি ভালবাসো  
 বাঁচাও আমারে ।  
 ছর্ষ্যোধন সাথে মোর হবে যে বিবাহ  
 বলভদ্র করিয়াছে স্থির,  
 পার্থে যদি নাহি পাই  
 মরণেরে করিব বরণ  
 ইহা ছাড়া অস্তগতি নাই ।  
 বহুদিন হ'তে অস্তর মাঝারে  
 তাহার মুরতি আঁকি  
 কল্পনার সহচরী করি

কবি যে সাধনা তার,  
 পার্থ মোর ইষ্টদেব ধ্যানের দেবতা ।  
 পার্থ ছাড়া অগ্ৰজনে  
 ববমাল্য দেবেনা সুভদ্রা ।

সত্যভামা      ভাল কথা—ধৈর্য্য ধর বোন ।  
 গোবিন্দেব সহ পবামর্শ কবি  
 যাহা ভাল হয় করিব তাহাই ।

সুভদ্রা      প্রাণ যে মানেনা প্রবোধ আব,  
 জাগে সদা হাহাকার বিহনে তাহাব ।  
 হেরি আজি ক্রণেকেব তরে জীবন বলভে  
 হাবারেছি বাস্তব জগৎ ।

সত্যভামা      হায় ! নাহি জানি কি কুক্রণে  
 রৈবতকে আসিল অর্জুন আজি ।  
 ত্রয়োধন সহ ভদ্রার বিবাহ—  
 কি করি উপায়—  
 একদিকে রমণীর প্রাণ  
 অগ্ৰদিকে লাজ কুল মান ;  
 নাহি জানি কিবা আছে  
 গোবিন্দের মনে ।  
 বল্ ভদ্রা ! যাদবের কুলবালা তুই,  
 দগ্নিতের তরে অভিনার  
 হবে কি লো তোর ?

সুভদ্রা ।      না—না দ্বিদি—  
 নহেক সম্ভব তাহা,

কলঙ্কিত হবে তাহে যাদব গৌরব ।

ভ্রাতা যার রামকৃষ্ণ—

পিতা যার বসুদেব

তাহার কি হীনকর্মে সাজে ?

তার চেয়ে দেবো প্রাণ বিসর্জন—

সহিতে হবে না আর

বৃশ্চিক দংশন ।

হীন কর্মে ব্রতী হ'য়ে

যাদবের ক্রোধানল জ্বালিবেনা

কভু এই যাদবী সূভদ্রা ।

[ প্রস্থান ।

সত্যভামা । অর্জুনের তরে উন্মাদিনী

হইল সূভদ্রা ।

যাই—কহি গিয়া কেশবেরে

গোপনীয় কথা ।

[ প্রস্থান ।

## চতুর্থ দৃশ্য :

রাজসভা ।

নাগগণের প্রবেশ ।

১ম নাগ । সেনাপতিকে আমরা কখনই রাজা ব'লে স্বীকার  
করবো না ।

অস্ত্রাণ্ড । নিশ্চয়—নিশ্চয় !

১ম নাগ ।

কৌশলে কুটিল চক্রে  
বন্দি করি আমাদের মহারাজে  
সেনাপতি সিংহাসন করিল গ্রহণ ।  
হার ! নাহি জানি আমাদের রাজ্য  
কত্না সহ শত্রুর পুৰীতে  
কি ভাবে করিছে বাস ।  
এদিকে যে সেনাপতি বিশ্বাসঘাতক  
স্বাধীনতা লাভ করি—  
করিতেছে আমাদের  
ঘোর নির্যাতন ।  
শান্তির রাজ্যেতে  
অশান্তির জ্বলেছে অনল—  
এ অশান্তি কতদিন সহিব আমরা ।  
এস সব ভাই,  
একসাথে মিলি মোরা  
সেনাপতিব বিরুদ্ধে করি  
বিরোধ ঘোষণা ।  
কহ ভাই সব—  
তোমাদের কিবা অভিমত ?

অগ্ন্যাগ্ন ।

করিব বিরোধ ঘোষণা মোরা  
প্রতিজ্ঞা মোদের ।

২ম নাগ ।

তবে দাঁড়াও সকলে  
একপ্রাণে—একমুখে  
শান্তি প্রতিষ্ঠার ।



বেত্রহস্তে কৰ্কটনাগের প্রবেশ ।

কৰ্কট । নাগগণ ! আমি এবে  
এ রাজ্যের হইরাছি রাজা ।  
তোমরা সকলে  
যেবা যার কর্মে আছে ব্রতী  
সেইকৰ্মে পূৰ্ব্ববৎ থাকিবে সকলে ।  
আমার শাসননীতি মানিবে সকলে,  
রাজা বলি মোরে  
নতশির করিবে সবাই—  
যম আজ্ঞা করিবে পালন ।  
রাজ্যমধ্যে করহ ঘোষণা,  
সেনাপতি কৰ্কটনাগ  
এ রাজ্যের হইরাছে রাজা ।  
কহ সবে—স্বীকৃত সবাই কিনা ?

১ম নাগ । রাজা ! কেবা রাজা ?  
রাজা বলি কারে মোরা  
করিব স্বীকার ?

কৰ্কট । আমার—আমার ।

১ম নাগ । না—না, কেবা তুমি ?  
কিবা হেতু রাজা বলি  
করিব স্বীকার তোমা ?  
রাজা যে আমাদের কোরব্যানাগ ।  
প্রভুদ্রোহি তুমি ।

শত্ৰু সনে হইয়। মিলিত,  
আমাদেৰ মহাৰাজে বন্দি কৰি  
কৰিয়াছ সিংহাসন লাভ—  
সেই প্ৰভুদ্রোহি হীনজনে  
ৰাজ্য বলি মানিব না কভু মোৰা ।

কৰ্কট ।

কি—কি কহিলে,  
ৰাজ্য বলি মানিবে না মোৰে ?  
এত স্পৰ্দ্ধা হীন প্ৰজাদেৰ ?  
ৰাজ্য বলি আমাৰে যত্নপি  
না কৰ স্বীকাৰ,  
জেনো সবে স্থিৰ  
পৰিণাম হইবে ভীষণ ।

১ম নাগ ।

পৰিণাম হটক ভীষণ যত—  
ভয় নাই আমাদেৰ তাতে ।  
সম্মিলিত প্ৰজাশক্তি  
দাঁড়াইবে ক্ষীণবন্ধে  
পৰিণাম দাতাৰ বিৰুদ্ধে ।

কৰ্কট ।

আৰে আৰে কেৰুপালগণ !  
ৰক্ষা আৰ নাহিক তোদেৰ ।  
জীয়াস্তে প্ৰোধিত কৰি  
বিদ্রোহিতা কৰিব দমন,  
দেখাইব ৰাজশক্তি কত ভয়কৰ ।

গীতকণ্ঠে দৈবের প্রবেশ ।

গীত ।

দৈব ।—

ওই আস্ছে তোমার কাল ।  
( তার ) লক্ লক্ কব্ছে জিহ্বা চোখ দুটো ঘোর লাল ॥  
তোমার ভাঙ্গবে অহঙ্কার,  
কব্বে তখন হাহাকার,  
চুলের মুঠি ধরে তোমায় কব্বে নাজেহাল ।  
পারবে নাকো তাহার সাপে,  
যুদ্ধ করে কোন মতে,  
চলবেনাকো ফন্দিবাজি ছল চাতুরী চাল ।

[ প্রস্থান ।

কর্কট ।

কি—কি আমারে দেখাস্ ভয়  
ওরে তুই উন্মাদ সাধক ।  
কাল ভয়ে নহে ভীত অন্তর আমার ।  
শোন—শোন সবে বিদ্রোহি সকল,  
কহি শেববার—  
রাজ্য বলি করহ স্বীকার ঘোরে ।  
নতুবা—

মাগগণ ।

নতুবা ?

কর্কট ।

নতুবা এ বেত্রাঘাত  
অর্জরিত করিয়া সবারে—  
জীবন্তে প্রোথিত করি  
বিচূর্ণিব দস্ত অহঙ্কার ।  
কহ—কহ—শেব কথা ।

১ম নাগ ।

না—না, কখনই রাজা বলি  
মানিব না তোমারে আমরা ।

ককট ।

এত স্পর্ধা ?  
দেখ তবে মানো কি না মানো যোরে  
রাজা বলি তবে । [ সকলকে বেজাঘাত ]  
করহ স্বীকার—করহ স্বীকার—

সকলে ।

শাখান—শাখান বিখ্যাতক !  
পুনঃ যদি কর বেজাঘাত  
বজ্রগম ছাড়িয়া হকার  
পলকে পাঠাবো তোমা শমন শবনে যোরা ।

ককট ।

আরে আরে কুকুরের বল । [ বেজাঘাতে উত্তত ]

[ নেপথ্যে—অন্ন মহারাজ কৌরব্যনাগের অন্ন । ]

ওকি ! ওকি !

তবে কি জীবিত আছে

বৃদ্ধ নাগরাজ ?

অন্নকরে কৌরব্যনাগের প্রবেশ ।

কৌরব্য ।

এখনো জীবিত আছে বৃদ্ধ নাগরাজ ।  
আরে আরে বিখ্যাতক !  
ধর তুই যোগ্য পুরস্কার ।

নাগরাজ ।

অন্ন মহারাজ কৌরব্যনাগের অন্ন ।

ককট ।

দয় তবে বৃদ্ধ রাজার পক্ষপাতক ।

নাগরাজ, নাগরাজ বহু ককট নাগের পক্ষপাতক পক্ষপাতক

ককট, ককট তাহাকে দায় করিয়া দেখিল ।

কৌরব্য । হাঃ-হাঃ-হাঃ ! স্বার্থপর অকৃতজ্ঞ !  
এইবার চিন্তা কর পরিণাম তব ।  
যাও—ল'য়ে যাও কারাগারে,  
বিচার করিয়া পরে  
যোগ্যদণ্ড করিব প্রদান ।

[ জনৈক নাগ কর্কট নাগকে লইয়া গেল ]

কৌরব্য । - ভয়নাই প্রজাবৃন্দ মোর,  
তোমাদের শাস্তি মুখ  
ফিরিল আবার ।  
দেবতার অনন্ত কুপায়  
কর সবে শাস্তির উৎসব  
নাগরাজ্য মাঝে ।

নাগগণ । জয় আমাদের প্রজাবংশল মহারাজের জয় ।  
গীতকণ্ঠে নাগিনীগণের প্রবেশ ।

### গীত ।

নাগিনীগণ ।—

আবার আমরা পেয়েছি ফিরে ।  
গিয়াছিল যাহা হারারে মোদের  
পেয়েছি আবার ফিরে ॥  
আমাদের আর ভাসিতে হবে না  
বেদনা জড়িত নয়ন নীরে ॥  
ফিরিয়া এসেছে রাজা,  
বাজালো শব্দ বাজা,  
দলিত মথিত মারের কুটারফিরিবে শাস্তি ধীরে ॥

[ নাগরাজকে লইয়া সকলের প্রস্থান ।

## পঞ্চম দৃশ্য :

কক্ষ ।

### অর্জুন ও শ্রীকৃষ্ণ ।

শ্রীকৃষ্ণ ।

সখা ! এই কক্ষে করহ বিশ্রাম তুমি ।  
রুদ্ধ করি দ্বার করহ শয়ন,  
যেন নিশা অবসানে  
মোর সনে না করি সাক্ষাৎ  
চলিয়া যেনা ।  
মাত্র যেই কয়দিন বাকী আছে  
পূর্ণ হ'তে দ্বাদশ বৎসর ।  
সেই কয়দিন মোর সনে রবে দ্বারকার,  
আমরাও হবে তাতে আনন্দ বর্ধন ।

অর্জুন ।

অগম্য ! তব আজ্ঞা নতশিরে  
চিরদিন পালিছে পাণ্ডব ।  
পূর্ণব্রহ্ম তুমি নারায়ণ  
বিরাজিত আছ সদা অন্তর মাঝারে,  
সাধ্য কিবা মোর  
তব আজ্ঞা করিব লক্ষ্যন ।  
পাণ্ডবের কর্ণধার তুমি হে কেশব !  
কেন তবে করিতেছ সাবধান মোরে ?  
দয়াময় ! আগিছে সংশয় প্রাণে,

লুকানো কি আছে কিছু  
গোপন রহস্য ?  
শ্রীকৃষ্ণ । না—না সখা !  
কিছু নাই গোপন ইহাতে ।  
নিদ্রা যাও—  
এবে চলিলাম আমি ।

[ প্রস্থান ।

অর্জুন । নিদ্রা বুঝি না আসিবে  
নয়নে আমার ।  
রৈবতকে কেন আমি  
এলাম আজিকে ।  
অস্তুর জলে যে মোর অনঙ্গ দহনে—  
সুভদ্রার হেরিমা নয়নে ।  
হেরি তার প্রস্ফুটিত যৌবন-লাবণ্য  
দগ্ধ মোরে করে নিরস্তুর ।  
ফুটন্ত কোমল সম  
সুচারু বদনখানি  
ভেসে ওঠে নয়নে আমার ;  
কি করি এখন—  
কোথা বাই—  
পালাবো কেমনে  
মাধবের অমুখতি বিনা ।  
হার ! কেন আমি এলাম হেপার ?  
নিদ্রা—নিদ্রা—

আয় নিদ্রা নামিরা নয়নে  
ভুলে যাই তাৰে ।  
ধীৰে ধীৰে সুভদ্রাৰ প্ৰবেশ ।  
[ চমকিত হইয়া ] কে ? কে ?  
কেবা তুমি নিস্তদ্ধ নিশাৰ  
ধীৰ পাদক্ষেপে  
আগত এ বিশ্ৰাম কক্ষেতে মোৰ ?  
কেবা তুমি ?

সুভদ্রা ।

মাধব ভগিনী,  
সুভদ্রা আমাৰ নাম ।

অৰ্জুন ।

সুভদ্রা ! মৰুবুকে পিপাসিত  
আমি বে পথিক,  
সন্মুখে নেহাৰি ওই শান্তিৰ নিৰ্ময়—  
পানে আজি হ'তেছি আকুল ;  
কিন্তু মাধৱেৰ অগোচৰে  
কেমমে প্ৰাণেৰ তৃষা কৰি নিৰাৱণ ।  
শোন বালা ! কেন এলে হেথা,  
কি উদ্দেশ্য তব—  
তাই একাকিনী যুবতী কামিনী  
পৰপুরুষেৰ কক্ষে পশিলে গোপনে ।  
কেহ যদি হেৰে ইহা  
উভয়েৰ রটিবে কলঙ্ক ।  
কহিয়া সত্ৱৰ তব মনোঅভিলাষ  
যাও য়া এখান হইতে ।



- সুভদ্রা ।           ওগো প্রিয় বান্ধব আমার !  
 তব ঋণিকের দরশনে  
 ফেলেছি হারারে নিজে,  
 রক্ষা কর মোরে ।
- অর্জুন ।           একি কথা শুনি বালা  
 মুখেতে তোমার ?  
 গোবিন্দের দাস আমি  
 এনেছ কি পরীক্ষা করিতে তারে  
 নিশীথ নিশায় ?  
 অথবা কি গোবিন্দের ছল ?
- সুভদ্রা ।           তৃতীয় পাণ্ডব !  
 নহে ছল অথবা পরীক্ষা,  
 সত্যই আমি যে তব প্রেম ভিখারিণী ।  
 বহুদিন যোর মানসপটেতে  
 অঙ্কিত করিয়া তব স্মৃচাকু মুরতি  
 আপনারে নিবেদন করেছি যে আমি ।  
 অন্তরের আকুল এ আবাহনে  
 পেয়েছি দর্শন আজি কামনার  
 দেবতারে যোর,  
 রক্ষা কর দানীরে তোমার  
 সোহাগের দিগে আলিঙ্গন ।
- অর্জুন ।           নীত্র ত্যজ কক যোর—  
 কলঙ্কের গুরুভার নারিষ বহিত্তে,  
 পাণ্ডবের উন্নত আনন

নত হবে আমার এ ঘৃণিত আচারে ।

দুর্যোধন সহ হইবে বিবাহ

বলভদ্র করিয়াছে স্থির ;

আজ যদি তোমাতে আমাতে

হয় বিবাহ বন্ধন—

তাহ'লে যে হলপাণি হবে রুষ্ট

পাণ্ডবের প্রতি,

ক্রোধানলে তার ভস্মীভূত হইবে পাণ্ডব ।

সুভদ্রা ।

কিন্তু মাধবের ইচ্ছা আছে

তব সহ দানিতে বিবাহ মোর ।

অর্জুন ।

রামকৃষ্ণ ছুটি ভাই চিরদিন

আছে বাধা সৌভ্রাতৃ বন্ধনে,

অগ্রজের মতের বিরুদ্ধে

কেশব যে চিরদিন দাঁড়াতে অক্ষম ।

যাও বালা !

উষেলিত করো না আমার ।

সুভদ্রা ।

[ নীরব ]

অর্জুন ।

নীরব নিশ্চল,

পদ অঁাধি করে ছল ছল,

ফুল্লমুখ বেদনা কাতর,

ঘন ঘন দীর্ঘশ্বাস হতেছে পতিত ।

একি নব অমুভূতি !

একি হায় উদ্গাদনা !

একি মাদকতা আজি

অস্তরে জাগিছে মোর ।  
না—না ভদ্রা চ'লে যাও,  
তব যোগ্য নহি আমি—  
আমি দীন পাণ্ডুর সন্তান ।

### গীত ।

সুভদ্রা ।—

ওগো জীবন দয়িত দেবতা !  
এস আজি মম মন্দিরে ।  
সাঙায়ে রেখেছি পূজার অর্ঘ্য  
আমারি নগ্ন-নীড়ে ।  
তব আগমনে তব দরশনে  
ধূম্বা মেদিনী কুম্ভ গন্ধে,  
বেজেছে বীণাটি হলে,  
অমল বিমল রূপেরি আলোকে  
এস আজি ধীরে ধীরে ।  
তব চরণ সরোজে পড়িব লুটায়  
( আর ) যেওনা গো তুমি ফিরে ।

অর্জুন ।

ভদ্রা ! ভদ্রা !  
কি বাঁধনে বাঁধিছ আমার,  
ভুলে যাই বাস্তব জগৎ ।  
বিলোল কটাক্ষ হানি  
কেন মোরে কর পথহারা ?  
যাও—যাও বালা !  
মোর সনে পরিহাস সাজে না তোমার ।

সুভদ্রা ।

নিষ্ঠুৰ সংসাৰ ।  
 বাৰ্থ আৰ্জি আকিঞ্চন—  
 নবনেৰ অশ্ৰুঢালা হইল বিফল ।  
 কি ছাৰ জীৱনে মোৰ  
 নাহি যদি পাই সেই বাঞ্ছিত দেবেৰে ।  
 শোন—শোন তবে পাষণ পুরুষ !  
 নাৰীহত্যা মহাপাপে  
 হইবে পতিত তুমি ।

[ প্ৰস্থানোদ্ধতা ]

অৰ্জুন ।

যেওনা—যেওনা ভদ্রা !  
 দাঁড়াও ক্ষণেক ।  
 জাগাইয়া অন্তরেতে আকুল পিৰাসা  
 ব্যাকুল কৰিয়া মোৰে যেওনা চলিয়া ।  
 হোক্ তব জৱ—  
 পৰাজয় হউক আমাৰ,  
 ওগো মৰ্মাহত্যা—  
 কাঁদি নিজে যেওনা কাঁদায়ে মোৰে ।  
 এস—এসলো ৰূপসী !  
 মনোহৰা মনাকিনী মৰুৰ বুকেতে ।

[ সুভদ্রাকে বন্ধে টানিয়া চুখন ]

সত্যভামাৰ প্ৰবেশ ।

সত্যভামা ।

কই তোৱা সখীগণ !  
 দেখে যা মো সবে,

নিশীথ এ রাতে

অতিথির চুরি করা রীতি ।

[ অৰ্জুন লজ্জিতভাবে দূরে গিয়া দাড়াইল ।

গীতকণ্ঠে সখিগণের প্রবেশ ।

গীত ।

সখিগণ ।—

ছিঃ—ছিঃ—ছিঃ !

আজি পড়লে ধরা ওগো অতিথি ।

পরের ঘরে থাকতে এসে একি তোমার রীতি ॥

সরলা পরের মেয়ে,

একাকিনী তাকে পেরে,

ইসারার মজিরে দিয়ে করছো তুমি গোপন পিরীতি ॥

প্রাণ চুরির এ অপরাধে,

কুম্ব কারায় রাখ'বো বেধে,

পালাবে আর কোথায় তুমি ক'রে ডাকাতি ॥

[ অৰ্জুনকে পুষ্পমাল্যে বন্ধন করিয়া সখিগণের প্রস্থান

অৰ্জুন লজ্জিত হইয়া পড়িতেছিল, সত্যভামা

সুভদ্রা হাসিতেছিল ]

## পঞ্চম অঙ্ক ।

### প্রথম দৃশ্য ।

প্রাঙ্গণ ।

বলরাম ও শ্রীকৃষ্ণ ।

শ্রীকৃষ্ণ ।           কহ আৰ্য্য !   সুভদ্রার যোগ্যবর  
সত্যই কি হর্ষ্যোধন ?

বলরাম ।           বার বার কেন কৃষ্ণ  
কহ ওই কথা ?  
হর্ষ্যোধন বিনা  
সুভদ্রার যোগ্য বর কেবা ?  
মহামানী রাজ্য হর্ষ্যোধন,  
অতুল প্রতাপ তার ।  
রূপে গুণে কুলে শীলে  
তার সম কে আছে সংসারে ?  
তারে কতাদানে  
যাববের বাড়িবে গৌরব ;  
তাই স্থির—হর্ষ্যোধনে  
সুভদ্রার করিব প্রদান ।

শ্রীকৃষ্ণ ।           তুন হলধর !  
রাজ্য হর্ষ্যোধন হ'তে

সুভদ্রার যোগ্যবর আছে অশ্রুজন,  
শুণে যার মুগ্ধ ত্রিভুবন—তুলনা-বিহীন ।  
বলরাম ।      কহ—কহ কৃষ্ণ কেবা সেইজন ?  
শ্রীকৃষ্ণ ।      ভুবন-বিখ্যাত বীর  
ভারত-বংশের উজ্জল প্রদীপ  
তৃতীর পাণ্ডব—সখা যে আমার ;  
সেই হয় সুভদ্রার যোগ্য বর ।  
তার সম শূণ্যবৃত্ত মিলিবে কোথায় ?  
তাই বাসনা আমার,  
অর্জুনে সুভদ্রা দানি  
সখ্যতার করি দৃঢ়তর ।  
হবে তাহে বংশের গৌরব  
সুভদ্রাও হইবে সুখিনী,  
পাণ্ডবের সহ যাদবের  
আত্মীয়তা হইবে স্থাপিত ।  
বলরাম      হাঃ-হাঃ-হাঃ !  
অসম্ভব—অসম্ভব—  
হাসালি রে কৃষ্ণ—হাসালি আমার ।  
অজানা কি আছে কারো  
পাণ্ডবের জন্মগত বংশ ইতিহাস ?  
হে তারা ভারত-বংশের  
পাণ্ডুর যে ক্ষেত্রজ সন্তান ।  
সেই বংশে কল্যাদান  
অপমান হবে যাদবের ।

শ্রীকৃষ্ণ ।

দেখ আৰ্য্য বিচারিয়া মনে  
সৰ্বশাস্ত্রে বিশারদ তুমি,  
অন্য তরে নহে দায়ী  
সস্তান কখনো ।  
কৰ্ম্ম ধৰ্ম্ম যদি তার হয় গরীয়ান্,  
দূরে যায় অন্নের কলঙ্ক ;  
পূজনীর হয় অগতের ।  
তবে কি দোষ করিল আৰ্য্য  
সুহৃদ্ আমার ।

বলভদ্র ।

জানি কৃষ্ণ !  
তোর কাছে অতি তুচ্ছ সমাজ-আচার ।  
হিতাহিত নাহি জান  
চাস্ শুধু বাড়াইতে ভক্তের গৌরব ।  
পাণ্ডব বে ভক্ত তোর  
জানি রে কেশব—  
আর জানে পৃথিবীর লোক ।  
তোরই বলে বলীরান্ তৃতীয় পাণ্ডব,  
সখা তোর—তাই তুই  
শ্রেষ্ঠ বলি গণিস্ তাহারে ।  
না—না, জানহীন তুই—  
তাই এই যুগিত প্রস্তাব ।

শ্রীকৃষ্ণ ।

হে অশ্রম ! অৰ্জুন ব্যতীত  
সুভদ্রার যোগ্য বর নাহি তিনলোকে ।

বলরাম ।

আর—আর সেই ভারত-খণ্ডের চূড়া



রাজা দুর্ঘোষন প্রিয় শিষ্য মোব ।  
 শৌর্য্যে বীর্য্যে বংশ-গরীমায়  
 তার চেয়ে কেবা শ্রেষ্ঠ আছে ?  
 পাণ্ডবের শত্রু বলি  
 তাই তুই কহিস্ অযোগ্য তারে ;  
 কিন্তু আমি তোমার স্তোকবাক্যে  
 হবো না চঞ্চল ।  
 করিব তাহাই—  
 যাহাতেই ষাদবের বাড়িবে গৌরব ।  
 সত্যকী ! সত্যকী !

সত্যকীর প্রবেশ ।

সত্যকী

কহ প্রভু !

কিবা আজ্ঞা হয় এ দাসের প্রতি ?

বলরাম ।

পত্র 'ল'রে যেতে হবে হস্তিনানগরে

রাজা দুর্ঘোষন পাশে ।

সত্যকী সহ প্রস্থান ।

শ্রীকৃষ্ণ ।

হলধর ঘটাবে প্রমাদ ;

কিন্তু নাহি দিব দুর্ঘোষনে

সুভদ্রা ভগিনী ।

কৌশলে অর্জুন মনে

পরিণয় দেবো সুভদ্রার ।

সত্যভামার প্রবেশ ।

সত্যভামা ।

কহ নাথ ! কি হবে উপায়,

হস্তিনায় গেল যে সত্যকী

দুর্ঘোষনে জানাতে ভারতী ।  
 পার্থ সনে সুভদ্রার  
 হ'য়ে গেছে গান্ধর্ব বিবাহ—  
 লৌকিক আচারে যদি  
 দুর্ঘোষন সহ হয় বিবাহ তাহার,  
 সেইরূপে আত্মহত্যা করিবে সুভদ্রা ;  
 তাহে যে যাদবকুল হবে কলঙ্কিত ।

শ্রীকৃষ্ণ ।

প্রিয়ে ! দুর্ঘোষন সহ সুভদ্রার পরিণয়  
 বিধাতার নহে অভিপ্রেত ।  
 কৌশলেতে কার্যোদ্ধার করিতে হইবে ।  
 যাও সতী !

সুভদ্রার কর শাস্ত,  
 আমার এ আশ্বাস বচনে  
 প্রত্যয় হইবে তার ।  
 আরো শোন—  
 অধিবাস দিনে স্নান হেতু  
 সুভদ্রার ল'য়ে যাবে সরস্বতী তীরে,  
 হবে তথা সীমাংলা সবেয় ।

সত্যভামা ।

ভাল—দেখি তুমি খেল কোন্ খেলা ।

[ প্রস্থান ।

শ্রীকৃষ্ণ ।

খেলা হেতু আসা এ সংসারে,  
 এখনো খেলার শেষ হয়নি আমার ।  
 বহু খেলা বাকি আছে,  
 নাহি জানি কবে হবে

এ খেলার অবসান মোর—  
পাপ-তপ্তা বসুন্ধরা বুকে  
কবে মোর ধর্মরাজ্য হইবে স্থাপন ।  
যুগারম্ভে যোগনিদ্রা করিয়া আশ্রয়  
হ'য়েছিল ইচ্ছার বিকাশ,  
সে ইচ্ছা পূরণ তরে  
যুগে যুগে নব নব মোর অবতার ।

[ প্রস্থান ।

## দ্বিতীয় দৃশ্য :

সুভদ্রার কক্ষ ।

চিন্তামগ্না সুভদ্রা ।

সুভদ্রা ।

চিন্তার আকুল শ্রোতে চলেছি ভাসিয়া,  
নাহি কুল—নাহিক কিনারা ।  
আমার লাগিয়া  
রাম ক্রকো মহাশব্দ বাধিবে এবার ।  
দাঁড়াইবে বলভদ্র কৌরব পক্ষেতে  
যত্নপতি হবে পাণ্ডবের,  
নাহি জানি কি ঘটবে পরমাত্ম রৈবতকে—  
এ মহা উৎসবে ।

অর্জুনের প্রবেশ ।

অর্জুন ।

প্রিয়তমে !  
 দেহ লো বিদায় মোরে  
 ইক্ষুপ্রস্থে ফিরিয়া যাইতে ।  
 প্রায়শ্চিত্ত হইয়াছে শেষ,  
 এইবার যদি নাহি ফিরি  
 ভ্রাতৃগণ হইবে চিন্তিত—  
 চিন্তাকুল হবে যে জননী ।

সুভদ্রা ।

সেকি নাথ ! চলিয়া যাইবে তুমি  
 অবলার দলিত করিয়া ?  
 না-না—দিব না যাইতে,  
 তোমারি বিহনে এ জীবন  
 কেমনে ধরিব ?  
 পুরুষ জানেনা কত রমণীর  
 অন্তরের ব্যথা ।  
 কি জানিবে তুমি হে পাষণ !  
 নারী বাহা দেয়—  
 দেয় তাহা নিঃশেষ করিয়া,  
 নাহি রাখে কিছু তার  
 আপন বলিতে ভবে ।

অর্জুন ।

স্থির হও প্রেমসী আমার !  
 চিরতরে নারিবে ছাড়িতে তোমা ।  
 তুমি যে বেঁধেছ মোরে  
 হৃদয়ে বন্ধনে ;

তবে তোমারি কারণ  
যাবো আমি হস্তিনার  
জননীৰ অনুমতি লইবার তবে ।  
পাণ্ডবের কুলবধ তুমি  
কতকাল রবে পিত্রালয়ে ?

সুভদ্রা ।

নাথ ! প্রিয়তমে ! জীবন সর্বস্ব !  
এদিকে যে দুর্ঘ্যোধন সহ  
হবে মোর বিবাহ বন্ধন  
হলধর করিয়াছে আরোজন তার ।  
অজ্ঞাত আশঙ্কা এক জাগিছে পরাণে,  
অন্ধকার ঘনায়ে যে আসে চতুর্দিকে,  
অমঙ্গল নিরখি নয়নে,  
নাচে কেন দক্ষিণ নয়ন ?  
চিন্তায় পড়েছে সুভদ্রা আজি ।

অর্জুন ।

নাহি চিন্তা কর প্রিয়তমে !  
যতপতি বর্তমানে নাহি হবে  
ততমান পাণ্ডব কখনো ।  
শাদব ললনা তুমি—  
তোমার কি সাজে প্রিয়ে  
হেন কাতরতা ?  
সার কর গোবিন্দ চরণ—  
কামনা পূরণ শুব হবে সুনিশ্চয়,  
দাওলো বিদায় নাহিক সময় আর ।

[ প্রস্থান ।

সুভদ্রা ।           ওঃ ! চ'লে গেলে নাথ !  
না না—কেন আমি হ'তেছি উতলা,  
মাধব যে দিয়াছে আশ্বাস মোবে  
সুভদ্রার নাহি কোন ভয় ।

শ্রীকৃষ্ণের প্রবেশ ।

শ্রীকৃষ্ণ ।           সখা । সখা !

সুভদ্রা ।           চ'লে গেল এইমাত্র  
ইন্দ্রপ্রস্থে দাদা ।

কৃষ্ণ ।           না—না মোর অনুমতি বিনা  
যাবে না কখনো,

দেখি কোথা গেল সুহৃদ আমার । [ প্রস্থানোত্ত ]

সুভদ্রা ।           দাদা ! দাদা ! কি হবে উপায় ।

শ্রীকৃষ্ণ ।           নাহি ভয় ভগিনী আমার,  
তব ভার নিজে আমি  
ক'রেছি গ্রহণ ।  
প্রকৃতির শত বিপর্যয়ে  
একশত্রে রবে গাঁথা  
ভদ্রার্জুন দুইটি কুম্ব ।

[ প্রস্থান ।

সুভদ্রা ।           তোমার আশ্বাস বাণী  
সত্য যেন হয় ।

[ প্রস্থান ।

## তৃতীয় দৃশ্য :

সরস্বতীতীর ।

স্নানার্থিনী স্নানদ্রাকে লইয়া গাহিতে গাহিতে  
সখীগণের প্রবেশ ।

গীত ।

সখীগণ ।—

সখি ! আজকে যে তো'র অধিবাস ।  
মেঘের কোলে সৌদামিনীর ভবে পরকাশ ॥  
ওই নাগর আসে রথে চড়ে,  
চলু সখি চলু ছরা করে,  
আড নয়নে দেখ'বি তারে মিটবে অভিলাষ ॥

[ স্নানদ্রাকে লইয়া প্রস্থান ।

অর্জুন ও শ্রীকৃষ্ণের প্রবেশ ।

শ্রীকৃষ্ণ । শোন সখা ! হলধর ঘটায়ছে পরমাদ  
দুর্যোধনে আনিয়া হেথায় ;  
কিন্তু স্নানদ্রা তোমার—  
রথে তুলি তারে  
হও তুমি অদৃশ্য ছরায় ।

অর্জুন । কিন্ত ভয় হয় হে মুরারী—  
বলভদ্র সহ বিসম্বাদে ।

## ভদ্রার্জুন

[ পঞ্চম অঙ্ক ।

শ্রীকৃষ্ণ ।

নাহি ভয়—  
কৌশলেতে কাষ্যোক্তার হইবে এখনি,  
আমি আছি বলভদ্র ক্রোধানল  
কবির নিরূপণ ।  
কহিয়াছি দারুকেরে  
অশ্ববল্লা ছেড়ে দিতে  
সুভদ্রার হাতে,  
দেখাইব বলভদ্রে সুভদ্রা যে  
অর্জুন প্রয়াসী ।

অর্জুন ।

কিন্তু এই সুভদ্রা হরণে  
ধর্মবাজ ব্যথা পাবে মনে,  
চুঃখিতা যে হবেন জননী ।

শ্রীকৃষ্ণ ।

কেন চিন্তা সখা !  
আজ্ঞা মোর করহ পালন ।

অর্জুন ।

তবে তাই হোক জগন্নাথ !  
তব ইচ্ছা হউক পূরণ,  
আমি যে সেবক—  
শিরে ধরি তোমারি আদেশ করিব বরণ ।  
বিপদ ভঞ্জন !  
তুমি যে বিপদে মোর হইবে সহায়,  
বিপদের কিবা আছে ডর ।

[ প্রস্থান ।

শ্রীকৃষ্ণ ।

দেখি, এইবার কি ঘটিবে  
সরস্বতী তীরে ।



[ সহসা নেপথ্যে—সর্বনাশ হ'লো, সুভদ্রাকে বধে তুলে নিয়ে  
পালাচ্ছে—ধর ধর শব্দ ]

হাঃ-হাঃ-হাঃ ! দেখি কিবা হয় ।

[ দ্রুত প্রস্থান ।

ক্রোধোন্মত্ত বলরাম ও সাত্যকীর প্রবেশ ।

বলরাম ।      এত স্পর্ধা—এত স্পর্ধা  
হ'লো অর্জুনের,  
ষাদব কুলের বালা ছরি ল'য়ে যায়  
ষাদবের কুলে কালী দিয়ে ।  
চল্—চল্‌রে সাত্যকী—  
ষাদবের রাখিতে গৌরব ।  
আজি এই মহাহলে  
দীর্ঘ করি গর্বিত অর্জুনে  
ফেলে দেবো শত যোদ্ধাদের পথে,  
সৃষ্টি স্থিতি আজি করিব বিলয়  
সুভদ্রা উদ্ধাবে ।

[ উভরের প্রস্থান ।

সুভদ্রা ও অর্জুনের প্রবেশ ।

অর্জুন ।      ওই—ওই হের ভদ্রা,  
ধেরে আসে অগণন ষাদব সেনানী  
পশ্চাতে মোদের ।  
দৃঢ় করে' অশ্ববল্য করিয়া ধারণ  
চালনা করহ রণ ইন্দ্রপ্রহ পানে ।

সুভদ্রা । নাহি ভয় তৃতীয় পাণ্ডব !  
 ক্ষত্রিয়া নন্দিনী আমি  
 বধনীতি জানি ভালমতে,  
 জানি রথ চালনা করিতে ।

[ নেপথ্যে যাদবগণ—ওই—ওই যার অর্জুনের রথ ]

অর্জুন । ওই—ওই এলো যাদববাহিনী ।  
 এস ছুরা চালনা করিতে রথ,  
 মুচ্ছিত দারুক ।

[ উভয়ের দ্রুত প্রস্থান ।

দ্রুত শ্রীকৃষ্ণের প্রবেশ ।

শ্রীকৃষ্ণ । অদ্বিত—অদ্বিত দৃশ্য নেহারি নরনে ।  
 হান্সমরী সুভদ্রা ভগিনী  
 অশ্ববল্য করিয়া ধারণ—  
 চমৎকার চালনা করিছে রথ ।  
 প্রাণপণ করে রণ—  
 প্রিয় বান্ধব আমার !  
 বাণে বাণে মেঘাচ্ছন্ন হইল আকাশ,  
 ভয় নাই ভক্ত ধনঞ্জয় !  
 পরাঙ্কিত ভক্তাধীন ভক্তের নিকট ।

[ প্রস্থান ।

দ্রুত সাত্যকীর প্রবেশ ।

সাত্যকী । একাকী ভীষণ রণ করে ধনঞ্জয়,  
 যতকুল হয় পরাঙ্কিত ।

লক্ষ লক্ষ যত্ববীন হতাহত  
অর্জুনের রণে ।

বলরামের প্রবেশ ।

বলরাম ।

অপমান—অপমান—  
যাদবের অপমান করিল অর্জুন,  
মর্শভেদী অপমান নারিষ সহিতে ।  
ওরে—রে সাত্যকী !  
ডাক্—ডাক্ সে চতুর কৃষ্ণে  
পাণ্ডব সখারে,  
অর্জুনের কিবা কীর্তি  
দেখে যাক্ স্বচক্ষে তাহার ।  
চল্—চল্‌রে সাত্যকী  
দ্বিগুণ উৎসাহে করিবারে রণ ।

সাত্যকী

প্রভু ! কাস্ত দাও রণে,  
পরাজিত যাদবের কুল ।  
গেছে রথ গিরাছে সারথী—  
শর শূন্য তুণ—অস্ত্র হীন সবে,  
না পারিব জিনিতে অর্জুনে ।

বলরাম

নারিবে সে অর্জুনে জিনিতে  
কেশরীদল এ যাদব ?  
আচ্ছা—আচ্ছা দেখি  
কত বড় শক্তিমান  
হয় সে অর্জুন ।  
হল ! হল ! উদ্যানটি কর এইবার ।

অর্জুন সংহাবে গর্জে ওঠ  
 ভীম প্রভঞ্জন সম—  
 জলে ওঠ রুদ্ধতেজে অর্জুন সংহাবে ।  
 সৃষ্টিস্থিতি হউক বলর,  
 হলের আঘাতে ধ্বংসগর্ভে ডুবে যাক  
 ধাতার রাজত্ব । [ চল উত্তোলন ]

[ সহসা পৃথিবী কম্পিত, প্রলয় শব্দ উথিত হইতে লাগিল ]

সাত্যকী । প্রভু ! প্রভু ! রক্ষা কর—  
 রক্ষা কর ধরণীরে আজি ।  
 ওই হের মুহুঃ মুহুঃ হতেছে কম্পিত—  
 ওই শোন প্রলয় নিনাদ—  
 সম্বরণ কর ক্রোধ ঘেব হলপালি ।  
 [ পদপ্রান্তে ঘোড়হস্তে পতিত হইল ।

বলরাম । না—না—  
 ধ্বংস আজ হউক ধরণী ।  
 ব্যস্তভাবে শ্রীকৃষ্ণের প্রবেশ ।

[ চক্রধারা হলের শক্তি নিস্তেজ করিল, ধরণীর কম্পন বন্ধ হইল ]

শ্রীকৃষ্ণ । আর্ষ্য ! একি তব নীতি ?  
 সম্বরণ কর ক্রোধানল,  
 অকালে প্রলয় আজি  
 কেন বা ঘটাইও ।

বলরাম । ওরে চতুরালি ! ভূলাতে কি  
 এলি মোরে এবে—

বাদবের কুলে কলঙ্ক লেপন করি ।

সরে যা—সবে যা—

ক্রোধানল আরো মোর

উঠিছে জলিয়া ।

শ্রীকৃষ্ণ ।

আর্য্য ! সে দোষ কি মোর ?

বীর হয় বীরত্বের পরিচয়,

বীর্য্যশুদ্ধে রমণী গ্রহণ

ক্ষত্রিয়ের ধর্ম্ম যে তাহাই ।

তবে কেন অকারণ

সৃষ্টিনাশে করেছ সঙ্কল্প ?

চেরে দেখ কে চালায়

অর্জুনের রথ ।

বলরাম ।

রে সাত্যকী ! বল স্বরা—

কে চালায় অর্জুনের রথ ?

সাত্যকী

দারুকে বন্ধন করি

রথের স্তম্ভেতে

সুভদ্রা চালায় রথ মনের উল্লাসে—

অশ্ববল্লা করিয়া ধারণ ।

বলরাম ।

রাঁগা ! সেকি !

শ্রীকৃষ্ণ ।

ওই—ওই হের আর্গ্য

অর্জুনের রথ,

সুভদ্রা যে করিছে চালনা ।

বলরাম ।

সত্যই তো ! ছিঃ—ছিঃ !

কি যুগা—কি লজ্জা বাদবের কুলে ।

শ্রীকৃষ্ণ ।

তবে কেবা আজি অপরাধী  
কহ আৰ্য্য যোবে ?

বলবাম ।

কলঙ্কিনী—কলঙ্কিনী !

সুভদ্রা নাগিনী

প্ৰানি দিল যাদবের ভালে ।

শ্রীকৃষ্ণ ।

হে আৰ্য্য ! একি তব কথা,

পতিব্রতা সুভদ্রা ভগিনী

অনুগামি হইছে পতির ;

ইহাই তো কর্তব্য নারীর ।

কলঙ্কিনী নহে ভদ্রা

অপরাধী নহে ধনঞ্জয় ।

শাস্ত হও,

ভর্য্যোধন ফিরে গেছে হস্তিনার

শ্বেচ্ছার আপনি ।

এস আৰ্য্য !

আবাহন করি আমি পার্থ সুভদ্রার

লোকাচার মতে ভদ্রার বিবাহ

সম্পন্ন হউক আজি এ সন্ধ্যায় ।

বলরাম ।

তবে তাই হোক,

ওরে কৃষ্ণ ! ইচ্ছাময় তুই—

তোর ইচ্ছা হউক পূরণ ।

যা—যারে সাত্যকী !

আবাহন করি আন

পার্থ সুভদ্রার ।

[ সাত্যকীর প্রস্থান ।

শ্রীকৃষ্ণ ।           তবে এস আৰ্য্য !  
                          সুভদ্রার পরিণয়ে  
                          দ্বারকার মহোৎসব করি আয়োজন ।  
                          ওই সাত্যকীর সাথে  
                          পার্থ ভদ্রা আসে দুইজন ।

সাত্যকী সহ অর্জুন ও সুভদ্রার প্রবেশ ।

অর্জুন ।           রামকৃষ্ণ পদে প্রণাম আমার ।

সুভদ্রা ।           ভগিনীর লহ নতি  
                          অগ্রজ হৃৎসনে ।

[ উভয়ে কৃষ্ণ বলরামকে প্রণাম করিল ]

বলরাম ।           জয় হোক—জয় হোক অর্জুন তোমার ।  
                          এই বীরত্ব আখ্যান তব  
                          চিরদিন ধরাধামে থাকুক অমর ।  
                          সতীলক্ষ্মী সুভদ্রা ভগিনী !  
                          আদর্শ পতির পাশে  
                          আজি হ'তে হোক স্থান তব ।  
                          ভদ্রার্জুন সন্মিলনে হোক আজি  
                          পাণ্ডব যাদব সনে  
                          বৈরতার যবনিকাপাত ।

[ কৃষ্ণ ও বলরাম সুভদ্রা ও অর্জুনকে আশীর্বাদ করিতে  
                          হস্ত প্রসারণ করিল ]

**যবনিকা :**

# বাণীশক্তি

শ্রীবিনয়কৃষ্ণ মুখোপাধ্যায় প্রণীত । নারায়ণ অপেরাপাটি কর্তৃক মহা  
সুখ্যাতির সহিত অভিনীত । মহাকবি কালিদাসের বাণীপূজার মঙ্গলপাঠ ।  
বিদ্যাগ্রাহী বিক্রমাদিত্যের চরিত্রের মাধুর্য্য বিকাশ । তাল বেতাল সিক,  
শকরাজ মিহিরকুলের সহিত যুদ্ধ ও জয়লাভ । ভোজরাজ-কন্যা ভানুমতীর  
সহিত বিবাহ । মূল্য ২২ ছই টাকা ।

# ব্রহ্মউপন

শ্রীবিনয়কৃষ্ণ মুখোপাধ্যায় প্রণীত । ভোলানাথ অপেরায় অভিনীত ।  
স্বদেশের জন্য অমূল্য জীবন দান, কর্তব্যের আবাহনে দারিদ্র্যতা  
বরণ । জাতীয় গরিমার প্রাণ প্রতিষ্ঠায়-বিষ স্তম্ভিত । সেই রাজ-  
পুত্রানার গৌরব-মুকুট রাণা প্রতাপের মাতৃপূজার অমরকাহিনী ।  
মূল্য ২২ ছই টাকা ।

# মিলন শঙ্খ

শ্রীবিনয়কৃষ্ণ মুখোপাধ্যায় প্রণীত । মিনার্ভা অপেরায় অভিনীত ।  
মহাবাজ যযাতির সহিত দেবযানীর বিবাহ । দেবতার ষড়ষষ্ঠে কচের  
মৃতসঞ্জিবনী মন্ত্র গ্রহণ । শর্ষিষ্ঠার সহিত যযাতির গুপ্ত প্রণয়, দেবযানীর  
প্রতিহিংসা । মূল্য ২২ ছই টাকা ।

# বনেরপথে

শ্রীবিনয়কৃষ্ণ মুখোপাধ্যায় প্রণীত । (রামসীতা অপেরায় অভিনীত)  
ধর্ম্মজীবনের বেদনার অঙ্গ মুছাইতে অভিশপ্তা কৈকেয়ীর অন্য, কৈকেয়ীর  
আরোচনার আনন্দ কোলাহল মুখরিত অঘোষ্যার বুকে হাহাকার ধ্বনি ।  
রামপুত্র দাঁড়ালের গিরে বনের পথে । মূল্য ২২ ছই টাকা ।



**B1489**

**1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32**







